

NCDC yamian
agensim VAT takis - p2



**Nupela Is Sepik
Gavana** - p3

**Ol nupela Minista
long Gavman** - p12



• Sir John Kaputin i sikan long Gavman Jenerel taim em kamap Minista bilong Maining. (Iephan) John Waiko i kamap Minista bilong Edukesen insait long Morauta na Pundari gavman.

Gavman i gat ol hambak Minista, Skate i tok

YAKAM KELO i raitim

OLPELA Praim Minista Bill Skate i tok i gat sampela hambak Minista i stap nau long nupela Ministri bilong Sir Mekere na Pundari.

Samting olsem 15 Minista em Mista Skate i tok ol i bin wok wantaim em long olpela Gavman na em i save gut long ol olsem ol lain bilong raun long laik na mekim samting bilong ol yet na i no mekim gut wok bilong ol. Olsem na em i bin rausim ol long wok bilong Ministri bilong ol, Mista Skate i tok.

Mista Skate i tok em i sori long nupela Gavman bikos nogut ol dispela hambak lain bai kamapim wankain hevi yet we ol i bin mekim bipo long daunim em na Gavman bilong em.

Mista Skate i tok em i amamas long lukim olsem sampela sinia lida holim Ministri na i stap insait long kabinet. Ol lida olsem Sir Michael Somare, Bart Philemon, Sir John Kaputin, Kilroy Genia na Ted Diro. Tasol mi bai amamas tu long lukim sapos Sir Mekere i givim Minista wok tu long ol ol lain olsem Paul Pora, Masket langalio, Sir Rabbie Namaliu, em i tok.

Nau eking lida bilong Oposisen, Mista Skate i tok em i klia olsem Praim Minista Sir Mekere i no skelim gut na brukim ol wok Ministri, tasol em i klia dispela em pawa na rait bilong Praim Minista yet long mekim.

Mista Skate i tok tu olsem Sir Mekere i mas amamasim lida bilong Pangu Chris Haiveta bikos ol i bin promis long givim em (Haiveta) sia bilong Praim Minista. Olsem na dispela Gavman i mas givim wanpela bikpela Ministri olsem Treseri long Mista Haiveta.

Em i tok taim Mista Haiveta wantaim Pangu i kam insait na joinim Gavman bilong em sotpela taim tasol, Mista Haiveta i bin putim kamap 54 rot bilong stretim hevi bilong mani na bisnis insait long kantri. Haiveta i no mekim samting hait, na em i bin mekim olgeta samting ples klia we em i toktok na soim ol samting klia long mi, olsem na mi ting Sir Mekere i mas amamasim Chris Haiveta wantaim wanpela bikpela ministri, Mista Skate i tok.

Olpela Praim Minista i no amamas tu long dispela Gavman long i no tokaut yet long wanem rot ol bai sevim PNG long hevi bilong mani na bisnis bilong kantri we i stap long hevi nau.

Em i tok Gavman i no redim dispela rot bilong stretim hevi bilong mani long PNG yet na nau em i hariap long i laik kamapim wanpela liklik mini baset.

Mista Skate i tok dispela mini baset bai i kamapim hevi olsem na Gavman i mas go het wantaim dispela 1999 baset bikos dispela em gras rot baset stret. Mi no laik lukim baset bilong ol saveman, em i tok.

Eking Oposisen lida i tok long nau yet, namba bilong ol lain bilong em long Oposisen i sanap olsem 31 na long neks wik Mande bai ol i tokaut nem bilong ol Sedo Minista bilong ol.

Long dispela taim tu em i tok amamas long lukim olsem Ombudsmen Komisn i makim John Toguata long kamap wanpela komisina bilong Ombudsmen Komisn. John Toguata em Ailan Rijinol Komanda bilong plis fos.

Mista Skate i tok em i save olsem Mista Toguata em wanpela eksperiens plisman na em bai mekim gutpela wok.

Em i laikim bai Ombudsmen Komisn i go het long sekim dispela ripot bilong Mujo Sefa teip na sapos nem bilong em i klia olsem em i no mekim wanpela asua, em bai tanim bek na kotim husat man o lida i bin traim long trepim em insait long dispela vidio piksa.

Tasol em i laikim tu bai Plis Komisina i mas opim tu arapela wok painimaut long ol arapela lida na bikman long kantri long ol ripot bilong ol we plis i gat rektol long ol.

PDM laik kamap wan pati gavman

JOE KANEKANE i raitim

BIKPELA politikel pati long Morauta na Pundari gavman Pipels Demokratik Muvmen i soim pinis olsem ol i laik kamapim wanpela pati tasol long ronim gavman bihain long pasin Praim Minista Sir Mekere Mourata i tilim ol Ministri na sampela moa memba i joinim dispela pati.

Praim Minista i no luk-save long pati bilong namba tu Praim Minista John Pundari na tu long Pipels Progrés Pati taim em brukim ol wok Minista long wanem em i givim planti i go long pati bilong em yet.

Na tu dispela i min olsem bai PDM i gat moa pawa long kabinet long wokim ol sampela bikpela disisen.


Long wik i go pinis foapela PDM memba husat i bin stap wantaim Skate i kam bek na joinim pati na tu lida bilong ol lain Independent Dokta Fabian Pok wantaim ol lain bilong em i joinim PDM.

Dispela i mekim PDM olsem wanpela bikpela pati long dispela gavman pastaim long Advens PNG pati husait i gat namba tu bikpela lain long dispela gavman.

Sir Mekere tu i luksave long ol PDM lain pastaim long em i brukim ol narapela wok




• Vincent Auai.



• Mao Zeming.



• Tommy Tomscoll.



• Dokta Fabian Pok.

Minista long wanem em i givim sampela sinia wok Minista long ol PDM memba.

Ol wok Minista we PDM yet i lukautim em Woks, Fainens, Petroluem, Kopretaisesen, Rurel developmen, Lens, Plis na CIS, Difens, na Praim Minista em yet i holim faipela wok Minista.

Praim minista Sir Mekere bai yusim dispela faipela wok Minista long lukim sapos em i ken givim long ol narapela pati husait i stap long gavman o bai em i givim long ol lain PDM.

Praim Minista i save olsem em i gat planti namba olsem na em i no wari sapos em givim wanpela sinia wok i go long ol arapela pati o nogat.

Sir Mekere i ken rausim dispela ol lain sapos ol i komplem olsem ol i no kisim plan-

ti wok Minista long wanem em i save olsem dispela gavman bai stap inap long 2002 jenerol ileksen.

Sapos dispela em i tingting bilong PDM bai ol i kisim bikpela taim long wanem wanpati gavman i no save stap longpela taim.

Long wanem olgeta memba i bai laikim Praim Minista long lukluk long wari bilong ol na askim bilong ol long ol kainkain wok bai moa.

Taim Pangu pati i bin kamap olsem wan pati gavman, Pati i bin bruk i go olsem PDM na Lig for Nesenol Advensmen.

Long sait bilong mekim ol disisen i bihainim polisi bilong pati ating bai nogat lain bai stopim PDM long wanem planti bilong ol bai stap long kabinet olsem na dispela bai mekim isi wok bilong ol.

PLIS RIPOT

Mosbi

Long Tunde, sampela stilman i robim ol Soldia bihain long ol kam autsait long wanpela beng long Mosbi na stilim mani mak bilong K186,000. Wanpela bilong ol soldia i tok taim ol kam autsait ol stilman i kam pulim long han bilong ol ranawe wantaim dispela mani. Dispela em pe mani bilong ol lain i stap long duti wantaim ol lain i no stap long duti o malolo. Ripot i tok tu olsem dispela bilong i go i kam long beng i no bin go wantaim ami plis bilong ol taim ol bin bungim dispela birua.

Na tu ol plis i holim pasim wanpela meri wantaim tupela man na sasim ol taim ol painim 5-pela gan insait long haus bilong ol long Gerehu stet 2. Tripela yah i bilong Goilala na nau yet i stap long han bilong ol plis. Ripot i tok olsem ol plis i no laik long ol lain bilong ol long belim ol i go aut. Na tu igat wanpela dispela tupela man ya i gat bering i stap long kok bilong em.

Rabaul

Long Rabaul, wanpela man Tolai i go kalabus llong yupela yia. Man ya i gat 55 krismas na em i brukim stret lo bilong famili sapot insait ol ples bilong yumi. Nem bilong man em Gerard Tiam Pota husat i bin mekim pasin nogut wantaim wanpela yangpela meri husat i gat 15 krismas.

Kot i tok taim ol famili bilong meri i lusim em stap klostu long man na go pinis, lapun man i mekim ol stori nogut na pilai pilai long samting bilong em na bihain em i kisim meri i go baksait long haus kopra na mekim pasin pamuk wantaim em.

Kokopo distrik kot i sasim em na salim em igo long kalabus inap 2pela krismas. Kot i tokim olsem dispela pasin em mekim i egesim tru tras yumi save igat long famili na sosaiti bilong yumi. Na dispela bilong bikman ya i no gutpela na bai nogat marimari long em, bikos em sem pasin na wankain olsem pasin bilong ol enimel.

Long wankain pasin tu, Megistret Doreen Kanasa, i skurim kot bilong narapela man Tolai, husat i bin traim long mekim nogut long pikinini meri bilong em. Kot i harim olsem, papa ya i bin kisim tingting nogut olsem pikinini bilong em i wok long raun wantaim sampela man. Na papa bilong em i rausim olgeta klos bilong em na laik mekim pasin nogut long em. Megistret Doreen Kanasa i skurim kut bilong em i go long pinis bilong dispela mun.

Lae

Tony Wagambi long Trinde aste i tokaut bihainim sampela ol raskol pasin na trabel we i bin kamap long las wiken i kam inap dispela wik na em kisim tingting long ol hevi we i kamap bikos long prais bilong ol kaikai na ol samting billing stua i go antap nau.

Mista Wagambi i tok plis long Lae i bin pait wantaim sampela lain raskol long Bumyong taim ol dispela raskol i bin go na i laik stilim long wanpela stua long hap. Ol raskol i bin bungim taim nogut taim ol plisman i kamap na ol i sut long sotgan i go kam na ronawe long ka. Plis na raskol i ron wantaim long ka na sut long sotgan i go kamap long Wes Taraka we ol raskol i go lusim ka na ronawe nabaut. Plis i kisim dispela ka na i wok long painimaut yet long ol dispela raskol lain. Provinsel Plis Komanda bilong Lae, Tony Wagambi i tok ol dispela raskol man i bin stilim dispela ka long wanpela helt inspekta bilong Lae Siti Atoriti long Tunde moning.

Mista wagambi i tok ol dispela man nogut i bin hensapim dispeal wokman bilong Lae Siti Atoriti wantaim stronpela sotgan na kisim dispela ka long bikman ya. Bihain ol i yusim dispela ka long i laik stil long bikpela stua long Bumayong long nait taim ol plisman i kamap bungim ol na pait wantaim ol.

WANTOK

All departments, Phone: 325 2500 - Fax: 325 2579
P. O. Box 1982, Boroko, NCD, Papua New Guinea



Publishing Weekly, Thursday, for
Word Publishing Company Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Company Ltd.

General Manager and Group Editor in Chief:
Anna Solomon.
Advertising Manager:
Mike Kanin.

Editor of Wantok:
Yakam Kelo.

Papers distributed by air throughout PNG.
Available by air mail subscription within Papua New Guinea and overseas
Email address:
word@global.net.pg

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.

NCDC Yunien laikim gavman rausim VAT takis

VERONICA HATUTASI i raitim

NESENEL Kapitel Distrik Komisn Yunien i putim singaut long Nesenel Gavman long rausim Velu Eded Takis insait long kantri bikos kantri i no redi gut yet long en.

Yunien i laikim tu gavman long glasim VAT na sapos em i laikim bai i stap, orait, apim pe bilong ol woklain long 10 pesen mak.

Gavman i bin go hetim VAT takis long tripela wik i go pinis long Julai 1.

Seketeri bilong NCDC Wokas Yunien Wilson Thompson i tok Komisn em i wanpela long ol yunien we i no bin laikim gavman i kamapim VAT takis long PNG bikos em bai kamapim moa hevi.

Mista Thompson i tok VAT bai i gutpela long manufeksaring bisnis tasol kantri i nogat ol polisi bilong skruim takis ya we i karamapim ol.

Em i tok VAT i wok nau n a hamas ol bisnis we i menufeksarim ol samting bai em (VAT) i karamapim?

Sapos i nogat ol bisnis/kampani we i save wokim ol samting long ol

samting (ro matiriels) we kantri i kamapim yet, VAT bai no gutpela.

Mista Thompson i tok prais bilong ol samting bai i go antap yet. Em i tok planti pipel long PNG i no klia long rot bilong sasim VAT na sampela i peim tupela VAT takis. Ol pipel long ol ples longwe long taun bai kisim taim tru long VAT takis.

Em i tok kantri i no redi yet long VAT takis bikos i nogat ol long long senisim rot we ol liklik grasrut PNG pipel i karimaut ol wok bisnis bilong ol. Em i tok long PNG ol pipel i save baim ol kain

takis na VAT tu wantaim bikos ol papa bilong ol bisnis na stoa i save putim taim ol i apim ol prais bilong ol guds na sevis.

Em i tok i moabeta long gavman i skelim na glasim VAT takis na sapos em i tok long go hetim em, orait, pe bilong ol wok manmeri i mas go antap long 10 pesen mak tu.

Yunien i wok long askim long pe bilong ol NCDC wokman na yunien memba i go antap long 22 pe sen pastaim nau i surukim mak i go antap long 50 pesen bikos long VAT takis.

PNG asosiesen ov Redress askim Gavman long sapot

SINGAUT i go long wanpela Gavman Minista o mausman i mas go wantaim ol PNG Asosiesen bilong Redress long Esia Pasifik long bikpela bung bilong ol historien long Kenbera Yunivesiti long Septemba 1 na 2, 1999.

Siaman bilong asosiesen, Gabriel Laku i tok dispela bung em ol lain long Japan yet i go pas long en bikos ol i laik kisim moa stori na save long ol hevi bilong woa we i bin kamap long Papua Niugini na Pasifik rijon long 1942 wol woa 2.

Mista Laku i tok i gutpela

long wanpela Gavman Minista i mas kam na witnessim dispela bikpela miting bikos ol saveman bilong histori bai tokaut long ol ripot na kisim ripot bilong ol tu long dispela hevi.

Mista Laku i tok dispela em bikpela sans bilong PNG Gavman i ken pusim hevi bilong ol lain i bin stap long woa bipo i go long han bilong Japan gavman long stretim kompensesen we ol i wok long askim longpela taim i kam.

Mista Laku i tok planti kantri long ovasis i bin kisim

sapot bilong Gavman bilong ol na toktok wantaim Gavman long dispela. Olsem na Japan Gavman i bin baim ol lapun bilong ol husat i bin bungim hevi long taim bilong woa.

Olsem tu, PNG tu i gat wankain hevi olsem i kamap na em i askim Gavman long bringim dispela hevi i go fowet long han bilong Japan Gavman.

Mista Laku i tok ol sampela lida olsem Morobe Gavana Luther Wenge, memba bilong Alotau lairo Lasaro na memba bilong Yogomugl Sinasina

Ludger Mond i save long dispela samting na i bin traim long sapotim. Tasol ol senis long Gavman i bin mekim na ol wok i no ron gut.

Tasol Mista Laku i tok em bai wok strong yet long singaut long Gavman long kam insait na sapotim ol lapun bilong Papua Niugini long dispela hevi bilong ol.

Dispela bikpela miting bai kamap long Kenbera Yunivesiti long harim na kisim moa tingting na stori bilong woa insait long Papua Niugini na Pasifik rijon long taim bilong wol woa 2.

Ol papagraun laik pasim sevis long Angoram

OLGETA sevis long Angoram taun insait long Is Sepik provins bai i pas sapos ol atoriti i no wokim wanpela samting long stretim wari bilong ol lain papagraun we taun i sanap long en.

Na ol i givim foapela wik o wanpela mun long ol atoriti bilong mekim sampela samting long harim na stretim wari bilong ol.

Dispela em long hariap long edresim K2.5 milien kompensesen we i namba wan hap tasol long K25. 5 milien kompensesen mani ol i laikim long Angoram taun graun.

Tripela wanpinis husat i papa long graun we Angoram taun i sanap long en em long Gasina, Oro na Longumi wanpinis na ol i makim tripela asples klostu long taun. Em long Mansep, Member na Gawian ples.

Tripela mausman lida bilong tripela wanpinis i bin lusim wanpela wik long Mosbi long traim lukim ol bikman long Nesenel Len Taitels Komisn (LTC) opis na tu opis bilong Ateni Jenerel long traim kisim sampela gutpela toktok long dispela samting, tasol ol i les na go bek bikos Opis bilong LTC i no givim wanpela gutpela helpim. Komisina na ol sinia opisa i no bin stap na i nogat lain wantaim gutpela save long helpim ol taim ol bin go long (LTC) opis long Waigani las wik.

Tripela ples lida em long Raphael Digi, Maria tan na Maria Wabo. Ol bin tromoim bikpela mani long baim pe bilong balus long ples bilong ol long Angoram Distrik i kam olgeta long Mosbi na ol no amamas long kain pasin we nesenel hetkota LTC opis long Waigani i no givim wanpela



• Raphael Digi long namel, Maria Tan long hankais na Maria Wabo long hansut.

gutpela helpim long wari bilong ol.

Mista Digi na Misis Tan i tok insait long 86 krismas taim gavman i go insait na sindaun long Angoram taun, ol papagraun i no lukim wanpela gutpela luksave.

Na askim bilong ol long K27.5 milien kompensesen we ol i putim fowed long gavman long 1978 we em i ken peim K2.5 milien kwiktait i pondau long iapas. I kam inap nau, nogat wanpela samting i kamap long askim bilong ol.

Angoram taun i sanap long 50/60 hekta graun na ol kain developmen na sevis i bin kamap, stat yet long 1913 taim gavman lain i sindaun long en. Ol Misis tu i sindaun long en wantaim tu ol arapela grup. Ol skul, helt sevis, pos opis, ol stoa, maket na ol arapela sevis i go het long Angoram taun. Na ol komyuniti long taun na ol ples klostu na tu distrik we em i karamapim i kisim sevis we Angoram taun i givim.

Mista Digi na Misis Tan i tok

graun we Angoram taun i sanap long en i bin stap olsem kastomeri graun inap long 1978 taim gavman i diklerim o tokaut olsem em Stet graun. Na tripela wanpinis ya, Gasina, Membner na Gawian em ol trupela papagraun.

Tupela i tok luksave we ol papagraun i laikim em sampela ol projek o ol liklik wok kamap ol papagraun i ken stap insait long en long sait bilong developmen. I kam inap nau, ol papagraun i no lukim wanpela gutpela samting o wok patna wantaim gavman long kamapim developmen bilong Angoram taun.

Tupela i tok long stat long 1970 yet na i go het long 1978 na inap long mun Februari na Jun long dispela yia, ol papagraun i wok long singaut kompensesen na tu toktok long ol distrik na Provinsel Lens atoriti long harim singaut bilong ol tasol nogat wanpela gutpela samting i kamap.

Nau ol papagraun i wok long les na ol i laik kisim strongpela eksen nau.

Long Septemba las yia, ol papagraun i bin pasim sevis long Angoram taun long wanpela wik taim ol i mas i go na blokim taun. Long dispela taim tu, wanpela man i bin dai.

"Mipela i sallm ol pas i go long provinsel na rijinel lens opis tasol nogat gutpela bekim i kamap.

"Mipela i ting olsem bai mipela i kam lukim ol lain long hetkota opis bilong ol Lens long Waigani na kisim sampela gutpela samting tasol nogat tru ya. Tasol taim mipela i go long opis bilong Komisina, mipela i kirap nogut olsem Komisina na ol sinia opisa i no stap long edresim wari bilong mipela.

Mipela i no amamas long ol kain ekskus olsem Komisina i no stap. Mipela i kam long longwe ples, baim bikpela mani long balus tiket, painim hap bilong slip na kaikai long en na baim ol PMV na raun long en long Mosbi long traim stretim wari na nau mipela i go bek wantaim nogat gutpela ansa.

"Mipela nau i hairim wanpela loya long Mosbi long helpim mipela. Em i kostim bikpela mani tu na i hat long mipela ol grasrut pipel long ples long baim ol sevis bilong praivet loya.

"Ol nesenel palamen memba bilong mipela olsem Arthur Somare memba bilong mipela long Angoram na papa bilong em Is Sepik Gavana Sir Michael Somare i givim sampela toktok long helpim mipela tasol dispela i no kamap yet. nau ol i stap long gavman na olsem mipela i gat bilip olsem ol bai lukluk long wari bilong mipela na givim sampela helpim long mipela," tupela Mista Digi na Misis Tan i tok.


Arthur Somare kamap Is Sepik gavana

ARTHUR Somare i kamap Gavana bilong Is Sepik provinsal gavman bihain long papa bilong em Sir Michael Somare i lusim dispela sia na kamap Minista long nesenel gavman dispela wik.

Arthur Somare husat em nesenel memba bilong Angoram i winim dispela ileksen wantaim 22 vot na lapun bilong Maprik Sir Pita us i kisim tasol 9-pela vot.

Dispela i mekim Arthur Somare em wanpela yangpela Gavana tru insait long Papua Niugini bikos em bai kamap 31 krismas long pinis bilong dispela yia.

Sir Michael Somare i bin Gavana bilong Is Sepik provins



• Arthur Somare

tasol em i lusim na kamap Minista bilong Foren Afeas insait long

Gavana bilong Sir Mekere na Pundari long Mande dispela wik.

Ol arapela memba bilong Is Sepik provins i no bin resis. Ol memba olsem Judah Akessim, memba bilong Ambunti Dreikir na Gulus Yumbun memba bilong Wasera Gawi.

Resis i stap namel 'long Arthur Somare na Sir Pita Lus we Arthur Somare i kisim sia long ileksen aste.

Dispela i soim olsem Arthur i wok long bihainim lek bilong papa bilong em yet we em i kamap nesenel memba na nau em i kamap Gavana bilong provins.

Edvens PNG wanbel long tupela Ministri

EDVENS PNG Pati i tok ol i nogat kros o bel nogut long kisim tupela Ministri tasol long dispela wik.

Lida bilong pati John Pundari i tokaut olsem pati bilong em i nogat bel kros na ol i amamas long stap wantaim Gavman we ol i bin kamapim.

Pipel i laikim senis long Gavman olsem na mipela i kamapim dispela senis long Gavman, Mista Pundari i tok.

Gavman long dispela wik i bin brukim ol wok Ministri long olgeta memba bilong en we pati bilong John Pundari i kisim tasol tupela Ministri. Lain bilong Mista Pundari i gat bikipela namba long Gavman we ol i namba tu long Pipels Demokratik Muvmen (PDM).


Ol tupela lain i bin kisim wok ministri em lida yet, John Pundari wantaim Hom Afeas, Wimens, Yut na Sios Ministri. Narapela Ministri em Kilroy Genia wantaim opis bilong Jastis Ministri.

Edvens PNG pati lida i tok ol i amamas wantaim dispela tupela Ministri bikos olgeta samting i sanap long laik na disisen bilong Praim Minista yet long mekim na skelim.

Toktok i bin kamap pinis bipo olsem bikso Edvens PNG em bikipela namba tu pati insait long Gavman, em inap kisim olsem 6 o 8-pela Ministri. Tasol dispela toktok i abrus na ol i kisim tasol tupela Ministri.

Mista Pundari i tok wok bilong ol yut, meri na sios em bikipela samting long kantri na em bai wok hat long stretim ol hevi na wok bilong ol. Em i tok wok bilong ol meri em bikipela samting na em bai traim long wok klostu wantaim ol bai ol i ken kisim sampela kain gupela sapat na helpim i kam.

Long sait bilong yut, em bai wok klostu wantaim Nesenel Yut Sevis (NYS) long strongim wok bilong yut insait long kantri. Na long sios,



• John Pundari


em bai traim long bungim gut olgeta sios wantaim long gutpela wok poroman na sapat long gutpela developmen bilong PNG pipel na kantri olgeta.

Em i tok dispela Ministri bilong Hom Afeas, Wimens, Yut na Sios em bikipela samting bikos em i gat wok long kamapim gutpela developmen long ol pipel na kantri olgeta.

Minista bilong Jastis Kilroy Genia i tok ol pipel i bin krai long i mas gat senis long Gavman. Olsem na Edvens PNG pati i mekim muv long kamapim dispela senis.

Mista Genia i sapatim toktok bilong lida bilong pati na tok ol bai sapat yet na wok klostu wantaim Praim Minista Sir Mekere Morauta na Gavman bilong em.

Edvens PNG pati i bin go kem wantaim ol Oposisen lain husat nau i stap long Gavman long Madang na ol i pasim tok long Pundari bai kamap namba tu Praim Minista. Tasol bihain, Edvens PNG i kalap gen go joinim kem bilong Bill Skate na ol i laik makim Praim Minista long John Pundari. Tasol wanpela de bihain, Edvens PNG i kalap gen i go bek joinim ol lain bilong Oposisen na ol i fomim Gavman.



• Sir Mekere Morauta wantaim ol 24 minista long gavman bilong em.

Gavman makim 24 Minista long kabinet

YAKAM KELO i raitim

GAVMAN bilong Sir Mekere Morauta na John Pundari i tokaut pinis long 24 Minista bilong nesenel palamen long Mande dispela wik.

Ol dispela Minista i gat ol nupela na olpela eksperiens memba tu i stap long en we Sir Michael Somare, Ted Diro, Sir John Kaputin, Moi Avei na Bart Philemon i stap wantaim.

Dispela i soim olsem Praim Minista Sir Mekere i gat bilip long ol dispela olpela palamen lida long helpim ronim kantri.

Long toktok bilong Sir Mekere

bihain tasol long ol Minista i kisim blesing bilong Gavana Jenerel, Sir Silas Atopare, em i tok kantri i gat planti hevi na bagarap. Olsem na em i mas kisim sapat na helpim bilong ol dispela eksperiens lida long helpim na kirapim kantri gen.

Ol memba husat i kamap Minista em;

- Sir Mekere Morauta - Praim Minista, Nesenel Eksekutiv Kaunsil, Nesenel Sekyuriti Kaunsil, Infomesen na Komunikesen, Fainens na Treseri, Helt na Bogenvil Afeas.
- John Pundari - Hom Afeas, Wimens, Yut na Sios.
- Mao Zeming - Woks
- Dokta Fabian Pok - Lens na

Pisikel Plening.

- Ted Diro - Agrikalsa na Laivstok
- Sir Michael Somare - Foren Afeas
- Bart Philemon - Trensport na Sivel Eviesen
- Ron Ganarafa - Fiseris
- Vincent Auali - Koprotaisesen na Praivetaisesen
- Tommy Tomscoll - Petroleum na Eneji
- Alfred Pogo - Difens
- Mathias Karani - Plis na Koreksenel Sevises (CIS)
- Michael Ogio - Fores
- Michael Nali - Tred na Industri
- Moi Avei - Plening na Implimentesen

- Kilroy Genia - Jastis
- John Kamb - Hausing
- Andrew Kumbakor - Provinsel na Lokol Gavman
- Peter Waieng - Minista bilong Stet, helpim Praim Minista
- John Waiko - Edukesen
- Philemon Embel - Pablik Sevis
- Herowa Agiwa - Leba, Emploimen, Kalsa na Turism
- Sir John Kaputin - Maining
- William Ebenosi - Rural Dvelopmen, Envaromen na Konsevesen.

Praim Minista Sir Mekere yet i holim foapela wok minista tasol em i tok bai em i skelim long bihain, taim em i glasim gut ol hevi bilong mani na kos bilong ol dispela

ministri wantaim ol arapela wok olsem opis bilong ol Vais Minista na arapela palamentri komiti opis.

Sir Mekere i tok em i sindaun wanpela wik olgeta long glasim na skelim ol dispela wok Minista long ol memba. Na dispela disisen i no bin isi long mekim tasol em i traim long kamapim ol dispela nem na Minista.

Sir Mekere i tok em i tingim olsem sampela memba bai i no inap amamas tasol nogat man i kisim olgeta samting. Olgeta memba i kisim liklik liklik.

Oltaim i save gat olsem 28 kabinet Minista. Tasol long dispela Gavman bilong Sir Mekere, ol i gat 24 kabinet Minista.



TORO

TORO SPAK WANTAIM OL PORO BILONG EM...

ER, BRO! DRING AP! MAI SAULT! Hic!

CHIAS! Hic!

MERI BILONG EM KAM NA KOMPLEN OLSEM OL EDA RAKU KAM NA KATIM WARA BILONG OL...

TORO! BAI YU BAIM WARA TU? OL KATIM YAH!

TORO INO BISI...

YU BISI LONG WARA LONG WANEM? (Hic!) BIA EM WARA YAH! MASKI KOMPLEN TUMAS.

NEKSDE TORO I SOBA NA IDRAI NA EM PAINIM WARA...

WARA! WARA!

WANTOK

NIUSPEPA BILONG YUMI OL PAPUA NIUGINI STRET

Glasm husat em bikhet lida

OLPELA Praim Minista Bill Skate i tok sampela minista nau long nupela Gavman i bikhet na hambak lain. Ol i save mekim wok bilong ol yet na olsem em i bin rausim ol. Ol i bin as long olpela Gavman i pundaun na kamapim hevi long olpela Gavman. Sapos dispela toktok bilong Bill Skate i tru, ating PNG bai bungim hevi yet long bringim sevis na developmen i go long pipel. Bikos ol memba bai i wok long pait long bisnis na interes bilong ol yet na wok tru bilong sevim kantri na ol pipel bai i kam olsem namba tu long ol.

Ating i gutpela long ol pipel i mas glasm nau husat Minista i kamapim trupela wok we i kantri i kisim bikpela helpim na dispela helpim i go daun tru na mekim isi laip na sindaun bilong ol manmeri long ples. Sapos wanpela Minista i mekim bikpela wok long kantri na ol pipel i kisim sevis na developmen long ples na long ol taun tu, yumi ken tok em i mekim wok bilong em. Na sapos nogat, ating dispela kain lida em yumi mas senisim em long 2002. Bikos toktok bilong Bill Skate bai tru we sampela Minista i save bikhet na hambak bikos ol i save pusim interes na bisnis bilong ol yet i go pas na i no sindaun gut long opis long mekim wok bilong kantri na pipel.

Dispela Gavman bilong Sir Mekere i mas was gut tu long dispela kain pasin bikos PNG i no laikim ol lida husat i wok long pait long bisnis bilong ol yet. Kantri i bungim planti hevi pinis we strong bilong mani i go daun prais bilong ol kaikai na ol samting i go antap tru. Lo na oda i kamap bikpela, ol haus sik i bungim hevi na planti moa. Olsem na dispela Gavman i mas sut stret long ol hevi bilong kantri na ol pipel na i no ken sevim ol yet.

Tinputz pipel laikim gavman bilong stapim VAT takis long Bogenvil

VERONICA HATUTASI i raitim

OL PIPEL na siefs bilong Tinputz distrik long bikailan Bogenvil i putim singaut i go long nupela gavman bilong Sir Mekere na Pundari long glasm gen disisen bilong go hetim Velu Eded Takis na stapim pastaim long Bogenvil.

VAT takis i bin stat long kantri long stat bilong dispela mun, Julai 1.

Ol Tinputz pipel i tok Bogenvil i no kamap orait gut yet na i pilim yet hevi bilong ol trabel we i bin kamap long ailan insait long 10-pela krismas. Olsem na i moabeta long gavman i stapim VAT pastaim long Bogenvil inap long ples i kamap orait gut, Siaman bilong Tinputz kaunsel ov Eldas Carolus Ketsimur i tok.

"Long sait bilong mani na long planti arapela samting moa, ol pipel i painim hat yet. Long sait bilong gavman sevis na pablik sevis, ol samting i no orait o kamp gut yet.

"Sampela tambu we ol bin putim long taim bilong hevi i stap yet, olsme tambu

long ol strongpela dring. Narapeal samting tu em rait bilong ol pablik sevan long kisim ol birua alauwens.

"Ol pipel i no fri tumas yet long raun, toktok na wokim ol samting long laik bilong ol, Ol no fri tumas long karimaut ol samting, wokim kakau, kopra samting long pulim mani long en. Wanem samting ol i wok long kamapim em ol i tromoim bikpela mani tru long en. Na tu, i nogat gutpela lukaut long sefti bilong ol pipel na ol samting we ol lain nogut i ken stilim, i ken lus na i ken bagarap," Mista Ketsimur i tok.

Em i tok nau tasol taim ol pipel long Bogenvil i laik kamapim gut laip na sindaun bilong ol aninit long sait bilong hatpela ikonimik na politiks, narapela hevi gen i kam we ol prais bilong ol samting i sut i go antap gen. Na ol i sutim tok long VAT, Mista Ketsimur i tok.

"Bai ol pipel i baim ol samting long wanem mani taim yumi nogat rot long pulim mani long en?" Mista ketsimur i tok.

"Pe bilong ol kaikai i go antap tru na maski sampela i tok VAT takis i wok tasol

long sampela stua long Buka, olgeta pipel long Bogenvil i karim hevi. Dispela em bikos Buka i mausrot long olgeta samting bilong stoa i kam long ailan long dispela taim na olgeta lain long bikailan husat i papa bilong ol liklik stoa i kisim ol kago bilong ol long en (Buka), Mista Ketsimur i tok.

Em i bilip olsem nupela gavman bilong Sir Mekere emm i bihainim raitpela rot wantaim tingting long ribildim kantri.

"Mipela long Bogenvil i bilip tu olsem dispela gavman bai harim, skelim na glasm gut ol samting we i sut long wok ikonimik bilong kantri.

"Olsem na i gutpela sapos gavman i lukim hevi we ol Bogenvil pipel i bungim taim VAT i go insait," Mista Ketsimur i tok.

"Mipela i singaut strong long gavman long lukluk hariap long dispela samting na stapim pastaim VAT takis long Bogenvil,

"Sapos ol arapela provins long kantri i wok long pilim hevi bilong VAT takis, tingim amas hevi moa bai go antap na yu karim sapos yu stap long Bogenvil," Mista Ketsimur i tok.

Man Siwai laik painim ol lus hauslain long Samoa

WANPELA man Siwai long sautwes Bogenvil i laik stretim rot nau long go long Samoa bilong lukim wanpela hauslain na famili bilong em husat ol bin bilip olsem em i lus olgeta na ol i no inap long painim em.

Cess Kahuru bilong ples Ununai klostu long Monoitu Katolik Misin stesen i no bin nap long bilipim olsem em na famili bilong em bai harim wanpela nius gen long luslain famili memba bilong ol we ol German treda i bin kisim em long "blekbeding" taim long yia 1907 i go long sampela ailan insait long Pasifik. Dispela em taim ol Gemen treda na ol arapela waitman i bin fosim, stilim na giamanim planti yangpela man bilong Bogenvil, ol Niuginim Ailans, Solomon Ailans, Vanuatu na Nu Kaledonia na putim ol long sip na kisim ol i go long biksowara i go olsem long Fiji, Samoa na Nu Silan long wok long ol suga na kokonas plantesen long tripela ples ya.

Long 1907, Monori Pumba em nem bilong man Siwai

husat i bin yangpela boi tasol taim ol German treda i kisim em na planti arapela wanlain long Buin i go olsem long Toboroi plantesen insait long Sentrel Bogenvil bipo ol i putim ol long sip na seil i go long wansolwara bihainim rot long Solomon Ailans, Vanuatu, Fiji na Samoa. Monori husat i bin wok long Mulifanoa Plantesen long Samoa i no bin go bek long Bogenvil taim ol arapela wantok bilong em we ol bin kiism ol i go wantaim em long Samoa oisem Roipio bilong ples Toitoi, Uini bilong Howai na Naha bilong Ununai i bin go bek long Bogenvil bipo tasol long Namba wan Wol Wo i kamap. Ol bin tok Monori i marit long Samoa na ol i lusim em i stap bek. Tripela man ya i bin lapun na dai pinis namel long 1970 na 1980. Monori we long Samoa nau ol i senisim nem liklik olsem Manory i bin dai tu long 1970's. Tasol faivpela pikinini bilong em i stap yet long Samoa, tupela meri na tripela man. Ol i marit long samoa na ol i gat ol pikini-

ni na ol bubu bilong ol nau. Monori i bin maritim wanpela hapkas Gemen na Nauru meri na ol bin karim siksipela pikinini tasol wanpela i bin dai taim em i bebi na faivpela i stap na marit long Samoa.

Na ol i laik lukim tu ol lain bilong papa na ol tumbuna bilong ol. Holese Manori husat i gat 67 krismas nau na em i wanpela papa na bubu. Em i wanpela long ol pikinini bilong Monori Pumba we Wantok ripota Veronica Hatutasi i bin bungim wantaim tupela susa bilong em, Fetafiana na narapela long Apia, Samoa taim em i go long wanpela woksop long hap long Mas 1997. Ripota i bin go long ples bilong Holese na famili long Vaitele-Uta na kisim stori bilong ol. lapun man ya i bin gat bikpela laik tru long ripota long painim ol hauslain bilong em long Bogenvil na ol i ken save long wanpela arapela na bung sapos em inap. Ripota i bin traum long painim sampela hauslain bilong Holese long

Mosbi insait long ol Bogenvil komyuniti long hia tasol nogat. Orait long 1997 krismas, em i go long ples lilion em long Siwai long malolo na em i painim ol hauslain na wanpisin bilong Monori Pumba. Na dispela em famili bilong Cess Kahuru, man husat i mekim ol plen long go painim luslain memba long famili bilong em husat em ken kolim olsem ankel bilong em, pikinini bilong man we em ken kolim long bubu bilong em.

taim Cess i stori long ol lain bilong em long Siwai long Monori olsem em bin stap long samoa na em dai pinis tasol ol pikinini na ol bubu bilong em i stap long Samoa, ol i amamas nogut tru.

Long Cess em i bikpela samting tru long painim, lukim na yunait wantaim Holese na ol pikinini na bubu bilong em. Sapos em ken kisim helpim long sait bilong mani, em ken kisim Holese na wanpela pikinini bilong em i kam bek long Bogenvil.

WANTOK

NIUSPEPA BILONG YUMI OL PAPUA NIUGINI STRET

P. O. Box 1982, Boroko
Telepon namba: 325 2500
Feks namba: 325 2579
email: word@global.net.pg

PE BILONG WANPELA YIA 52 NIUSPEPA

| | |
|-----------------------|-----------|
| PLES | AIR |
| PNG | K 68.00 |
| Ostrelia na Nu Silan | US\$46.00 |
| Asia Pasifik na Japan | US\$55.00 |
| Amerika na Yurop | US\$95.00 |

Biabia

BIABIA I MEKIM HAIBET LONG STET OF ORIJIN GEM...

PORO TOK ORAIT NA TUPELA PASIM HAN (SEKHAN)...

TINGTING BILONG BIABIA I PAS OLGETA LONG PIKININI MERI YAH...

TASOL EM I NO SAVE OLSEM MAN YAH INOGAT PIKININI, EM GAT OL DOK MERI TASOL I PULAP...

Sapotim ol Bogenvil yut long strongim gutpela sindaun

BIKPELA wok i stap nau long givim sampela kain wok i go long ol yut long Siwai na tu long Bogenvil bihain long ol i lusim pasin bilong pait na ol i sindaun nau long ples, Rikonsiliesen na Yut projek Kodineta long Siwai Distrik Thomas Wawoitu i tok. Mista Wawoitu i tok em no gutpela long kisim bek ol yut long bus, lusim ol samting bilong pait na larim ol i stap nating long ples.

"Sapos yumi kisim ol yangpela long kam sindaun long ples, yumi mas givim sampela wok long ol. Nogut ol i stap nating na les. Na ol bai kamapim ol trabel gen olsem wokim ol hombru, wokim trabel insait long komyuniti, go bek long bus, wokim stilpasin na ol kain kriminel pasin moa olsem.

"Olsem na yumi mas helpim ol long mekim samting na go insait long ol liklik projek we bai ol i pulim liklik mani long en long helpim ol yet na ol famili bilong ol," Mista Wawoitu i tok.

Em i tok nau yet long Siwai distrik, ol yut i save pilai ol spots resis long wiken insait long wan wan-senta bilong ol. Olsem ol lain bilong Tonu sait i save pilai long Tonu stesen, ol lain long Konga i pilai long Kongana ol lain bilong Monoitu sait i save pilai long

Monoitu stesen long ol Sarere na Sande.

Em i tok ol narapela samting we ol yut i stap insait long en long dispela taim em long ribildim ol haus we ol na ol famili bilong ol i sindaun long en bihain ol i lusim ol kea senta.

Sampela i helpim long lukautim lo na oda insait long ol komyuniti, skul na helt senta insait long wan wan komyuniti gavman eria bilong ol. Dispela em ol homgad na ol i wokim wok long voluntia beis.

Mista Wawoitu i tok ol lain i no kisim pe tasol long laik bilong ol long kamapim gutpela sindaun bikos ol i les pinis long stap long hevi na ol i mekim dispela voluntia wok. Tasol em i tok ol i wok long stretim ol samting long traum putim sampela mani i go long Kaunsel ov Siefs gavman bilong peim olsem alauwens long ol yangpela na givim luksave long gutpela wok ol i mekim. Siwai distrik we i gat samting olsem 16.000 pipel na long dispela mak bilong ol yangpela inap olsem 6.000. Dispela em ol lain we krismas i stap namel long 13-25 krismas na i karamapim ol yangpela man na meri.

Sir Michael lusim sia bilong Gavana ...Sir Pita na Somare bai traim

YAKAM KELO i raitim

GAVANA bilong Is Sepik provins Sir Michael Somare i kamap Minista long Gavman bilong Sir Mekere na Pundari long dispela wik.

Sir Michael Somare i bin lus long resis bilong kamap Praim Minista long 1997 na i go kamap Gavana long provins bilong em. Long dispela taim i kam, em i bin stap long Oposisen sait inap tupela wik i go pinis, ol i senisim Gavman bilong Bill Skate.

Sir Michael Somare i kisim nupela Minista we em bai lukautim wok bilong Foren Afeas. Dispela em wok bilong kamapim wok poroman namel long Papua Niugini na arapela ovasis kantri. Sir Michael bai i go pas long strongim wok poroman namel long PNG na ovasis na lukim olsem ol



• Sir Pita Lus

helpim na sapot na ol wok namel i kamap na ron gut.

Sir Michael Somare i bin kisim dispela wok Foren Afeas Minista long bipo bihain long em i lusim sia bilong Praim Minista.

Dispela i lusim sia bilong Gavana long Is Sepik provinsal gavman i stap nating provinsal asembli bai sindaun bihain na



• Arthur Somare

makim nupela Gavana.

I luk olsem ol nesenel memba bilong Is Sepik husat i stap nau long traim kisim dispela sia bilong Gavana em pikinini bilong Sir Michael Somare yet na memba bilong Angoram, Arthur Somare, memba bilong Maprik Sir Pita Lus na memba bilong Wasera Gawi Galus Yumbun.

Raingniki rot bai kamap

PAUL GLAUT i raitim

OL wok bilong wokim ol skul na haus sik long ples Aireki Aipokon i wok long kamap gut long dispela taim. Tasol ol lain pipel bilong ples Raingniki i wet long lukim ol skul na haus sik materiel i kamap long hap bilong ol. Ol bai i no inap kisim ol building materiel bikos long ol rot i no gutpela inap long trak i karim ol samting i go insait.

Long Tunde 29 Jun 29 sampela lain bilong ples Raingniki i wok bung wantaim na katim mak we ol i laikim bai Nawae konstraksen i mekim rot. Dispela rot bai katim sot na kamap klostu long Raingniki komyuniti skul.

Long Trinde 30 Jun 30 Jack Siroi long rihebilitesen opis wantaim wanpela bosman bilong Nawe konstraksen Mista Alex i kamap long dispela mak bilong rot ol pipel bilong Raingniki i katim.

Long Raingniki ples rihebilitesen opisa Jack Siroi i toktok wantaim sampela papagraun long of gaden kaikai i sanap long mak rot bai i

ron na i tok em i orait long katim na rausim taim masim bilong wokim rot i wok. Ol i tok tu olsem ol gravel bilong wara bai orait tasol long yusim long dispela rot i go long Raingniki komyuniti skul.

Mista Alex bilong Nawae konstraksen i tok ol bai i ken wokim dispela sotkat rot long wanpela de sapos i nogat ren. Mista Alex i tok tu olsem ol i nogat buldosa bilong daunim ol diwai i sanap klostu long rot.

Tasol em i tok bai ol i yusim fran baket loda long mekim dispela rot. Em i tok wok bilong rot bai stat taim san i lait na ples drai. Alex i amamas taim ol papagraun i tok orait long yusim ol gravel bilong wara na long nogat sas long masim bilong mekim rot i bagarapim ol gaden kaikai.

Mista Herman Semo wanpela LLG memba long ples Raingniki i toktok wantaim Jack Siroi bilong Rihebilitesen opis i tok ol gravel bilong wara i orait tasol long kampani i yusim long mekim ol wok bilong kamapim Raingniki komyuniti skul.

Sandaun gavman i luksave long wok bilong rihebilitesen

PAUL GLAUT i raitim

TUPELA de woksop i kamap long Aitape Hail Skul long Fonde 24 na Fraide 25 long mun Jun 1999 long wok bilong stretim ples gen.

Ol sampela samting ol i toktok long dispela woksop em long ol Rihebilitesen wok we i kamap pinis insait long ol kea senta olsem ol klasrum, haus sik ol rot na bris.

Ol lain i kamap long dispela woksop em Gavana bilong Sandaun John Tekwei Edministreta bilong Sandaun Mista Moral Nataleo wantaim namba tu bilong em sampela

opisa bilong Sandaun provinsal gavman ol lokol gavman memba bilong Aitape distrik sampela papagraun na tupela wokman bilong rihebilitesen opis long Aitape Daiosis. Em long Jack Siroi na Tas Maketu.

Edministreta Mista Nateleo i tok olsem long dispela wok bilong wokim rot, bris, haus sik, skul, haus tisa na ol narapela wok i mas stap long pepa o plen program.

Jack Siroi long rihebilitesen opis i mekim tok amamas bilong em i makim opis bilong ol i go long edministreta na ol gavman opisa long luksave long wok bilong rihebilitesen na mekim dis-

pela tupela de woksop.

Mista Siroi i tok olsem sapos dispela woksop i bin kamap long stat bilong dispela yia em bai moa gutpela. Bikos daiosis bilong Aitape long rihebilitesen program i statim sampela bikpela wok pinis olsem long wokim skul, klasrum, haus sik, rot na bris.

Nau yet long dispela taim ol i gat (rihebilitesen opis) bikpela hevi long bris na rot olsem ol i no inap long pinisim ol wok bilong ol skul na haus sik long Warapu na Sissano.

Olsem ol i kam bek long Arop na klostu bai ol wok bilong ol skul na haus sik long Arop bai pinis.



• Ol papagraun lain long Wewak husat i bin komplem long bagarap we i bin kamap long nambis taim Mobil kampani i pulim paip long hap.

Tingim ol brata susa i kisim bagarap wanpela yia i go pinis

KLOSTU long 700 manmeri na pikinini bung long Sissano long tingim ol wanlain na wanpisin husat i kisim bagarap long solwara long Julai 17, 1998. Planti pipel long Sissano i penim blak pen na werim blakpela kolos long soim belsori bilong ol.

Sampela long ol lain i kamap em, nupela bisop bilong Aitape Daiosis bisop Ausien Crapp, Pater Eugene, Pater Benedict, memba bikpela Aitape Lumi Eddy Saweni, sampela ol bruda, sampela ol sista, sampela lain long Is Sepik Gavman provinsal gavman, ol memba bikpela kombain tasfos long Australia na Nu Silan na planti ol narapela lain long Vanimo, Aitape na long sampela hap long kantri.

Ol pipel bilong Sissano i statim dispela selebresen long tingim ol

lain i kisim bagarap wantaim tumbuna singsing na kisim bisop Austen, Pater Eugene, Pater Benedicts na ol memba long kombain tasfos i go long hap bilong bikpela misa.

Bikpela misa i kamap antap long semen mak we haus lotu i bin sanap bipo. Dispela haus lotu ol Jemen i bin wokim. Ol pipel bilong Nimas i bringim bisop wantaim tumbuna singsing i go long alta. Lotu i kamap gut tru wantaim ol singsing long tok ples na tumbuna singsing.

Bisop Austen i tok long hap bihain long gutnius "mi kam long bot na mi lukim ol manki, samting olsem 10-pela ol i pilai long solwara i stap, mipela i ron long dingi i kam, mi lukim wanpela lapun em

i sindaun long liklik rabis haus bilong em arere long wara na lukluk i go ausait long solwara na sampela yangpela ol i stori antap i kam long rot, oloman aiwara bilong mi pundaun."

Dispela pasin ol mekim i makim Julai 17 long 1998, taim ol i kirap nogut long solwara i bagarapim ol.

Bihain long dispela memoriel misa bisop Austen i givim bikpela tok tenkyu i go long olgeta pipel long Sissano long gutpela wok-bung long mekim dispela i kamap gutpela na i tok "mi bilip yupela i kirapim bek Sissano."

Memba bilong Aitape Lumi Eddy Saweni husat i bin kamap long helikopta bihain tasol long misa i stat i tok amamas long bisop na olgeta

lain i bung long dispela de.

Mista Saweni i tok aut long wanpela sek mani em olpela gavman i givim long yusim long dispela wan yia aniveseri de. Mak bilong mani long dispela sek em K30,000 na opis bilong em i putim K6,000 tasol em i no bin karim dispela tupela sek mani i kam bikos rot bilong em long kam i no bin stret inap long las minit. Em i tok bai i salim dispela i kam taim em i go bek long Pot Mosbi.

Wanpela long ol man i kamap long stap wantaim o serim belsori long dispela taim em long Sandaun Edministreta Maran Nataleo. Mista Nataleo i tok Sandaun gavman tu bai lukluk long dispela wok bilong ristoresen o stretim ol ples i kisim

bagarap long solwara.

Bihain long memoriel misa na ol toktok i bin i gat bikpela bung kaikai em ol lain Sissano i bin redim.

Dispela ol bikpela lotu i kamap tu long olgeta narapela ples we i kisim bagrap long sunami, em long Malol, Arop, Warapu na Sissano. Insait long ol misa long wanwan ples ol i raitim ol nem bilong ol lain indai long solwara, putim long ol kofin na bringim i go long pater long taim bilong misa olsem ofa i go long papa God.

Ol pipel long dispela ol ples i gat pret long solwara i stap yet long tingting bilong ol olsem, ol bai i stap yet long ol nupela ples.

Bai ol i yusim ol lagun na solwara long painim pis na i stap tupela de samting na go bek long nupela ples bilong ol.

BIG HI-WAY BEER

Paradise

NEW

Pater Frederick Mordaunt amamasim Golden Jubili

SAMUEL K PAPSII i raitim

Long Sarare 24 Julai, Pater Frederick Mordaunt i amamasim golden jubili o 50 yia bilong em long stap pater. Pater Frederick i amamasim dispela bikpela de bilong em long MSC Koles autsait long Mosbi.

Moa long 200 manmeri kamap na stap insait long dispela amamas de bilong pater ya. Planti bilong ol pipel bin stap long witnessim i kam long famili bilong MSC (Sacred Heart Misinari), olsem ol MSC Bruder na Pater, ol Sista, ol arapela misinari oda olsem ol OLSH sista, FMI na AD sista na narapela ol pren husat i save long pater i kamap tu long dispela de na amamas wantaim em.

Pater Frederick i bin ritaia long 1997 taim em winim 77 krismas. Bihain long em i ritaia ol lain bilong

em i askim em long kam stap olsem saplin long ol AD (Hand Maid of the Lord) sista long hetkota bilong ol long Nazareth ausait long Mosbi.

Mama i bin karim em long Mas 21, 1922 long taun Mordaunt insait long Australia. Em i wapela bilong ol 11pela brata na susa insait long famili bilong em.

Em i bin stat long mekim disisen bilong laik na laip bilong em yet long taim ol famili bilong em i laik i go laik narapela taun. Ol famili bilong em i askim em, "mipela bai i go na yu bai mekim wanem?" Long dispela taim em i tok olsem, em laik kamap pater.

Na long 1937, em i statim ol seminari stadi bilong em long Victoria insait long Ostrelia. Na 10-pela yia bihain, em i pinis ol stadi bilong em na kisim odor bilong kamap pater long Julai 24, 1949. Bihain long em i kamap pater pinis, em i bin mekim wok long

sampela hap long Australia yet long ol dispela ol ples; New South Wales, Northern Territory, South Australia, Australian Central Territory na Tasmania. Em i bin wok long ol dispela hap inap long 21 yia na bihain em kam long PNG.

Long 1968, Pater Frederick i kisim nambawan apoinmen bilong em long lusim kantri bilong em na go aut long misin kantri na ol i salim em i kam long PNG. Taim em kam long PNG, em i wok long tupela daiosis, em long Mosbi na Rabaul daiosis.

Em i bin statim nambawan misin wok bilong em long 6 Mile Peris insait long Mosbi. Pater Frederick i statim sampela olsem famili laip we em i stap yet tude na sampela narapela ol.

Em i bin kam long taim we wok misin i strong yet nau na em i wok long dispela peris inap long 9-pela yia. Na bihain ol bos bilong em i

transferim em i go long Rabaul daiosis. Na em wok long Unapau insait long Kokopo distrik. Long dispela ples, em wok inap long 18-pela yia olgeta.

Em i bin wok long wanpela haus skul bilong grup bilong em yet (MSC) long Unapau long lukautim ol yangpela man husat i laik kamap misinari insait long Oda bilong MSC. Long dispela ples o skul, wok bilong Pater Frederick em long statim na redim ol yangpela man long kamap bruder na pater insait long nambawan hap bilong stadi bilong ol. Em i bin mekim planti gutpela wok na planti yangpela i kamap MSC bruder na pater.

Long dispela amamas de em (Frederick), em i lukluk i go bek long 50 yia ago pinis na em i lukim olsem, God i bin wok klostu tru wantaim em long mekim ol disisen long laip bilong em na tu long tok yesa long tok bilong ol bos na

stap na wok wantaim ol kaikairi ol pipel long kainkain ples.

Pater Frederick, em i man bilong amamas na save long wanem samting em i mekim. Na tu em i no save wari tumas long wanem samting nogut i bin kamap long em bipi. Em man husat i save long redi long go bek na mekim gutpela samting wantaim dispela man o long dispela ples.

Taim em lukluk bek na stori long laip bilong em, mi lukim olsem dispela pater i bin bungim planti taim nogut o salens long laip bilong em, tasol em i stop o em i no dai.

God i bin gutpela tru long em na helpim em long dispela taim we em i bungim ol dispela ol hevi. Na taim em bin lukluk bek long laip bilong em na stori gen, fes bilong em i bin soim bikpela amamas olsem em i bin bungim dispela ol hevi na tu long luksave long wok marimari na laik bilong God i bin wok klostu long laip bilong em.

Odinesen bilong Bisop Austin Crapp olsem sios lida bilong Aitape Daiosis

SANDE Julai 11 i bin wanpela bikpela de tru long ol pipel bilong Aitape Katolik Daiosis taim Pater Austen Crapp OFM i kisim episkopol Odinesen long kamap olsem Bisop bilong Aitape.

Moa long 2,000 pipel i bin bung long Sen Ignasius Hai skul graun long Aitape bilong witnessim dispela bikpela de. Daiosis i bin hairam foapela trak long karim ol pipel i go na i kam long dispela bikpela odinesen lotu na selebrensen.

Tenpela Bisop, wanpela bilong Jayapura, Australia na PNG yet i

bin stap insait long odinesen. Planti ol ges i bin kam ausait long PNG.

Ol pren, famili na hauslain bilong Bisop Austin long Tamworth, Australia na ol arapela hap tu bilong Australia i bin stap long dispela bikpela de bilong en. Tupela Sister i bin kam long Manila, Filipins taim narapela pren husat i bin stap bipo long Aitape na wok olsem pailot bilong misin balus long 1968 i bin go tu na tingting planti long lukim ples we long las yia, bikpela birua bilong sunami i kamap na bagarapimol pipel

bilong Aitape.

Bisop Austin bilong Tamworth long Australia i bin statim wok misin long Pam Ailan long Australia bipo em i kam long PNG. Em bin kirapim Mukili Lumi na Pes Misin stesen na wok tu long ami long 15 krismas.

Bihain long en, em bin kamap olsem Provensel b ilong ol Francesken Misinari long PNG insait long siksela yia. Em bin mekim tu wok olsem Vika Jenerel Edministreta bilong Daiosis na Ministri bilong Lens. Taim em i gat 60 krismas, em bin

go long Kantri Kanada na skul oong Kenon Lo na taim em i kam bek long PNG, em bin kirapim marit traibunel insait long Aitape Daiosis.

Long taim bikpela birua bilong sunami i bikpela solwara long Aitape i bagarapim ol pipel na planti manmeri na pikinini i kisim birua na dai long en, Bisop Austin i bin mekim bikpela wok tru.

Em i kirapim Rihabilitesen program o program long stretim sindaun, tingting, sindaun na laip bilong ol pipel we birua bilong sunami i karamapim ol. Dispela

program em ol i kolim olsem bebi bilong em.

Dispela odinesen seremoni bilong Bisop Austin i bin kamap gut tru wantaim olgeta bisop i putim ol naispela klos bilong ol na ol Ota boi wantaim tu ol naispela klos bilong ol.

Bisoip ToVarpin bilong Madang i bin go aps long lotu bilong Odinesen ya.

Long dispela taim tu, olupela bisop bilong Aitape na nau Asbisop bilong Mosbi Katolik Asdaiosis Brian Barnes i bin witnessim odinesen seremoni tu.

TU MINIT TINGTING



FRANK MIHALIC i raitim

LONG wanpela de, olgeta hap bilong bodi i kirap na i kros long bel. Ol i komplon olsem: "Bel em i no save mekim wanpela wok. Em i save slip tasol insait long man na em i wok long pinisim nating ol kaikai na dring. Mipela i les long em. Mipela bai mekim save long em;

Tu minit tingting

Olgeta hap bilong bodi i wokim straik

mipela bai straik; mipela bai stap wok; mipela i noken givim moa kaikai long em. Long taim hangre i kilim em, em bai kisim save.

Olsem na han i tambu long givim kaikai long maus; na maus i tambu long brukim kaikai long tit; na nek i les long daunim kaikai; na i go olsem. Inap long tupela de olgeta, olgeta hap bilong bodi i tambuim kaikai long bel. Nau lek i kamap gumi, na em i no inap holim bodi. Bodi i pundaun na i no inap wokabaut moa. Bel i pen na i krai long kaikai. Ai raun long taim man i laik sanap.

Man i no inap tingting stret. Het bilong em i pen tasol. Olaboil Long de namba tri nau bodi i pilim olsem wanem na em i hangamap long wok bilong bel...maski em i no lukim dispela wok, na em i no lukim bel yet. Nau olgeta hap bilong bodi i pasim tok long wok gut wantaim bel. Ol i givim kaikai long em; na em i no holim kaikai na yusim bilong em yet. Nogat. Em i tilim long olgeta liklik hap na kona bilong bodi...ol i hanagamap long em. Pastaim ol i bin putim hevi nating long bel na nau ol i sori long dispela. Nau yu opim Nupela Testamen bilong yu na ritim 1 Kor 12:12-20. Bai yu inap lukim wankain stori na skul i kam long Sen Pol.

Bisop Austen i gat bikpela

PAUL GLAUT i raitim

WANPELA pren bilong mi husat i no wanpela Fransesken misinari i tokim mi long qanpela poroman bilong em i kam wok long misin stesen bilong em long PNG. Bihain tasol long isin balus i tekov tupela i wok-abaut i go long misin haus na dispela poroman i mekim sampela toktok olsem long wok bilong bisop.

"Yu gat sampela narapela wari o nogat?", em i tok.

Insait long wanpela misin daiosis wok bilong bisop i no isi. "Mipela i mas beten planti long Bisop Austen na tu long daiosis long dispela taim. Bisoip Austen i mekim wok bilong em. Em i stap long ritrit long haus beten long Wewak. Em bai joinim ol Fraias long anuel Ritrit pastaim long kamap bilong Episkopal

Odinesen. "Mipela i salim planti invitesen i go aut. Bisop yet tu i bin salim planti askim pas i go long ol pren, famili, hauslain na ol rilijes long Australia, PNG na ovasiss. Wanpela lapun anit bilong em husat i gat 83 krismas i bin kam long odinesen bilong em long Julai 8 wantaim ol famili arapela famili memba. Rom, hetkota bilong Katolik Sios long wol i bin laikim wanpela nesenel bisop.

Olsem na ol bin salim planti nem bilong ol pris i go na ol yet i bin glasi na skelim wan wan long ol na makim Pater Austin Crapp olsem bisop bilong Aitape," poroman i tok.

Wanpela bisop i gat planti wok. Em i bikpela samting long mekim stretpela tingting long disepela kain wok. Em i mas man bilong wok hat na tingting gut.

Em mas man i nogat nem nogut na laikim daun pasin.

Sios i no laik lukim les pasin long wok bilong bisop, liklik papa bilong mi i save tok, sapos lewa bilong pis i sting, toromoi dispela pis i go."

Wok bilong Bisop bilong Aitape i bikpela samting tru olsem long taim bilong sunami. Bikpela toktok tru i bin kamap long aid (helpim) mani we ol i tok ol lain i go pas long lukautim dispela mani i no yusim gut. I gutpela moa long save long wok na tingting bilong bisop bilong yumi.

I gutpela long save long tingting na stori bilong ol lain i mekim rong long em na ol i ken tok sori na gutpela pasin bilong toktok i ken kamap gen. Rihabilitesen Komiti i karimaut gutpela wok.

Dispela komiti em bebi bilong Bisop Austen na ol pipel i lukim dispela olsem wanpela bikpela samting tru olsem na dispela gutpela pasin na wok i mas stap. x

Wok misin insait long PNG i no isi

Mi wanpela memba bilong Katolik Sios na mi skul long kamap pater. Mi bin raun long sampela hap bilong hailans bihainim skul program bilong grup bilong mi SVD (Divine Word Missinaries) na tu long lukim na pilim dispela wok misin em ol grup memba bilong mi long narapela kantri i kam mekim i stap antap long hailans. Na long wanpela yia, mi bin go mekim samting olsem praktikel wok bilong mi long wanpela hap bilong Simbu daiosis.

Taim mi mekim wok misin insait long dispela daiosis, mi yet i pilim olsem mi i stap long narapela

kantri o narapela hap. Bikos planti samting olsem long pasin tumbuna, ples yet na stap bilong ol pipel i no wankain.

Mi yet em mi bilong Sepik wara na hap bilong mi mipel save i gat Tupela sisin, Hai wara na Drai wara. Hap bilong mipela em fiat na stretpela graun, nogat maunten na veli.

Taim mi i go stap antap long Simbu, mi lukim dispela samting na dispela kain luksave i mekim mi paul na mi ting olsem mi i stap long narapela kantri o narapela hap bilong wol.

Maski mipela i bilong dispela

kantri yet, tasol pasin na stap bilong yumi i no wankain.

Na mi yet i no save laik tok o harim dipela tok "mi save long kantri bilong yumi PNG na stap bilong olgeta pipel bilong dispela kantri". Dispela em long painim aut bilong mi yet long taim mi go stap long wanpela bus ples bilong Simbu long hap Suave Distrik.

Planti taim mi save ting olsem wok misin em isi na ol wait manmeri i kam long narapel kantri i painim isi na save amamas long mekim wok misin.

Tasol dispela tok na tingting bilong mi em i tru. Ol i save karim

planti pen na hevi long mekim dispela wok misin insait long kantri bilong mipela.

Sapos mi yet bilong dispela kantri i bin kirap nogut long planti samting long ples na laip bilong ol pipel bilong yumi yet, em ol misinari o wok manmeri bilong narapela kantri i mas kirap nogut na pret long klostu olgeta samting long inambawanb taim ol i kam na lukim.

Planti bilong ol i tingting long go bek o ronawe taim ol lukim dispela bikpela senis long laip bilong ol. Tasol wanpela bikpela samting i strongim ol long stap bek na pait

wantaim dispela kirap nogut na pret bilong ol, em long bilip na komitmen bilong wanwan bilong ol misinari long Bikpela Jisas na wok bilong em.

Ol i laik bihainim Jisas na mekim wok bilong em. Olsem Jisas i no bin pret long autim tok bilong Papa God namel long ol pipel long narapela ples.

Olsem tasol ol misinari long narapela hap tu i no pret long autim tok bilong Jisas namel long kainkain hevi ol i bungim long laip bilong ol insait long kantri bilong yumi, PNG.



Hailans Nius

"Mipela mekim Praim Minista," Wai i tok

MEMBA bilong Karamui Nomane, Simeon Wai i askim Praim Minista, Sir Mekere Morauta long lukluk gut long PNG Edvens Pati.

Mista Wai em lida bilong PNG Edvens Pati (PEP) hailans.

Em i tok PEP i givim Praim Minista i go long Sir Mekere na mas mekim gut long pati bilong ol.

Em i no amamas long we Sir Mekere i skelim wok ministri long gavman bilong em. PEP i gat moa long 20 memba long gavman na ol kisim tupela wok ministri tasol. Tupela man long pati husat i holim wok ministri em, lida bilong pati yet, John Pundari i kisim wok olsem Deputi Praim Minista, Homes Afeas, Wimens, Yut na Sios na Kilroy Genia husat i holim wok olsem Jastis Minista.

Sir Mekere i skelim wok ministri long dispela wik. Em i gat 24 ministri long gavman bilong em.

Mista Wai i tok, "Mipela mekim Praim Minista. Mipela senisim gavman."

Em i tok Pipels Demokratik Muvmen i laik mekim lida bilong Pangu Pati, Chris Haiveta long kamap Praim Minista, tasol PEP i kam na sapotim Sir Mekere long kamap Praim Minista na PDM long kisim gavman.

Sapos PEP i no mekim dispela samting, PDM bai no inap long kisim gavman, Mista Wai i tok.

Taim palamen i votim Praim Minista long las wik Trinde, Mista Pundari wantaim lain bilong em i kam na votim Sir Mekere long kamap Praim Minista.

Las wik Tunde, Mista Pundari i bin stap long olupela gavman bilong Bill Skate. Long dispela taim olupela gavman i bin gat namba na ol inap long votim Praim Minista bilong ol.

Tasol dispela samting i bin senis long Tunde nait taim Mista Haiveta i laik lusim kemp bilong Mista Skate na i go long PDM.

Dispela samting i mekim PEP i no amamas na long Trinde moning, ol i muv i go joinim PDM na vot long Sir Mekere.

Mista Wai i tok PEP i gat bikpela han mak long kamapim dispela gavman na em i no laikim Sir Mekere long rabisim na daunim PEP.

Em i tok sapos PEP i no joinim PDM, Mista Haiveta inap kamap Praim Minista bikos grup bilong Sir Mekere i promisim em pinis long givim dispela wok long em.

Hailans rijin kisim moa ministri

PETER MAIME i raitim

PRAIM MINISTA, Sir Mekere Morauta i skelim wok ministri long nupela gavman bilong em na givim moa i go long hailans rijin.

Maski ol dispela hailans memba i kam long ol kainkain politikel pati, long nem bilong rijin, hailans i winim ol narapela rijin long holim wok olsem ministri.

Long dispela wik, gavman i bin tokaut long 24 man husat bai holim wok olsem ministri. Namel long dispela 24, 10-pela i kam long hailans. Papua, rijin we Sir Mekere yet i kam long en i gat 6-

pela ministri, Momase i kisim 6 na Niugini Ailan i kisim tupela tasol.

Ol memba bilong hailans husat i kisim wok ministri em:

Enga

John Pundari (Deputi Praim Minista na Minista bilong Wimens, Yut, Sios & Hom Afeas)

Westen Hailans

Vincent Auali (Kopretaisesin na Praivetaisesin)

Dokta Fabian Pok (Lens na Piskol Plening)

Simbu

John Kamb (Hausing)
Peter Waieng (Stet helpim Praim Minista)

Isten Hailans

Mathias Karani (Plis na Koreksinol Sevis)

Ron Ganarafa (Fiseries)

Sauten Hailans

Michael Nali (Tred na Indastri)

Herowa Agiwa (Leiba, Emploimen, Kalsa na Turisim)

Philemon Embel (Pablik Sevis)

Mista Morauta i holim yet 4-pela ministri na em i tok em bai skelim ol dispela ministri long liklik taim.


Ol dispela ministri em, Fainens na Treseri, Helt, Bogenvil Afeas, Infomesen na Komyunikesen.

Ol pati na politikel grup long gavman husat i no bin kisim wan-

pela wok ministri i resis nau long kisim wanpela bilong dispela foa pela ministri.

Wanpela bilong ol dispela pati em PNG Edvens bilong Mista Pundari. Pati bilong em i kisim tupela ministri tasol, maski em i kisim bikpela namba i kam na helpim Sir Mekere long kisim wok bilong Praim Minista. PNG Edvens Pati i gat moa long 20 memba na em namba tu bikpela pati long gavman bilong Sir Mekere.

Pati i gat moa memba nau long gavman em pati bilong Sir Mekere yet, Pipels Demokratik Muvmen (PDM). Planti nupela ministri nau i kam long PDM.



• Maski kainkain senis kamap long PNG, laip long ples i stap yet. Dispela foto i soim sampela man bilong laibu, Sauten Hailans i katim pitpit arere long wara long wokim haus.

Reipa winim Kainantu bai ileksen

NUPELA memba bilong Kainantu insait long Nesenel Palamen em Baki Reipa.

Mista Reipa i resis gen long bai ileksen bihain long em i lusim dispela sia long Suprim Kot.

Em i winim 14 narapela kandidate long kisim sia bilong em bek wantaim 13,532 vot.

Mista Reipa em bilong Pipels Progres Pati (PPP).

Lida bilong PPP, Michael Nali i mekim tok amamas i go long Mista Reipa long winim sia bilong em bek. Mista Nali tu i tenkim ol pipel bilong Kainantu ilektoret long bilip ol i gat long Mista Reipa.

"Long nem bilong PPP na ol sapotas bilong pati long olgeta

hap long PNG, mi kisim dispela taim long tok tenkyu na amamas long win bilong yu. Em i gutpela olsem Mista Reipa i go bek long palamen long tok orait bilong ol pipel bilong Kainantu, dispela taim wantaim bikpela namba bilong vot.

"Dispela bikpela win bilong Mista Reipa i toksave olsem ol pipel bilong Kainantu i gat bilip long Mista Reipa long brinim sevis ol i no kisim taim i nogat wanpela lida long palamen.

"win bilong em i soim olsem i gat sapot bilong PPP i stap long Kainantu na long Isten Hailans olgeta," Mista Nali tok.

Ilektoret Komisn i bin tokaut long win bilong em (Reipa) long

las wik Sande long Kainantu taun.

Ol narapela kandidate i resis long bai ileksen na kisim vot i go olsem:

John Eha (1,022)
Tau Amevo (3,715)
Zeri Faimot (817)
Schubert Kamunda (1,534)
Samuel Si-i (4,688)
John Taraki (1,802)
Mason Nevosi (798)
Yuntuvi Bao (4,739)
John Timberame (3,152)
Ben Beiyao (1,822)
Sama Kafane (1,146)
Saʻon Beseo (6,421)
David Tuvisuvi (2,090)
Apollo Aruko (3,899)

19 kandidate resis long Wabag bai ileksen

TAIM nominesen bilong Wabag bai ileksen i pas long Fraide apinun, 19 kandidate i givim nem pinis long resis long dispela ileksen.

Ol kandidate bai kisim wan mun olgeta long kempen. Vot bai stat long Septemba 18, 1999 na pinis long Oktoba 2, 1999.

Bihain bai i gat kaunim bilong ol vot na painim husat i win long dispela bai ileksen. Ilektoret Komisn bai kisim ol pepa bilong ileksen i go long nesenel palamen long bipo o long de bilong em stret, Oktoba 12, 1999.

Wabag ilektoret i go long bai ileksen bihain long Surpim Kot i rausim olupela memba, Takai Kapi long sia bilong em. Mista Kapi i resis gen long winim bek sia bilong em.

Sir Albert Kipalan husat i bin holim dispela sia moa long 15 yia na bin lus long 1997 nesenel ileksen tu i resis.

Ol kandidate husat i resis long bai ileksen em:

Amos Yali, Amos Leon, Timothy Tima, Frank Tumu Kunja, Benny James Kapo, John Mapusa, Wialo Sakatao, Zacharias Wainakari, Paul Nili, Kandata Kialali Komo, Pesh Winnis Wilson, Kelly Waki Aiyok, Luke Kembol, Daniel Kapi, Isai Gasapa Pasalagus, Pato Potane, Lesley Yaku, Takai Kapi na Sir Albert Anjo Kipalan.

Ritening Opisa, Eward Konu i tokim *Wantok* olsem planti ol kandidate i askim ilektoret Komisn long ronim wan de ileksen. Dispela em bilong stapim ol manmeri long kalap kalap long olgeta hap na vot planti taim.

Mista Konu i tok dispela askim em Sief Ilektoret Komisina, Reuben Kaiulo i save pinis na samting i stap long pawa bilong em long mekim disisen.



BOROKO MOTORS
Heading for the future!


Waigani drive & Cameron road Gordons Phone: 325 5255

Namba wan yus kar dila insait long Papua Niugini taim yu laik baim nupela yus kar bilong yu, noken abrusim namba wan yus kar dila bilong yu. Boroko Motors long Pot Mosbi i go pas long salim ol yus kar long 6-pela mun olgeta. 100 lain i baim ol yus kar i no inap mekim asua. Joinim ol arapela na baim gutpela kar.



SEDANS - WAGONS - UTILITIES - DUAL CABS - COMMERCIAL TRUCKS - 4X2 AND 4X4'S

Madang Nius



Madang plis holim tripela gan bilong ami

BEN TAUMAI i raitim

MADANG plis i tok ol i holim pasim tripela strongpela gan bilong PNG Difens Fos long las wik.

Provinsal Plis Komanda, Suprintenden Benson Simajon i tokaut long dispela samting long las wik Sarere. Mista Simajon i no tok long wanem kain gan plis

i holim pasim na wanem as na tripela PNGDF soldia i mekim long Madang long dispela taim.

Em i tok dispela tripela soldia i go long san taim na givim tripela gan ya long ol plis long Jomba long putim long plis stesin. Bihain long nait, klostu long 2 kilok moning, dispela tripela soldia i go bek long Jomba Plis Stesin na askim ol plis opisa i stap long duti long givim bek gan

bilong ol. Tasol ol plis opisa husat stap long duti i saspekt na i no givim gan bilong ol bek. Dispela tripela Difens Fos soldia i lusim olgeta na i no go bek long kisim gan bilong ol.

Plis i gat bikipela bilip olsem tripela soldia i mas bilong Igam Bareks long Lae.

Mista Simajon i tok tripela soldia i putim ami yunifom taim ol i go long plis stesin long Jomba.

Em i tok tripela soldia ya i mekim dispela samting taim ol memba long Oposisen (nau i stap long nupela gavman) i kem antap long Melanesian Discoverer, sip bilong Madang bisnis man, Peter Bater, long Karkar Ailan.

Plis i toksave pinis long plis hetkwata long Mosbi long mekim wok painim aut long dispela samting i kamap long Madang.

Madang plis komiti kisim tok amamas

SIAMAN bilong Madang Plis Komyuniti Konsaltitiv Komiti (PKKK), Robert Kalasim i mekim bikipela tok amamas i go long ol memba bilong PKKK na Plis Komyuniti Rilesin Yunit.

Mista Kalasim i bin mekim dispela tok-tok taim em i lukim olsem ol setelmen long Madang i no bungim planti trabel olsem bipo bihain long dispela komiti i statim wok bilong en.

"Mi amamas tru long ol gutpela wok yupela i mekim long helpim plis long daunim hevi bilong lo na oda long ol setelmen yupela i stap long en. Dispela samting i kamap bikos yupela save long ol lain long setelmen na long toktok wantaim ol i isi."

Yupela mas go het long mekim wankain wok olsem yupela i bin mekim long ol yia i go pinis bikos plis nau i sot long ol wok manmeri. Nupela plis yunit ol i kolim Komyuniti Relsin bai helpim yupela long ol kankain program bilong yupela, yupela i kirapim pinis long setelmen na ol kompaun arere long Madang taun," Mista Kalasim i tok.

Em i gat strongpela bilip long ol PKKK memba bihain long 20 bilong dispela grup i pinisim wanpela wik woksop em ol plis long Lae i go long Madang na givim. Dispela wok em Deputi Plis Komisina-Opresins, Garry Baki i bin pasim.

Provinsal Plis Komanda, Suprintenden, Benson Simajon i tok Mista Baki i amamas long ol samting em i bin lukim.

"Em i amamas tru long wanem samting em i lukim na harim bikos em i tok Madang komyuniti plis i wok gut na planti pipel i laikim na givim helpim long plis.

"Bikos long dispela Mista Baki i surikim taim bilong em long go bek long Mosbi na stap long Madang long lonsim 'Neighbourhood Watch' long Jomba peris," Mista Simajon i tok.

Mista Simajon i tok, Mista Baki i amamas bikos long Wes Nu Briten we komyuniti plis i stat nambawan taim long kantri i no wok gut. Tasol long Madang, em i wok gut olsem na Deputi Komisina i amamas.

Mista Kalasim i askim ol komiti memba bilong PKKK long holim yet dispela gutpela nem na rekot i ol i gat pinis. Em i askim ol long soim gutpela pasin long komyuniti bikos ol pipel bai lukluk long ol olsem lida bilong ol.

Em i mekim dispela toktok bikos Mista Kalasim i bin statim PKKK long Madang taim em i stap Provinsal Plis Komanda long 1992 i go inap 1996.

Mista Kalasim i tokim ol memba bilong PKKK olsem Madang Semba ov Komes i save long wok bilong PKKK na bai helpim ol long bihain taim.

Madang kisim wanpela ministri

MADANG Provins i kisim wanpela ministri taim Praim Minista, Sir Mekere Morauta i skekim wok bilong ol ministra long dispela wik.

Em i makim Memba bilong Midel Ramu, Tommy Tomscoll olsem Minista bilong Petroleum na Eneji.

Mista Tomscoll em wanpela memba bilong Pipels Demokratik Muvmen (PDM). Sir Mekere em lida bilong PDM pati husat i kisim nupela gavman.

Mista Tomscoll i bin promis pinis long ai bilong Gavana Jenerel, Sir Silas Atopare, wantaim ol narapela ministra long dispela wik Mande long mekim wok bilong ol.

Sir Mekere i makim 24 man long holim



• Tommy Tomscoll.

kainkain wok ministra. Em yet i holim foapela ministra antap long wok bilong em olsem Praim Minista bilong kantri. Em i tok em bai skelim ol dispela ministri long ol man long bihain taim laiklik.


Ol narapela memba bilong Madang husat i no kisim wok ministra em, Bernard Mollok

(Bogia), Geroge Wan (Usino Bundi), MusaStahl (Raikos), Mathew Gubag (Sumkar), Jacob Wama (Madang).

Rijinol Memba, Jim Kas em gavana bilong provins na i no inap long kisim wanpela ministri. Sapos em i laik kisim wok ministra, orait i em mas lusim wok olsem gavana bilong provins.

Aninit long Ogenik Lo bilong Provinsal na Lokel Levol Gavman, rijinol memba mas kamap gavana bilong provins. Sapos em i no laik, wanpela memba bilong Provinsal Asembli i ken kisim.

Lo i no orait long ol gavana long dabolim ol bikipela wok bilong kantri.



• Plis Dog Barney wantaim bos bilong em George Amburoapi i kisim piksa long Madang plis Dog Yunit. Foto: Sape Metta.

Smugglers Inn Hotel opim nupela konfrens senta

OL KOPORET o bikipela kampani husat i laik holim ol konfrens long Madang i laki nau bikos Smugglers Inn hotel i opim nupela bikipela konfrens senta las Fraide.

Dispela konfrens senta i kostim K130,000 na i bin kisim tripela mun long wokim.

Grup Jenerel Manesa bilong Benking PNGBC Fainens Pasifik Limitet Aho Baliki i bin opim nupela konfrens senta ya. Ol bisnis eksekutiv, ol gavman opisa bilong Madang Provinsal Gavman na ol beng manesa long taun i bin witness dispela opisel opening seremoni ya. Riwo Kalsere grup, em wanpela bambu ben grup i bin pilaim ol gutpela musik long dispela opening seremoni. Long toktok bilong em, Mista Baliki i bin wokim ol gutpela toktok long


Yama kampani grup we long ol sampela yia nau, i mekim gutpela wok na karim gutpela kaikai long givim servis na long sait bilong go hetim ol wok developmen insait long Madang provins. Em i tok dispela i kamap bikos long hatwok na gutpela lukaut bilong grup siaman na papa bilong kampani, Peter Yama.

Bikipela tingting bilong Yama kampani grup long kamapim gut na bilding bikipela konfrens senta long Smugglers Inn em i gutpela bikos dispela bai i helpim ol arapela hotel long provins olsem Madang Risot, Kostel Watsa, Jais Aben na Madang Loj we i gat ol konfrens rum tu tasol ol no bikipela tumas. Na wok we Yama kampani grup i mekim i gutpela long yusim mani bilong ol long skruim, strongim na mekim bikipela bisnis bilong ol.


INGERSOLL-RAND® CONSTRUCTION & MINING




AIR COMPRESSORS



LIGHT COMPACTORS



HEAVY COMPACTORS



ROCK DRILLS


UMW

Niugini Limited


• LAE Aircorps Road Ph: 472 2444 • PORT MORESBY Morea Toba Road Ph: 325 5766
• RABAU Malaguna Road Ph: 982 1488 • VANIMO Ph: 857 1437

Lae Nius


Morobe kisim Woks, Difens na Trensport na Sivel Eviesen Ministri



• Bart Philemon.



• Mao Zeming.



• Alfred Pogo.

YAKAM KELO i raitim

MOROBE Provins kisim tripela Ministri long nesenel gavman. Tripela lida em, memba bilong Lae Bart Philemon i kamap Minista bilong Trensport na Sivel Eviesen (balus), memba bilong Siassi Mao Zeming kamap Minista bilong Woks na memba bilong Finsafen Alfred Pogo kamap Minista bilong Difens (ami).

Bihain tasol long taim olgeta Minista i kisim blesing long wok bilong ol olsem minista bilong nesenel gavman, Gavana bilong Morobe Luther Wenge i tokim Wantok olsem em i amamas tripela memba bilong Morobe i holim wok Ministri.

Mista Wenge i tok bikpela amamas em long lukim olsem Ministri bilong Woks, Trensport

na Sivel Eviesen i stap long han bilong ol Morobe bikos Woks na Trensport em bikpela samting long provins.

Gavana Wenge i gat bikpela amamas long lukim dispela tripela lida bilong Morobe i holim ol dispela wok.

Memba bilong Huon Gaip, Tukape Masani i laikim tu long Gavman i mas givim wanpela minista long memba bilong Makam Andrew Baing.

Mista Masani i tok em i amamas long Lae memba Bart Philemon na memba bilong Siassi Mao Zeming na memba bilong Finsafen Alfred Pogo i kisim ministri. Tasol long mekim i gutpela moa long Morobe na tu long Momase rijon long ol kain bikpela sinia man olsem, Mista Baing i mas kisim wanpela wok ministri long dispela Gavman.

Mista Masani i tok Mista Baing em wanpela sinia man long Morobe provins na tu em i wanpela sinia memba long palamen na i bin holim ol sinia minista wok long olpela Gavman long bipo.

Em i tok em i gat amamas olsem 7-pela lida bilong Morobe provins i stap nau long Gavman na dispela em gutpela long sapot na strong bilong provins long kisim gutpela helpim na wok i kam.

Tripela Morobe lida long Oposisen kem em memba bilong Menyamy Thomas Pelika, memba bilong Huon Gaip Tukape Masani na memba bilong Bulolo Samson Napo.

Ol 7-pela memba i stap long gavman em Mao Zeming Siassi, Andrew Baing Makam, Luther Wenge Morobe rijinol, Kennedy Wenge Nawae, Ginson Saonu Kabwum, Alfred Pogo Finsafen na Bart Philemon Lae.

Gavana Wenge bungim ol Mumeng Geamsao

ARI GUH DANDEE i raitim

MOROBE Gavana Luther Wenge i bin kisim bikpela welkam na amamas tru long kamap bilong em insait long bikpela konferense bilong ol mama Giamsao long ples Kobeyaik long Wau long las wik Sarere.

Moa long 2,500 ol mama bilong 15 Paris long Mumeng Distrik ELC-PNG i bin soim tru bikpela amamas bilong ol long gavana taim em i bin kamap long amamasim dispela bikpela de bilong ol mama we ol bin holim wanpela wik olgeta na i bin stat long Mande Julai 19.

Presiden o Siameri bilong ol mama Misis Nali Bimalu i tok dispela olgeta 2,500 ol mama Giamsao insait long 15 Paris bilong Mumeng distrik i soim dispela bikpela bel amamas bilong ol long Mista Wenge bikos, em i tok, em i bin wanpela trupela na gutpela lida olsem na em i harim singaut bilong ol long kamap na luslave long dispela bung bilong ol mama Giamsao bilong Mumeng distrik.

Dispela i soim tru olsem gavana bilong Morobe gat

bikpela laik tru long sapotim wok bilong ol mama na mekim gavman i mas wokbung wantaim sios.

Mista Wenge i bin tokim ol mama olsem, ol i mas sanap strong holim na mekim wok olsem ol mama, bikos yupela ol mama i gat bikpela wok tru long mekim insait long wanwan haus wantaim famili, sios na gavman insait long Papua Niugini tude.

Maski ol man bilong yupela i save tok ol i gat planti belhevi, belwari na planti wok tumas bilong mekim tasol mi no ting dispela i tru, bikos yupela mama i mekim olgeta wok bilong lukautim na strongim famili long stap laip.

Lewa bilong mi long dispela de i bruk na sori tru long yupela ol mama bikos yupela ol lain tru bilong karim hevi, belsori na pilim planti pen long lukautim ol famili tasol i nogat gutpela luksave bilong yupela, Mista Wenge i tok.

Mi ting sapos i no gat mama, mi bilip bai i nogat ol gutpela pikinini man i kamap tude long Papua Niugini na tu olsem long hap bilong ol waitman long tok olsem, mi saveman ya, mi gat planti mani, mi ken mekim dispela, mi ken pait, mi gat strong, o mi Mista Luther Wenge mi

Songan bilong Morobe provins o sapos Prais Minista Sir Mekere Mourata i nogat gutpela mama bai em i no inap kamap Prais Minista bilong Papua Niugini tude, Wenge i tok.

Em i tokim ol mama olsem bikos long hevi bilong mani nau, we kantri i wok long bungim tude, em bai i no inap promis, givim wanpela samting tasol em i laik soim olsem i mas i gat luksave bilong ol mama olsem na em kamap long soim pes na soim olsem ol mama spesel tru long dispela graun na ol man i mas rispektim ol.

Mi no inap tok promis bikos yumi i stap long taim nogut nau na sapos gutpela taim i kamap mi bai i gat amamas tru long wokbung wantaim yupela ol mama insait long Mumeng distrik na tu ol narapela ol mama tu bilong ol narapela sios o distrik, Gavana i tok.

Luther Wenge long dispela taim tu i mekim bikpela tok tenkyu na amamas i go long ol meri long bungim tingting na holim o strongpela beten bai gavman bilong kantri i mas senis na prea i karim kaikai na em i askim ol mama holim kamap ol bung bilong prea long Bikpela long strongim lukautim Papua Niugini.

Prais i go antap, stil pasin i kamap planti

OL manmeri bilong Lae siti i mas was gut taim ol i raun long stua o wok o mekim ol wok bilong ol. Bikos nau prais bilong ol kaikai na ol samting i go antap na planti liklik stil pasin i wok long kamap nau.

Dispela tok lukaut i kam long bos bilong Lae plis fos, Metropolitan Suprintenden Tony Wagambi long Trinde aste.

Mista Wagambi i mekim dispela tok lukaut bihainim sampela ol raskel na trabel we i kamap long las wiken i kam inap dispela wik na em kisim tingting long ol hevi we i kamap bikos long prais bilong ol kaikai na ol samting bilong stua i go antap nau.

Mista Wagambi i tok plis long Lae i bin pait wantaim sampela lain raskol long Bumayong taim ol dispela raskel i bin go na i laik stilim long wanpela stua long hap. Ol raskol i bin bungim taim nogut taim ol plisman i kamap na ol i sut long sotgan i go kam na ronawe long ka. Plis na raskol i ron wantaim long ka na sut long sotgan i go kamap long Wes Taraka we ol raskol i go lusim ka na ronawe nabaut. Plis i kisim dispela ka na i wok long painimaut yet long i dispela raskol lain.

Provinsel Plis Komanda bilong Lae, Tony Wagambi i tok ol dispela raskol man i bin stilim dispela ka long wanpela helt inspekta bilong Lae Siti Atoriti long Tunde moning.

Mista Wagambi i tok ol dispela man nogut i bin hensapim dispela wokman bilong Lae Siti Atoriti wantaim strongpela sotgan na kisim dispela ka long bikman ya. Bihain ol i yusim dispela ka long i laik stil long bikpela stua long Bumayong long nait taim ol plisman i kamap bungim ol na pait wantaim ol.

Long narapela trabel tu, Mista Wagambi i tok ol man nogut i bin hensapim wanpela ka long Mobil Sevis Stesin long Makam Rot kona long Tunde nait, taim olsem 7 kilok nait. Tasol plis i ronim ol i go na holim olgeta lain ya na kisim wanpela sotgan long dispela ka.

Insait long ka em plis i holim 6-pela man husat i mekim dispela trabel na i laik ronawe. Olgeta i stap long plis sel na wetim kot i stap.

Long Tunde moning yet, 4-pela stilman i bin go insait long wok ples bilong Morobe Fresh Fish Supply na pretim ol manmeri wantaim wanpela flea gan na sampela bus naip.

Mista Wagambi i tok bihain long ol i stilim samting olsem K104 long dispela banis, ol i ronawe long wanpela ka na i go tromoi dispela ka long Bumbu setelmen na ronawe. Plis i kism bek dispela ka tasol ol man nogut taso i ronawe.

Plis i wok long painim yet ol dispela kain na tu i wok long bungim ripot long ol dispela trabel.

PRAIS INO NAP SENIS TAIM VAT I STAT




20^t VAT WANTAIM




TOK NO LONG PEIM MOA SAPOTIM STUA I SAPOTIM YU NOKEN PEIM MOA!

VISADD 5100

NCDC Yunien askim gavman long pinis pe

**VERONICA HATUTASI
i raitim**

NESENEL Kapitel Distrik Komisyon Yunien i singautim Praim Mnista Sir Mekere Morauta husat i NCDC Komisina wantaim, Gavana na ol Bod bilong NCDC Komisyon long stretim ol pinis pe bilong yunien we ol no kisim stat yet long 1995. Yunien Presiden Jackson Sarea i tok.

Taim yunien i welkamim ileksen bilong Sir Mekere olsem hetman long nupela gavman, singaut i go long en long go insait na hariapim stretim pe bilong ol ritrens Komisyon woklain na ol dispela we i wok yet bikos ol i wok aninit long wari na hevi.

Mista Sarea i tok planti taim ol woklain bilong NCDC i save kisim hevi long ol senis na long planti taim, ol atoriti i no save lukluk long stretim wari bilong NCDC Yunien.

Nau em las taim ol i putim gen dispela singaut i go long ol atoriti long mekim samting long stretim wari ol i gat we i sut long Hom Onasip Skim we Komisyon i bin promisim ol woklain bilong em. Narapela samting tu yunien i laikim em long givim 50 pesen moa long potnait pe long wan wan wokman bikos pe bilong

samting i go antap moa yet stat long taim VAT i kam insait.

Mista Sarea i tok dispela Hom Onasip skim bilong ol Komisyon woklain em NCDC yet i bin wokim disisen long kirapim long 1986.

"Mipela i wetim yet disisen ya long karim kaikai. Ol arapela ogenaesen i bildim haus long ol woklain bilong ol pinis," Mista Sarea i tok.

Em i tok pe bilong ol NCDC woklain i stap daunbilong long ol arapela wanwok bilong ol long ol arapela provins insait long kantri na wantaim pe bilong ol samting i sut i go antap moa yet nau, em i laikim ol i apim pe bilong ol yunien memba woklain long 22 pesen mak.

"Ol woklain bilong NCDC i save kisim liklik pe long ol arapela wanwok bilong ol long kantri, Tasol hia long siti, i gat mikis kalsa grup na bikpela salens i stap long dispela. Antap long en, pe bilong ol samting long stoa na maket i go antap tru na mi no save wanem samting moa bai kamap.

"Samting olsem 75 pe sen long ol NCDC woklain i save kisim daunbilong long K200 insait long wanpela potnait. Em i hatwok tru long stap long siti wantaim ol dispela samting tasol ol woklain i stap isi.

"Yunien i laikim 22 pesen moa long pe bilong ol tasol na VAT

takis i kam insait, NCDC i mas peim 50 pesen moa long pe bilong ol woklain," Mista Sarea i tok.

Presiden Sarea i laikim gavman na ol NCDC atoriti long peim ol woklain we ol bin rausim, stat yet long 1995 na tu ol dispela woklain we i bin kiism bagarap taim oil i wok wantaim NCDC.

"Mipela i laikim ol atoriti i givim luksave long ol woklain na ol hevi we ol i wok long bungim. Tingim, putim yumi yet long su bilong ol woklain we Komisyon i pinisim ol long wok tasol ol i wetim yet pe i stap na bai yumi lukave long wari ol i gat. Manesmen i bin promisim long stretim dispela tasol wanem taim em bai kamap?

Wol i wok long go fowed tasol manesmen bilong NCDC em i stap bihain na i moabeta long em nau long glasim na skelim ol dispela samting," Mista Sarea i tok.

Em i tok yunien i no slek yet long namba wan singaut bilong em na dispela em long sekim NCDC manesmen long saspensen bilong Siti Edministreta.

Mista Sarea i tok sapos NCDC manesmen i no inap long stretim ol benefit na entaitelmen bilong ol woklain bilong em, ol mas rausim olgeta lain i wok long hap.

Vanimo haus sik go het yet

FELIX RAMRAM i raitim

SEVIM LAIP bilong ol manmeri na pikinini i nambawan bikpela wok haus sik long Vanimo wantaim Bod ov Menesmen i gat long mekim.

Long las Trinde apinun long Open De bilong Vanimo Haus Sik, Bod ov Menesmen Siaman MELCHIOR KAPAITH i tokim klostu 200 manmeri na pikinini, liklik lain bikman wantaim ol wokmanmeri bilong haus sik, yet olsem maski i gat planti hevi insait long kantri long sait biling mani long dispela ol taim, Vanimo Haus Sik i no slek long mekim wok bilong em.

Haus Sik Bod Siaman i tok, wantaim wok bilong lukim olsem planti pipel i kisim sut na marasin wantaim daunim bilong ol kain kain sik, Bod wantaim Menesmen i mas lukim olsem ol mesin na samting bilong mekim wok i go wantaim spes bilong wok. Na tu ol save lain em ol haus sik i mas gat long en, olgeta i mas stap redi na stap klostu long bungim dispela mak ol haus sik i mas gat.


Mista Kapaith i tok samting em haus sik i save amamas em, i mas gat ol manmeri i gat save bilong mekim wok i stap. Long pait wantaim bikpela namba bilong dai i save painim ol mama i go karim pikinini na ol pikinini i dai bihain long ol mama i karim ol pinis. E i tok namba bilong

ol dai i save painim ol mama na ol pikinini bipo long 1997 i bikpela tru. "Tasol long 1997, 1998 na dispela yia namba bilong dai long ol mama na pikinini i bin pundaun i go daun tru. Bikos Vanimo Haus Sik i gat wanpela saveman Obstetrisen, Dokta JOHN NOVETTE".

"Long 1997 na 1998, tupela mama tasol i dai taim 10-pela pikinini i bin dai long 1997. Namba bilong ol pikinini i dai i bin bikpela tru bipo long 1997 na insait long 1998, 7-pela pikinini tasol i bin dai and mama i nogat. Dispela namba i go daun winim ol yia i go pinis. Na dispela i piksa lon gutpela wok bung i stap namel long olgeta seksen husat i save givim sevis bilong gutpela bilong ol manmeri na pikinini husat i save go kam long haus sik", Siaman bilong Bod i tokaut.

Em i olsem ol tu i bin nap long tanim raun gen namba bilong dai we i painim ol sikman i stap long haus sik we i bin wok long go antap olsem 1997 ripot i tokaut long en. Mista Kapaith i tok long las 4pela krismas stat long 1994 figa bilong ol sik manmeri i dai em 86; 1995 - 85; 1996-66; 1997-76 taim 1998-52.

Ol hevi Vanimo Jenerel Haus Sik i bungim em long "strong" bilong Kina i go daun i as bilong karim aut ol wok mantenens na kamapim sampela nupela senis insait long haus sik yet i no go gut tumas.



• Ol sampela musik lain long Lae i bin mekim save long pilaim musik na salim buai tu wantaim. Foto: Franco Nebas

YUSIM RAIT BILONG YU LONG SUSIM SAMTING WANTAIM VAT

Go long narapela stoa o bisnis sapos prais long narapela i antap tumas.

Sapos yu nogat narapela stoa o bisnis long go baim dispela samting yu laikim na yu ting prais i antap tumas, yu ken toksave long Konsuma Afes Kaunsil long ol dispela telefon na fex namba;

Port Moresby:

Telefon: 472 6188

Fex: 472 6122

Mt. Hagen:

Telefon: 982 8620

Fex: 982 8620

Lae:

Telefon: 23 1344

Fex: 325 3078

Kokopo:

Telefon: 542 3001

Fex: 542 1307

Sapos yu stap long ol distrik yu ken lukim ol Bisnis Diveipmen Ofisa bilong yu husat i stap olsem ejen bilong Konsuma Afes Kaunsil.

Is Sepik na Sentrel mas makim nupela gavana

PETER MAIME i raitim

SIA bilong gavana bilong Is Sepik na Sentrel i nau stap nating.

Gavana bilong dispela tupela provins, Ted Diro bilong Sentrel na Sir Michael Somare i lusim sia bilong ol long provins na kisim wok minista insait long nupela gavman bilong Sir Mekere Morauta.

Mista Diro i kisim wok olsem Agrikalsa na Laipstok Minista na Sir Michael i holim wok bilong Foren Afeas.

Aninit long Ogenik Lo bilong Provinsal na Lokel Levul Gavman, rijinol memba mas kamap gavana bilong provins. Sapos rijinol memba i laik kamap minista o holim wanpela bikpela wok bilong nesanel gavman, em mas lusim wok olsem gavana. Lo i no orait long em i ken dabolim tupela wok.

Olsem na Provinsal Asembli long tupela provins i mas bung na makim nupela gavana.

Ol man husat i ken resis long dispela sia bilong gavana, em ol palamen memba bilong dispela tupela provins. Sapos ol i no laik, bai wanpela bilong ol presiden bilong ol Lokel Levul Gavman husat i kamapim Provinsal Asembli i ken kamap gavana.

Mista Diro, Sir Michael na ol narapela gavman minista i promis long Gavana Jenerel, Sir Silas Atopare long dispela wik long mekim wok bilong ol.

Mista Diro i tok em i mekim wanpela hatpela disisen long lusim wok bilong gavana na kisim dispela nupela wok olsem wanpela gavman minista.

Em i tok em i bin kirapim planti prosek pinis long provins bilong em na laik stap bek olsem gavana long lukim ol dispela wok long go het, tasol em tu i tingim kantri na i kam insait long wok bilong nesanel gavman.

Em i tok em laik yusim save na ekspriens bilong em long helpim Praim Minista long ronim gut kantri.

Sapos kantri i no stap gut, yu no inap gat wanpela gutpela provins. PNG em olsem wanpela sip i laik go daun long solwara, Mista Diro i tok.

Em i tok, em i laik stap long tim bilong gavman, bai em i ken helpim kantri long ron gut.

Sir Michael tu i laik yusim save na ekspriens bilong em long sapotim gavman long ronim kantri. Em i tok, wanem kain polisi na plen bilong gavman, em ol bai wok bung na bring diveipmen na sevis i go long ol pipel.

Faundesen bilong Pipel na Komyuniti Dvelopmen helpim ol Aitape sunami lain

PAUL GLAUT i raitim

FAUNDESEN bilong Pipel na Komyuniti Dvelopmen, wanpela NGO grup i wokim sampela gutpela wok long helpim ol wok long kamapim gutpela sindaun long ol ples we i bin kisim bagarap long Aitape sunami. Em ol ples olsem Warapu, Arop na Wippom.

Long Tunde, dispela grup i bin kisim sampela medikel saplais we ol bin kisim olsem donesen long Australia yet i kam long ol pipel bilong

ol dispela ples ya. Sampela long ol samting em ol bai givim long ol haus sik na helt senta ol i kirapim long ol nupela ples ol pipel bilong ol ples ya i go stap long en nau.

Donesen mani inap long K180,000 na bikpela haus sik insait long Australia i bungim na givim long helpim ol lain i kisim bagarap long birua bilong Aitape sunami.

Sampela long ol samting em long sia, tebol, mesin bilong strongim ol byusim long taim bilong sekim tit, sampela yunion na sampela ol mesin we i wok long pawa.

Ol lain bilong dispela grup i wokim haus sik long Barapu, Arop na Wippom. Ol i yusim ol timba we wok about somil i katim long wokim ol bilding long en.

Narapela ol pawa mesin bai i stap long Raihu haus sik. Sampela ol fenitja i bin bruk taim ol trak i karim ol i kam long rot namel long Wewak na Aitape. Wanpela bikpela ovasis bot i karim ol samting long Australia yet i kam long PNG. Wanpela opisa bilong grup ol i kolim Long Cosmos Makamet i tok dispela grup i save mekim wok helpim long Esia na Pasifik rijen.

Ol Australia eks sevis man stretim ol samting long Koiari

MOA long Australian Eks-sevisman (RSL) nau stap long Vesulogo viles long Sogeri insait long Sentrel provins.

Dispela ol eks-sevisman bai wok wantaim Koiari Dvelopmen Atoriti (KDA) long stretim ol olpela woa samting (relics) na i no memeri long Kokoda Treil insait long hapsait long Sentrel provins.

Ol eks-sevisman long taim ol stap na wok long hia ol bai helpim ol sampela ples long stretim wara saplai na sampela arapela wok insait long ol ples lain.

Pes wok bilong ol em long stretim em Kokoda Woa Memeri Monumen long Sogeri na bihain bai ol konstrakim wanpela memeri mak long stat bilong Kokoda Treil long Owens Kona ausait long Pot Mosbi, klostu long Sogeri.

Wok long Kokoda Treil Woa Memeri long Sogeri em i stat pinis

las wik na bai pinis dispela wik na wok long Archway bai stat dispela wik.

Tim lida Eric Winn ol bai wokim banis raun long dispela hap we monumen i sanap we bai ol senisim olpela banis, na tu bai ol i wokim nupela piksa mak platpom long semen na tu putim gravol long monumen eria.

Em i tok Archway wok bai stat dispela wik long Owens Kona we Kokoda Treil em i stat long hapsait long Sentral provins. Na tu bai ol pulim gutpela wara saplai long Owens Kona we ol i kisim wara long liklik baret long sait bilong Maunten.

Nau yet i nogat wara long Owens Kona na save givim hat taim long ol trekas na tu husat save yusim dispela treil rot long wara long dring.

Ol sevisman ol kam long hia bihain long wanpela agrimen we tupela Australia na KDA bin wokim na sainim insait long Desemba 1997 taim ol bik-

man bilong KDA ol raun long Australia long dispela taim.

Na tu taim ol stap long Sogeri, ol bai stretim wara saplai bilong Vesulogo viles, em wanpela ples em save stap long hapsait bilong Kokoda Treil rot.

Dispela projek ol wokim em ol kamapim aninit long Kokoda Treil Dvelopim Progrem we mani na ol helpim em i kam long ol praivet kampani na bisnis haus na ol sampela ogenaisesen insait long Australia yet na ol yusim ol volentias olsem Australia eks-sevisman long wokim dispela ol wok o projek.

Mista Wim tok, em i gutpela stret we Rouna Quarries bisnis han bilong Hebou Konstraksen em wok long givim helpim na sapot long givim fri redi miks semen na gravol na KDA em givim kaikai na trenspot bilong ol long Vesulogo viles we ol save stap nau.

Not Flai ilektoret laikim ministri

KENNEDY EDENE
i raitim

OL lida bilong Not Flai singaut i go long gavman long i no long wanpela samting tasol ol i laikim wanpela ministri bilong memba bilong Kala Swokin.

Insait long wanpela stemen we presiden bilong Kiunga Lokol Levul Gavman Kaunsil Frank Hamesu na ol memba bilong Flai Riva Provinsal Gavman asembli ol sainim ol i tok olsem:

- Mista Swokin em i sinia politisen husat bin holim planti sinia ministriel potfolio insait long ol sampela olpela gavman na

- Not Flai ilektoret em i gat planti ol samting o risos ris na ol lokol memba mas ol stap insait long Nesenel Eksekutiv Kaunsil (NEC) we ol bai stap long mekim bikpela disisen we

i save sut long wok bilong neturel risos insait long ilektoret, olsem Ok Tedi, East Awin agro-forestri dvelopmen projek na sampela ol dvelopmen we ol i wok long kam yet olsem oil na ges risevs long Peneng, Kefu, Elevala, Dande na Juhua.

Em i tokaut tu olsem, ilektoret em i stap klostu long boda wantaim Irian Jaya na long toktok bilong intanesenel haiwe long Miriptana na Kiunga na i go long Kutubu long Sauten Hailens na Kikori em i bikpela long givim wanpela ministri long lokol memba bilong ol.


Mista Hamesu, husat em i namba tu siaman bilong Not Flai distrik plening na baset praoriti komiti makim, Trenspot, Sivel Eviesen, Tourism o Agrikalsa.

Em tok, dispela em laikim bilong olgeta 6-pela Not Flai lokol levul gavman.

HILUX 4X2

ISTAP ANTAP LONG MAK BILONG BAIM INSAIT LONG PNG!

Sindaun isi insait long em olsem taksi, Hilux 2-wil draiv i gat planti kain modal bilong fitim stret nid bilong yu yet. I gat 2.0 petrol enjin na 2.4 diesel enjin, longpela wil bes singel kab na dabol kab, na bodi i strong tru na no inap bagarap kwiktaim. Toyota Hilux 2WD i go pas long ol man i baim bilong wok bisnis insait long olgeta hap long PNG.



Hilux 2WD kar i gat bikpela helpim long ol Toyota Tru Parts wantaim numbawan sevis i stap long olgeta hap long Papua Niugini.

BILONG KISIM PRAIS NA SAVE, ASKIM:

PORT MORESBY PH 3229400 • LAE 4722322
RABAUL 9821988 • KOKOPO 9829100
MADANG 8522188 • GOROKA 7321844
MT HAGEN 5421888 • WEWAK 8562255
KAVIENG 9842132 • KIMBE 9835155
TABUBIL 5489060 • VANIMO 8571254
PORGERA 5479367 • KUTUBU 5496685
BUKA 9739915 • LIHIR 9864099
ALOTUA 6410100

Ela Motors


TOYOTA



VISIT OUR WEBSITE - <http://www.elamotors.com.pg>


TOYOTA TSUSHO (PNG) LTD.

Nupela Kabinet



Sir Mekere Morauta - Prime Minister, NEC, NSC, Finance, and Treasury, Health, Bougainville Affairs, Information and Communication


Morauta/ Pundari Gavman



Hon. John Pundari - Deputy Prime Minister, Home Affairs Women, Youth and Churches



Hon. Mao Zeming - Works



Hon. Fabian Pok - Lands and Physical Planning



Hon. Ted Diro - Agriculture and Livestock




Hon. Sir Michael Somare - Foreign Affairs



Hon. Vincent Auali - Corporatisation and Privatisation




Hon. Tommy Tomscoll - Petroleum and Energy



Hon. Michael Nali - Trade and Industry




Hon. Mathias Karani - Police and Correctional Services



Hon. Michael Oglo - Forest




Hon. Moi Avei - Planning and Implementation



Hon. Kilroy Genia - Justice



Hon. John Kamb - Housing



Hon. Andrew Kumbakor - Provincial and Local Govt




Hon. Peter Waieng - Minister for State Assisting the PM




Hon. John Waiko - Education




Hon. Philemon Embel - Public Service



Hon. Herowa Agiwa - Labour, Employment, Culture and Tourism




Hon. Sir John Kaputin - Mining



Hon. Alfred Pogo - Defence



Hon. William Ebenosi - Rural Development, Environment & Conservation



Hon. Bart Philemon - Transport and Civil Aviation



Hon. Ron Ganarafa - Fisheries

Lukautim gut bodi long sik na birua

Putim ol pipia gut

Ol binatang i save stap insait long ol samting i doti. Yu bai kisim sik sapos yu no putim ol pipia gut. Ol binatang na rat nogut i save stap insait long ol hap i doti long en na mekim yu sik.

Yu noken putim sampela pipia long gaden tasol, sampela pipia olsem tin i gutpela tu long yusim bihain. Sampela pipia i no gutpela tumas em yu mas noken tromoi nabaut nabaut.

Putim pipia insait long wanpela dram i gat ai long en. Askim papa na mama long tromo pipia gut. Putim ol emti tin na botol gut long salim.

Helpim komyuniti na lukautim gut hap ples yu stap long en. Lukautim gut ol diwai na gaden, ol maket ples na tu, o ples bilong kisim PMV.

Yu mas lukautim o nambis, wara na ol pablik ples i stap klin.

Putim ol pipia long wanpela bek na tromoi ol gut log hap bilong tromoim pipia.

Tromoi gut ol pipia na mekim hap we yu stap long en i stap klin.

Pilai insait long hap we i nogat birua

I gutpela long yu pilai spot long wanem dispela inap helpim bodi na tingting bilong yu. Taim yu pilai, traim long abrusim ol samting we bai ol i no inap bagarapim yu

Noken pilai klostu long ples bilong kukim paia, hap we pawa lain i go long en, ples bilong kukim kaikai na sampela hap bilong haus we i no gutpela tumas long en.

Noken pilai klostu long ol dispela hap olsem rot bilong ka i save ron long en, ol baret na nupela rot masin i wokim long en, klostu long solwara na hap ples i pulap long ol longpela gras, ol rip na klostu long hap we ol bikpela sip i save kam sua. Kisim tok orait long papamama bilong yu taim yu laik go pilai. Noken go klostu long ples bilong kukim paia, klostu long windua na ol step long haus. Noken pilai klostu long rot. Yu mas lukluk gut long hankais na hansut taim yu laik brukim na katim rot, nogut wanpela ka i ron i kam.

Noken swim sapos yu no save long swim long wara. Kisim tok orait long papa na mama bilong yu sapos yu laik go waswas long nambis o raunwara.

Noken pilai wantaim ol samting we i gat sap long en. Nogut yu pilai wantaim ol na yu katim skin bilong yu. Lukautim gut ol dok na arapela enimol. Nogut ol i kaikaim yu. Lukaut gut taim yu go antap long diwai na taim yu kam daun. Nogut yu abrus na pundaun. Lukaut gut long ol pawa lain i bruk pinis na i stap. Toksave kwik long ol bikman taim yu lukim pawa lain i bruk na i stap long rot.

Pilai long hap we i gutpela na i nogat trabel o birua. Bai yu i no inap bungim taim nogut.

Samting ol yangpela i ken mekim long stap helti

Kaikaim o kainkain kaikai

Taim yu yangpela yet, bodi na tingting bilong yu i save groa hariap. Olsem na yu mas kaikaim ol gutpela kaikai long olgeta de logn helpim yu. Yangpela olsem yu mas kaikaim ol kainkain kaikai long helpim bodi bilong yu long groa, kamap strong na banisim yu long ol sik nogut.

Bodi bilong yu mas stap klin.

Yu ken luk klin na luk smat moa sapos yu wasim gut bodi bilong yu long olgeta de. Long stap klin na helti, yu mas wasim gut bodi biong yu, wasim han pastaim na bihain long yu kaikai, taim yu holim pipia o graun, pilai o taim yu pinis long toilet. Sapos yu gat sua long skin bilong yu, wasim wantaim sop na wara. Noken lus tingting long go lukim ol dentol helt wokmanmeri long sekim tit long wanwan yia.

Mekim ekseais

Bodi bilong yu mas noken kamap fat tumas o bun nating. Traim na larim bodi weit (hevi) bilong yu stap gut. Mekim ekseais long olgeta de na bai yu stap strong na helti. Yu bai stap longpela taim sapos yu i no fat tumas o bun nating.

Noken smok, dring o kisim drag

Bodi bilong yu bai i no inap stap gut sapos yu smok planti, dring bia o kisim ol drag nogut. Noken kisim, ol dispela samting long wanem em i dia tumas.

Lukautim graun bilong yu.

Tromoi ol pipia long rabis dram. Taim na kamapin sampela gutpela samting long lukautim gut graun. Planim ol kain samting olsem diwai, kumu na flawa arere long haus.

Ol samting we famili i ken mekim long stap helti

Plenim gut famili bilong yu.

Planti manmeri i save pasim tok long amas pikinini bai ol i gat long wanem taim. Dispela kain pasin long pasim tok long spesim pikinini em wanpela bikpela samting man na meri i mas mekim. Sapos yu no klia tumas long dispela, lukim ol wokman na meri bilong helt klostu long yu.

Givim susu bilong mama long bebi.

Susu bilong mama em i gutpela kaikai bilong bebi. Susu bilong mama i gat ol gutpela kaikai bilong banisim bebi long kisim sik.

Givim susu bilong mama long bebi taim mama i karim em i go inap bebi i winim 6-pela mun. Bihain long 6-pela mun givim bebi sampela gutpela kaikai long groa na kamap strong. Mama i mas givim susu long bebi inap em i winim tupela krismas.

Mama na bebi i mas kisim tambu sut wantaim.

Sapos yu wanpela gutpela papa na mama, yu mas save gut long wanem as, taim na ples yu ken go na kisim tambu sut. Bihainim gut ol toktok bilong wokman na meri bilong haus sik long wanem taim, yu ken kisim bebi i go long kisim tambu sut. Kisim tambu sut bipo o taim yu gat bel long banisim ol kain sik olsem tetanus i kamap long yu na bebi.

Olgeta taim soim gutpela pasin.

Wanwan memba bilong famili i ken helpim long lainim ol pikinini long kisim gutpela save na tu soim ol long gutpela pasin long kamap gutpela pikinini insait long famili. Soim bikpela hamamas na laikim ol pikinini na ol arapela insait long famili bilong yu. Skulim gut ol pikinini long ol gutpela pasin. Noken paitim ol pikinini. Tingim, pikinini bai lainim wanem samting yu mekim na bihainim.

Helpim yu yet na ol narapela.

Wanpela bikpela samting famili i ken mekim long wanem lain insait long famili em long pasin bilong lukautim ol yet. Taim famili i luk helti na strong, ol inap long helpim ol yet long taim bilong sik na tu long taim bilong birua. Toksave gut long famili bilong yu long lukautim ol yet gut. Sapos bel hevi i kamap long famili, bel isi hariap na pinisim dispela hevi.



Lukaut long sik bilong AIDS

AIDS em wanem?

AIDS i olsem Acquired (Kisim), Immune (ino inap), Deficiency (Nogat, Syndrome (mak bilong sik). AIDS i kamap long wanpela posin ol i kolim HIV (Human - manmeri, Immunodeficiency-i no inap nogat, Virus - posin. HIV i save bagarapim banis bilong pasim ol kain sik long bodi na taim bihain save kamapim sik AIDS.

Ol manmeri i save dai long AIDS tasol taim ol i no dai na ol i orait ol save pastaim kisim posin bilong bagarap ol i kolim HIV.

Wanpela i gat AIDS taim posin i bagarapim banis long bodi we ol sik noken krungutim manmeri. Dispela posin mas stap longpela taim insait long bodi na kilim strong bilong bodi long lukautim

em yet long rausim ol kain sik na ol liklik skin sua tu.

Dispela ol liklik skin sua o bikpela sua na ol arapela sik ken mekim i go na ol manmeri i ken dai.

Nau nogat sut o marasin long pinisim AIDS. Wanpela rot i stap em long toksave na skulim ol manmeri husat i nogat AIDS.

HIV em wanem?

Olgeta leta HIV i makim Human Immunodeficiency Virus.

HIV i olsem ol arapela posin i liklik tumas long lukim wantaim ol maikroskop. HIV i save bagarapim ol manmeri tasol na save brukim banis bilong bodi we i save banisim ol arapela sik long i noken bagarapim bodi.

Sampela taim ol kolim HIV i AIDS long wanem wanpela mas

kisim HIV na bihain AIDS. Tasol i gat HIV na i no olsem wanpela man o meri igat AIDS.

I gat bilip olsem ol manmeri i gat HIV i gat posin bai stap inap ol i dai. Husat i gat posin bai nogat wanpela samting kamap long skin bilong ol long planti yia, tasol ol i ken givim HIV posin long ol arapela manmeri.

I gat HIV posin na AIDS em wankain?

Nogat. I gat HIV posin insait long bodi i olsem man o meri i gat HIV posin tasol. AIDS em taim bilong pinis we HIV posin bai kilim man o meri.

Bilong wanem na HIV posin ken stap long bodi tasol ol manmeri no inap save?

I gat taim man o meri pastaim kisim posin na go inap bihain we

ol toksave olsem man o meri i gat sik ADS long bodi. Dispela taim i ken 6 mun tasol o 10 yia o moa long dispela taim sik man o meri bai ino inap gat wanpela sain o mak long skin bilong ol. Ol i ken i gat HIV posin insait long bodi tasol ol bai luk gut na fit. Tasol taim ol i sekim blut long tes, bai tokaut. Long dipsela taim nogat save, man o meri gat posin ken givim sik long ol arapela manmeri.

Planti yia bai go tasol ol manmeri i no inap save ol i gat HIV na bai ol i gat solap na pen aninit long han o lek. Bihain long dispela ol manmeri ken i gat sua long insait long maus, husat long nait, tasol bai planti yai i go na ol i no inap gat AIDS yet. Taim AIDS i kamap man o meri ken stap 6 mun tasol ol ken stap tu yia na ol bai dai.

Lukaut long ol kainkain sik

Wanem em ol haus flai binatang bilong haus?

Ol binatang we i save raun long haus em ol kain binatang we yu ken painim long olgeta hap bilong wol long ol haus. Em ol liklik binatang sais bilong ol i olsem 6 i go long 9 milimita longpela na i blak liklik. Ol i save groa na kamap long ol rabis na tin we i stap nabaut arere long haus.

Wanem kain sik na haus flai binatang i save karim raun?

Ol dispela haus flai binatang i save kisim na ol arapela binatang we i gat sik long ol pipia ples na samting. Ol i save ol sik binatang long lek na bodi bilong ol na raun na i ken go sindaun antap long kaikai bilong yumi ol manmeri long kaikai. Taim ol manmeri i

kisim ol dispela kaikai, ol i ken sik bikos ol arapela sik binatang i stap pinis long ol dispela kaikai. Sampela bilong ol sik o bagarap yumi inap kisim long dispela hevi em, fud poisoning, daisentri, taipoid, kolera na hepatitis A.

Bai yu luksave long sik bilong flai bon olsem wanem?

Pekpek wara em ples klia sik we i save kamap bikos ol haus flai binatang i save karim raun long lek na bodi bilong ol na putim antap long ol kaikai. Taim man o meri i kisim hevi long daisentri em bai pulim ol pen long bel na bodi bilong em, lusim wara long skin na tu lusim sampela blut long bodi. Taim man o meri i kisim kolera, em i save traun, skin i save hot na pekpek wara we em i lusim

planti wara long bodi bilong em.

Taim man o meri i gat sik taipoid, em i save gat ol pen long bel na bodi, het pen, bikpela skin hot, ol liklik mak i kamap long nus na hot o sua i kamap insait long bel rop.

Rot bilong kontrolim haus flai

Yusim ol toilet we dua i mas pas na i mas stap longwe long ol haus kuk eria na ples bilong sindaun kaikai.

Toilet i mas klin na karamapim ai bilong toilet olgeta taim.

Putim ol pipia na rabis bilong haus gut long wanpela bikpela bek o dram na karamapim ai bilong ol strong.

Karamapim gut kaikai na putim gut long ol karamap ples.

Putim gut ol samting bilong kuk na kaikai gut long kabot.

Putim gutpela waia long dua na windua bai ol binatang i no ken go long haus.

Noken larim ol hul long haus i go bikpela.

Lukautim gut banis bilong yu i klin na noken larim ol pekpek bilong dok o enimol i stap arere long banis bilong yu.

Hap yu save lukautim ol enimol i mas stap klin.

Musmus em wanem?

Musmus em wanpela binatang we i raunpel nogat win na i olsem flet. Ol i olsem 4 na 7 milimita longpela na taim ol i hangre, bai skin bilong ol i kamap yelo o braun. Tasol taim ol i dring planti blut, bai skin bilong ol i kamap blak nogut tru.

**FRI BAIBEL
KOS
LONG PAS**

I kam long wanpela pren long America sapos yu laikim fri kos salim nem na adres igo long:

**WOL BAIBEL SKUL
WBS - PNG 12, P.O. Box 9346,
Austin, TX 78766 USA.**

Trening bilong liklik wok bisnis kamap long Sogeri

KENNEDY EDENE i raitim

DEPUTI Edministrata bilong Sentrel Provinsal Gavman (CPG) Uve Rova i tok amamas long Sirinumu Developmen Kampani (SIDC) long kisim ol konsaltens kam na trenim ol pipel bilong ol. Mista Rova long givim toktok long greduesen bilong Pesenel Viabiliti Trening kos long Kokoda Treil Motel

insait long Sogeri las wik Trinde. Em i tok, dispela ol trening program IDCO wok long givim i go long ol pipel bilong em olsem ol ples lain em impotent na gutpela stet.

Bikos trening em i as bilong kamapim gutpela risalt bilong developmen, we em i bilong stretim tingting bilong ol man o pipel husat yu save laikim putim insait long developmen program bilong yu.

Em i tok Pesenel Viabiliti em i impotent

we bai yu save long yu yet na wanem gutpela rot long wok i go kisim we sampela taim bai yu no inap save o tokaut.

Mista Rova tok, Sogeri graun em i gutpela tru we yu ken groim kainkain kaikai, olgeta samting em i stap, yupela i gat ol risos tasol long wok long em, yu mas kisim gutpela trening long save we yu bai wok na go.

Em i askim ol 20 kos lain long go bek na wokim ol wok bilong ol

we ol lainim. Dispela kos em i gutpela stret we planti long ol sumatin ol tokaut, ol bin lainim planti ol samting long dispela kos long hau long lukautim o menesim ol yet na wanem gutpela rot long wok long en.

Siaman bilong SIDCO Albert Ugunie husat em wanpela sumatin tu tok em i amamas na tok tenkyu

long wanem samting Elcom em laik long givim stret long ol Sirinumu pipel. Em, i tok, bipo em i kisim dispela trening em i ting em save olgeta samting tasol bihain long kos, em i luksave olsem em i rong.

"Em i tok kos em i gutpela tru we nau em i luksave Elcom em i traime bes bilong em long wanem gutpela

samting bai givim bek i go long ol Sirinumu pipel long bikpela lus na bagarap long risos bilong ol we wara bin karamapim.

Man em i ronim kos Emmanuel Rusi bin wanpela bisnis tisa bipo long PNG Edministretiv Koles tok.

Em i tok, dispela program wok long ron gut na ol provins we ol kisim gut long dispela

kos ol save resis long kredit facilities long ol benk.

Planti bilong dispela provins em Niugini Ailans rijen.

Bikos ol i lukim olsem em i eria we em bai benefitim ol gutpela insait long dispela rifom. 20 kos lain 19 ol man na wanpela meri, planti bilong ol Viles Plening Komiti (VPC) siaman.

COFFEE INDUSTRY CORPORATION LTD INDUSTRY AFFAIRS DIVISION PRAIS BROADCAST WAN WAN WIK

| WEEKLY MARKET PRICES FOR BROADCAST | | | | DATE: | 26-07-99 |
|------------------------------------|------------------------------|----------|------------|------------|------------|
| SUMMARY | | | | SERIAL NO: | 04-1098/99 |
| Average prices (t/kg) as at: | | 26-07-99 | Range | 19-07-99 | June |
| ARABICA: | | | | | |
| Green Bean | Y1 | 352 | 320 to 380 | 345 | 468 |
| (DIS LAE) | Y2 | NQ | NQ | NQ | NQ |
| | X | 387 | 380 to 420 | 371 | 514 |
| | A | 408 | 360 to 450 | 399 | 545 |
| PARCHMENT: | | | | | |
| (Factory Door) | Class 1 | 234 | 150 to 300 | 219 | 304 |
| | Class 2 | 209 | 130 to 245 | 191 | 282 |
| | Class 3 | 186 | 150 to 225 | 175 | 261 |
| CHERRY: (Factory Door) | | | | | |
| | | 68 | 65 to 70 | 55 | 72 |
| ROBUSTA: | | | | | |
| Green Bean | | 240 | -to 240 | 240 | 275 |
| Parchment | | 147 | 130 to 150 | 147 | 177 |
| Cherry Indicative | | N/A | N/A | N/A | N/A |
| NEW YORK "C" CLOSING | | | | | |
| Other Mild Arabicas | | | | | |
| US cents/lb | | 94.8 | | 94.15 | 108.4 |
| One Kina=US\$ | | 0.398 | | 0.377 | 0.343 |
| Toea/Kg:- | | | | | |
| | Without discount/premium | 525.12 | | 550.57 | 696.92 |
| | With discount of 10 cents/lb | 436.49 | | 474.55 | 632.80 |
| Y-grade (Gross F.O.B. Lae)* | (1) | 436.49 | | 474.55 | 632.80 |
| Levy on (1) | (2) | 28.00 | | 26.00 | 26.00 |
| Y-grade (Net F.O.B. Lae)* | (1-2) | 410.49 | | 448.55 | 606.80 |
| Indicative | | | | | |

MAKET TOKTOK

Las wik prais bilong Septemba kopi fiusa long Niu Yok i go daun liklik long mak bilong 1%. Long wanem nius kam long Brazil i tok olsem gutpela san i stap na nogat bagarap. Pastaim sampela maniman long Niu Yok ol i bin wetim dispela nius, na dispela nius i kirapim bel bilong ol na ol i wok long lusim sampela fiusa pepa ol i bin holim pastaim longen.

Insait long PNG, prais bilong Y-Gret FOB i go daun long mak bilong 8% long las wik, na prais bilong DIS-Y Gret go daun 7%. Prais bilong parsmen kopi long faktori dua i go antap 6.8% long insait long las wik.

Ol i bungim fiusa prais na eksens ret na kamapim FOB prais. Tasol FOB prais bilong wan wan ekspota kompani i no wankain.

Prais long dua bilong fektori (t/kg)

26-07-99

04-10-98/99

Wik i stat: 26-07-99

PARCHMENT RANGE

| AREA | ARABICA | | | ROBUSTA | CHERRY |
|----------------------------|------------|------------|------------|------------|----------|
| | CLASS 1 | CLASS 2 | CLASS 3 | | |
| NATIONAL | 150 to 300 | 130 to 245 | 150 to 225 | 130 to 150 | 65 to 70 |
| KAINANTU | 230 to 270 | -to 230 | NQ | | -to 70 |
| GOROKA | 250 to 280 | 220 to 245 | - to 225 | | -to 65 |
| KUNDIAWA | NQ | NQ | NQ | | NQ |
| MINJ/BANZ | 230 to 240 | 220 to 230 | -to 225 | | NQ |
| MT. HAGEN | NQ | NQ | NQ | | NQ |
| WAPENAMANDA | NQ | NQ | NQ | | NQ |
| LAE | 200 to 300 | 180 to 220 | -to 180 | NQ | |
| ASEKI | -to 170 | -to 160 | -to 150 | NQ | |
| MUMENG | NQ | NQ | NQ | NQ | |
| WAU/BULOLO | -to 150 | -to 130 | NQ | NQ | |
| WASU | NQ | NQ | NQ | NQ | |
| MADANG | -to 220 | -to 200 | -to 135 | NQ | |
| EAST SEPIK | | | | 140 to 150 | |
| Robusta Cherry- Indicative | | | | | N/A |

- CIC Ltd-Indastri Afeas Divisen i save bihainim dispela mak long putim aut Maket Prais olgeta wik.
- Eksens Reit: Mande US Dola T/T mak bilong mani egens Kina long PNGBC.
- 1kg. = 2.20462 lb.
- Prais bilong kopi long dispela wik ikam long prais bilong olgeta espota na prosesa long Mande wantaim prais bilong ol fiusa prais long las Fraide.
- Long kisim moa toksave long dispela, askim Indastri Afeas bilong CIC long telepon namba 732 1266.



• Mariwana o spak brus em lo i tambu long en. Tasol lo i holim pas planti lain pinis salim mariwana na kisim mani. Planti lia i mekim mani tasol plis i wok hat long holim na kalabusim ol manmeri long dispela bisnis.

Rotary Australia givim 6 wil trak

PAUL GLAUT i raitim

ROTARY Australia i givim wanpela nupela 6 wil trak we i ken wok long ol rot na karim bikpela hevi building materiel i go long ol asples long Tsunami eria olsem donesen. Ol i givim fri tasol i no sasim wanpela toea long Aitape Daiosis o Rihebilitesen Opis. Ivan na Adrian Chugg i kalap long sip wantaim dispela 6 wil trak na i kam. Ol i kamap long Aitape long Tunde Jun 22, 1999 na givim i go long opis bilong rihebilitesen bilong Aitape daiosis.

Dispela trak i gat inap spes long karim lod long ol rot nogut. Dispela trak i gat kren o winis long wok bilong building (wok bilong mekim ol haus).

Pastaim rihabilitesen komiti yusim wanpela open bek 4 wil landeruser long karim ol building tim. Sampela taim landcruser i pulap olsem rot i bagarap na i no gutpela long karim planti samting. Olsem long karim ol building materiel wanwan dispela 6 wil trak inap karim moa gutpela lod na ol landcruser i ken mekim ol narapela kain wok. Ivan i tok save long dispela trak i ken inapim ol kainkain wok.

Dispela six will draiv i gat spes we 4 wil draiv i nogat bikos wanwan will i gat wok bilong em. Sapos trak i pas long rot nogut em i gat 15 ton winch (winis) i ken pulim yu aut.

Dispela trak i gat tri tonn mita kren. I olsem wan mita inap apim tri tonn na tri mita inap apim one tonn. Taim yu go aut long 5 o 6 mita yu i no apim 5 o

600kg tasol em i gutpela long sanapim ol haus. Long apim ol lod i kam antap na long rausim i go daun.

Mipela i putim 6 o 7 tonn long dispela trak aste na i luk olsem em i gat planti spes tumas. Em bai luk olsem em inap karim 20 tonn taso nogat. I tru olsem em i gat bikpela ol wil na bikpela spes tasol motor bilong givim pawa long dispela trak em i liklik tumas.

Sapos rot long Wewak i kam long Aitape i no gutpela na dispela trak bai ron orait ol i mas draivim gut na tu dispela trak bai mas i go insait long sevis sampela taim.

Tupela bai ogenaisim ol speapats na salim i kam long Aitape daiosis woksop taim tupela i go kamap long Australia. Nau yet dispela trak i ken stap long rot na mekim ol wok bilong em.

spot wantok wiken

Minabs soka klab i no amamas long soka edministresen

VANIMO SPOT RIPOT

WANTAIM sapat i kam long ol narapela klab insait long Vanimo Soka Asosiesen, Ninabs Soka Klab i autim belhevi bilong ol. Long planti hevi ol klab i bungim ya i stap tu long Provinsel Spots Opis insait long Vanimo. Na olgeta klab insait long Asosiesen i laik lukim olsem i gat gupela wok-bung i stap namel long olgeta kain spots edministreta long gupela bilong ol spots insait long Vanimo na provins olgeta.

Eksekutiv bilong Minabs Soka Klab i tokaut tu olsem i mas gat strongpela wokbung i stap namel long Sandaun Edministresen tu i

stap wantaim ol kodineta bilong soka wantaim ol narapela spots. Na dispela tu i mas go daun i go long ol lain in go pas long ol spots insait long fil we nau i no stap.

Klab ya i tok planti soka klab wantaim ol narapela spots klab tu olgeta yia i save bungim hevi bilong nogat mani. Eksekutiv i tokaut olsem Vanimo i wanpela liklik ples tumas long kamapim mani o painim na kisim ol sponso. Olsem na wanpela rot tasol i stap em long Provinsel Spots Opis wantaim Sandaun Edministresen na Provinsel Gavman i mas kamap wantaim sampela as tingting bilong givim gupela na wankain fainensel sapat i go long olgeta spoting bodi insait long Vanimo na provins olgeta.

"Sapos dispela i no nap long kamap, mipela i kwestenim mani bilong Spots aninit long 1998 Baset i go o i stap we tru. Sapos

mani i pinis, mipela ol lain bilong soka i askim Provinsel Spots Opis wantaim ol go pas bilong Vanimo Soka Asosiesen long soim na tokaut tu long pablik. Ol i yusim dispela ol mani olsemwanem, mipela i laik save", Minabs Klab eksekutiv i tokaut.

"Minabs i sanap strong olsem dispela K400.00 registresen fi i go long Vanimo Soka Asosiesen i traipela mani tumas long kain liklik ples olsem Vanimo. We i nogat planti bisnis haus na ol narapela sponso i stap long kisim sponso. Olsem na mipela i laik lukim olsem Sandaun Edministresen tru long Provinsel.

Spots Opis na Sandaun Provinsel Gavman i helpim wanwan klab long baim hap hap mani. Taim wanem ol mani ol soka klab i gat bai i nap go olsem long baim ol klab yumifom wantaim ol narapela ekspenses ol klab i save bungim".

Minabs Klab i laik lukim Asosiesen i kamapim ol Bai Lo spos i nogat dispela ol lo i stap. Sapos i gat, Asosiesen i mas mekim kopi na givim i go aut long wanwan soka klab. Asosiesen i mas yusim gut mani bilong Asosiesen na ronim na lukaut bilong Asosiesen. Asosiesen tu i mas givim aut ripot long ron na mani bilong Asosiesen wanwan mun o long olgeta 6pela mun. Sem taim ol dispela ripot ol i mas givim i go aut long Redio Sandaun na ol niuspepa.

Ripot i tok i mas gat miting bilong Asosiesen long olgeta 3pela mun wantaim olgeta bodi i kamapim Vanimo Spots Asosiesen. Na givim taim long olgeta klab long tokaut long ol hevi ol i save bungim, na wanem samting olgeta i mas mekim long daunim ol dispela hevi.

"Wanpela bikpela hevi em i no soka tasol i bungim long olgeta wiken em long taim bilong kamap long fil, na wanem taim ol gem i mas stat na pinis. Dispela hevi i stap long 3pela grup wantaim, em long ol pilaias o klabs. Wantaim ol edministretas na referi i no save kamap stret long taim. Dispela i mas senis olsem olgeta gems i mas stat long taim na pinis stret long taim", Eksekutiv bilong Minabs Klab i tokaut long ripot bilong en.

Ripot bilong dispela Vanimo Klab i tok tu olsem Referi Asosiesen bilong Vanimo tu i no luksave tumas na bihainim ol FIFA Ruls o lo. Klab ya i tok FIFA Lo No.12 ol referi i "no save bihainim o bikos ol i no save long mining bilong dispela lo i tok wanem tru, na wanem eksen olsem referi wanpela i mas mekim".

Hagen makim anda 23 skwat

Hagen soka asosiesen i makim pinis final anda 23 soka bilong makim Hagen long nesanel sempionsip long dispela wiken lone Lae.

Kosa bilong ol John Makanda i tok em wanpela gupela tim we i ken givim het pen long ol arapela senta olsem Lae na Mosbi.

Kosa John Makanda em bilong Lae biscuit B.F.C waitaim namba tu Mukute bilong Kalam soka klab na tim menesa em Paul Jan bilong Nomads soka klab. Hia nau nem bilong ol yangpela bilong Hagen anda 23 skwat.

Kalawa William - Nomads Soka Klab

Hans Apo - Nomads Soka Klab

Michael Bonga - Nomads Soka Klab

Melvin Joe - Nomads Soka Klab

Gerry Kalo - Nomads Soka Klab

Gerad Kalang - Nomads Soka Klab

Rex Kalang - Nomads Soka Klab

Konald Kakat - Nomads Soka Klab

Berry Kapui - Pascols Soka Klab

Charles Rave - Pascols Soka Klab

Kessy Saiya - I.C Drifters Soka Klab

Philemon Saya - I.C Drifters Soka Klab

Robin Yembo - Tarangau Soka Klab

Jay Kaisa - Tarangau Soka Klab

Medicks Rabuni - Lae Biscuit B.F.C Soka Klab

Emmanuel Banzak - Lae Biscuit B.F.C Soka Klab

Josuah Rocky - Lae Biscuit B.F.C Soka Klab

David Rocky - Lae Biscuit B.F.C Soka Klab

Ungia Aiyoka - Blue Kumuls Soka Klab

Kannie Upaiga - Blue Kumuls Soka Klab

Kosa John Makanda i tok planti bilong ol dispela pilaia i no bin istap long pilai long kain tonamen olsem tasol ol bai traime best bilong ol.

Tu kosa Makanda i bilip olsem 5-pela o 6-pela pilaia bai stap insait long PNG tim sapos ol opisel i no wan sait olsem bipo.

Bipo ol i save makim ol pilai bilong Lae na Mosbi tasol long ol PNG Skwat, em i tok.



• Spot Klab long Lae i op! ... Morobe edministreta Aine Sengero i opim nupela Klab haus bilong Spot komisin long Lae. Dispela Kalb haus i bilong pulim mani bilong helpim wok bilong spot insait long kantri.

Wau i kamapim namba wan baisikol resis klab

ARI GUH DANDEE i raitim

WAU i kamapim pinis wanpela strongpela klab bilong baisikol resis na ol i kolim Wau baisikol resis klab.

Dispela klab ol i kamapim long Fraide Julai 23 bihainim tokaut ol luksave bilong ol man i go pas long kamapim Nesanel Baisikol resis long Wau long yia 2,000. Olsem na Wau i kamapim dispela klab bilong soim tru olsem ol i redi tru long holim kamap Nesanel Sempionsip long Wau. Insait long

dispela namba wan kibung bilong Wau Baisikol Resis ol i bin makim ol opisel na ol komiti bilong ronim wok bilong asosiesen inap long taim bilong bikpela resis.

Presiden bilong asosiesen em Philip Yang, Tresera Authur Yang na Seketari Charlie ol narapela ol komiti em Francis Lowe, Sinaka Yamu, Theo na Guti Kawa em ol teknik opisa. Miting i soim tru olsem i gat bikpela sapat tru bilong kirapim dispela klab na dispela ol eksekutiv i bin tokaut olsem ol bai bungim na wokbung wantaim long kirapim strong dispela Baisikol

Klab long Wau long lukluk long resis bilong yia 2,000.

Nupela presiden, Mista Yang i bin tok olsem, planti lain i save long ronim baisikol tasol i save i gat hevi long ol man i go pas long holim dispela ol wok na em salensim ol nupela opisels long lukautim gut dispela nupela spot bikos em i nupela samting tru insait long Papua Niugini na Wau we i nupela tru. Mista Yang i tokaut tu olsem em i gat bikpela amamas tru long lukim ol, ol raidas i bin kamap long dispela miting long soim sapat bilong ol long kirapim klab na dis-

pela em i bikpela samting tru bikos klab i no inap kamap nating sapos i nogat ol membas o ol pilaias.

Nupela presiden i tok, em laik tok tenkyu bilong dispela nupela baisikol resis klab i go long Wau lokol gavman kaunsil menesa bilong Wau Lokol Gavman Kaunsil menesa na givim bikpela sapat long kirapim dispela klab.

Wankain tu long ol narapela spot olsem, soka, volibal, basketbal na ragbi we ol i bikpela spot, ol liklik spot tu mas i gat luksave na sapat bilong em tu long kamap olsem ol narapela spot.

Em i tok long nau yet ol i kirapim long Wau tasol ol i gat bikpela tingting na laik tu long kamap tu insait long ol narapela ol kaunsil eria bilong Bulolo distrik.


Bikpela tingting nau em bilong traime wok hat strong tru long kamapim wanpela gupela raida long stap insait long yia 2,000 Olimpik gems.

Klab long dispela taim tu invaitim ol raidas husat i stap insait long Bulolo distrik na i laik joinim klab em i welkam tasol.

Klab fi em K5.00. Baai yu baim i go long Wau Lokol Gavman Kaunsil opis.



• Wampela primia soka tim bilong Wewak soka resis. Ol i wok strong long winim 1999 primiasip taitel bilong Wewak soka resis.



• ANTAP: Stail ragbi lig eksen i save kamap long Madang taun olgeta wiken. Dispela em wampela strongpela pilai i bin kamap long wiken.


• ANINIT: Wampela strongpela pilai i bin kamap long Wewak. Wewak taun tu i wok long paia lait long ragbi resis olgeta wiken.



• ANTAP: Momase junia tim long bipo. Planti bilong ol dispela junia pilaia bilong Momase soka klab nau i strongim klab taim sinia tim bilong ol i bruk nabaut.

• ANINIT: Susa bilong PTC na Works putim was long bal taim ol i pilai long Pablik Sevans netbal resis long las yia.





**MOSBI-
BES-
EKSEN
POTO**

OI PRL kosa i rejista, Haru i tok

POT Mosbi Ragbi Lig (PRL) i rausim ripot we i tok ol kosa bilong ol i no rejista gut na ol i nogat junia lig resis.

Presiden bilong PRL Stanley Haru i tok em i kirap nogut long lukim dispela ripot na i tok dispela toktok ino tru olgeta.

Mista Haru i tok dispela toktok i no tru bikos stori long sait bilong ol ino kamap klia yet na dispela toktok i kamaut long pablik, we i wansait toktok olgeta.

Mista Haru i tok PRL i bin baim K21,595 olgeta i go long Papua Niugini Ragbi Futbol Lig (PNGRFL) na wanpela opisa bilong PNGRFL David Gabe i bin raitim risit namba 1022 na

MOSBI LIG RIPOT

givim POMRFL long mun Me 6, 1999.

Haru i tok ripot bilong PRL i soim long Epri 30 i go long PNGRFL em 912 pilaia olgeta, 91 tim opisel na 36 referi i bin rejista pinis.

Em i tok asua i stap wantaim PNGRFL yet bikos ol i no soim dispela rekot bilong POMRFL long soim aut we i ken soim rejistresen rekot bilong ol.

Haru i tok long bung bilong olgeta presiden long Goroka long dispela yia, PRL i bin tokaut olsem ol bai ronim junia lig long skul level na ino moa olsem bipo we ol i save pilai

aninit long nem bilong ol klap. PNGRFL i bin wanbel wantaim planti arapela lig senta olsem ol i ken ronim junia lig bilong ol aninit long lukaut bilong ol sinia klap we i save pilai long lig bilong ol. Tasol Pot Mosbi i laik ronim dispela junia lig aninit long ol skul level.

Em i tok long PRL, ol i gat 14 anda 19 tim, 15 anda 17 tim, 11-pela anda 15 tim na 13 anda 13 tim i save pilai.

Mipela i pilim olsem dispela kain toktok o ripot we i nogat tru long en inap kamapim nem nogut na bagarapim wok bung wantaim bilong mipela long nesenel bodi (PNG Ragbi Futbol Lig), Mista Haru i tok.

Koiari lig klostu long fainel

KENNEDY EDENE i raitim

WANTAIM tupela moa gem stap yet bihain long fainel i stat, Koiari ragbi lig kompetisen lida Choice husat bin kisim nogut long Lakers las wik bai stretim rekot gen taim ol i pilaim Warriors dispela wiken.

Warriors husat wok long pilai gut kamap bai stretim rekot bilong ol bihain long nogut gem wantaim Pukpuks las wik. Kosa Patrik Belesi tok, bai mipela i no inap givim dispela gem isi long dispela wiken.

Mipela bin kamap gut na bai mipela i no inap pilai isi wantaim ol tim ol pesim mipela. Mi save planti ol tim ol i laik tru long winim ol na mekim nem olsem ol gat namba long winim mipela.

Las wik gem i no bin gutpela bikos ol gem pilaias Douglas Aoti na Josuha Rousi long pivot eria, tupela i no bin pilai gut.

I nogat gutpela kodinesin na bin i gat sampela gridi pilai.

Tigers husat bin malolo las wik bai traim strong bilong ol long Pukpuks.

Pukpuks stap long namba tu ples long leda bai i no inap kisim dispela gem isi na i no laikim tru long lus.


Ol fowets bilong ol olsem Henry Amuti, Philip Camilus na Jonah Oga bai wok strong long stretim fran lain na ol beks we faiv eit Momoa Nuana na Pina Boboro bai kodinetim gem.

Yangpela fowet Duai Tovoge bai stat long risev bens.

Duai bin pilai gut las wik, em bin skoarim wanpela skoa bihain em kisim bol long 10 mita bilong em na ron i kam long narapela sait na skoarim trai.

Lakers ol bai malolo long dispela wiken na ol Owls bai kisim isi tu poin dispela wiken taim ol fofitim Kongos.

Kongos em no rejistaim planti ol pilaias bilong ol.



• Simbu Angras i no mekim gut long dispela yia na ol ino gp long fainel bilong SP kap. Sans bilong ol long 2000 i gat kwesten mak. Ol i no bin pilaim las gem bilong ol egensim Goroka Lahanis long Banz.

Salens bilong West na Bulldogs long Minj

PETER MAIME i raitim

TUPELA tim West na Bulldogs bilong wanpela haus lain, Kondika, bai traim bun long Sande long lukim husat i gat laik long stap sempion tim bilong Minj lig.

Tupela tim wantaim i go pas long poin leda long lokel kompetisen. West i stap long 24 na Bulldogs i go klostu wantaim 21 poin.

Dispela gem bai kamap bipo long bikipela salens bilong SP Kap pleriminiri fainel namel long Goroka Lahanis na Mendi Muruks.

Planti manmeri bai stap long dispela taim. West na Bulldogs bai pilai go inap long las wisel bilong referi bikos planti ai bai stap long dispela gem.

West long dispela wik bai laki liklik bikos foapela pilaia bilong Waghi Tumbe bai go joinim klab bilong ol long dispela wiken.

Ol dispela pilai em Dai Tukumbi,

Jackson Mond, Amos Anderson na James Koronam.

Ekspriens bilong ol long SP Kap resis bai mekim Bulldogs i hat long stapim.

Tasol, maski Bulldogs i nogat ol biknem pilaia, ol i soim pinis olsem ol i ken pilai gutpela futbol.

Bulldogs em wanpela nupela tim tasol ol i mekim gut long dispela yia na sapim su bilong ol long daunim West long Sande.

Sapos Bulldogs i winim West long dispela gem, ol i gat bikipela sans long kamap primia bilong 1999 na go pilai long Cambridge Kap resis.

Long ol gems long las wik, planti tim i no go pilai na ol klab husat i stap long en i win long fofeit.

Spiders i fofetim Brothers, West i kisim tu poin nating long Kubor United na Bulldogs i fofetim Eastern Cowboys.

Poin leda nau i sanap olsem, West 24, Bulldogs 21, Brothers 14, Spiders 11, Kubor United 8 na Eastern Cowboys 6.

Choice kisim taim long Lakers

KENNEDY EDENE i raitim

KOMPOTISEN lida Choice kisim taim las wiken bihain long ol lus long Lakers long skoa 10-6.

Dispela lus em i no warim ol manki bilong Choice bikos ol i stap yet long lid na em tu givim sampela tingting long luksave wanem hap ol mas stretim bipo semi fainel i stat long 3 wiks taim. Choice bin givim asua long referi Peter Teine long lus bilong ol.

Ol tok bikos em i no kontrolim gem gut mipela komplek tumas na ol pilai long mipela o tim bin bagarap.

Tasol ol tok, bai tim pilai gut dispela wiken na tu planti ol tim i no pilai gut bikos long ren na i gat wara long hapsait long oval.

Lakers bin skoa pastaim bihain Degini Dick kikim wanpela penalti na kisim skoa i go

2-nil. Tasol dispela em i no warim ol manki Chocie na bihain long sampela gutpela pilai klostu long Lakers hap lok fowet Samson Nul kisim pas long faiv eit Nelson Muri na skoarim pes trai bilong Choice.

Na kikim konvesin bilong em yet na kisim skoa bilong ol i go antap 6-2 na tu sanap olsem hap taim skoa.

Bihain long seken hap Lakers ol kambek gen wantaim sampela gutpela pilai long namel long senta.

Lakers winga Tony Abavu Kamlon kisim bal namel long ol sentas Gima Koeari na Jason Yaudale na brukim Choice las difens na putim trai aninit long pos.

Gima Koeari kikim konvesin na kisim skoa i go antap 8-6.

Bihain long dispela Degini Dick kikim wanpela penalti tasol em i abrus.

Referi Peter Teina bihain

wanpela hevi takol penalaisim Choice na ol manki Choice ol i no wanbel. Ol trai long kamaut tok na komplek long rulins bilong referi.

Dispela taim lig opisels ol sasperdim gem na stretim rong em stap we. Choice i no hamamas long planti rulins bilong referi na ol opisel long noken westim taim ol apointim narapela nupela referi Albert Ugunie long kisim kontrol.

Lakers bihain kikim wanpela penalti gen na ol go antap 10-6 bihain referi Ugunie em penalaisim Choice long op sait.

Long ol narapela gem Owls 20 fofitim Panthers nil, Bears, Kongos gem em ol putim op bikos tim en ol i no rejistarim ol pilaias bilong ol.

Warriors na Pukpuks ol dro 6-6 tasol 6-pela minit stap yet na ol opisel kolim gem op. Dispela gem risal bai lig judisari tokaut long dispela wik.

Samting bilong sori long en

Kosovo, Yugoslavia: Moa long 350 Albania pipel bilong Kosovo em ol Serbia ami na gavman lain bilong Presiden Slobodan Milosevic i bin ronim na kilim ol long taim bilong hevi. Dispela em ol Albania pipel husat i bin stap yet long Kosovo taim sampela ol arapela hauslain bilong ol ronawe lusim ples olsem ol refuji i go long Masedoniana ol arapela kantri. Nau taim ol dispela i bin lusim ples olsem ol refuji i wok long go bek long Kosovo bihain long pait i pinis, bikpela sori i kisim ol taim ol i lukim olsem ol haus bilong ol i no stap. Na planti ol famili memba na hauslain i no stap. Dispela em bikos ol Serbia ami bilong Milosevic gavman i kukim ples, ol haus na kilim dai planti Albania pipel bilong Kosovo wantaim.



• Dispela em long ples Lubenic we ol mama ya, ol famili memba na ol hauslain i painim ol lain bilong ol na painim ol bodi bilong ol we ol Serbia ami i kilim na planim ol nabaut long siti na ol hap ples klostu. - *Guardian Weekly niuspepa.*

Ol ripot i tok samting i kamap long Kosovo em i nogut tru long histri bilong ol trabel na kilim dai man. Ol Serbia ami i bin ronim planim handred Kosovo Albania man, meri, ol pikinini na ol bebi na sutim dai ol nating, wantaim nogat marimari long ol. Ol dispela we i bin stap laip na ronawe i bin autim ripot long dispela samting. Ol i tok maski long nait, ol Serbia ami i bin yusim tos long painim ol pipel husat ol i kilim na plan-

im long ol mes grev o wanpela hul tasol we ol i tromoim planti bodi bilong ol dai man i go long en. Ripot i tokaut tu long tupela yangpela meri Albania husat i stap laip bihain long ol Serb ami i kilim dai bilong wanples bilong ol Lubenic na ol i autim ol toktok long dispela samting. Arbnesha Hushkaj

husat i gat 25 krismas na gelpren bilong em na papa tu bilong em i stap lai bikos ol bin giaman dai na slip long ais na lukluk hait i stap long faivpela awa taim ol Serb ami i kilim dai 11-pela memba bilong neiba famili bilong em.

"Lek bilong mi na gelpren Ganimeta Shabanaj i bin

pas wantaim na long faivpela awa, mipela i slip dai long ais na mipela i no wokim wanpela toktok. Wanpela taim, wanpela soldia i kam klostu long mipela. Em i wok long paiarim gan na sut nabaut yet na mi ting bai mi pulim lek bilong em sapos em i sanap antap long mipela. Tasol em i pondaun

long sait na poroman bilong em i singautim em long wok-abaut i go yet. Na ol i paia yet taim ol i go. Ol bin painim samting olsem 80 dai bodi long wanpela hap bilong vilij. Huskaj i bin ronawe lusim ples wanpela wik bihain ol ami i ranim ol pipel long ples. Planti i bin ronawe i go long ol maunten eria na sampela i go long Montenegro, long narapela sait builong boda. Planti bilong ol em ol ami i sutim ol i dai taim ol i wok long ronawe. Meri ya i tok taim em na gelpren i hait long wanpela haus bilong wanpela jipsi famili na lukim ol Serb soldia i rausim klos bilong tupela yangpela meri na bagarapim ol.

Michael Stechow husat i wanpela loya bilong Yunaitet Nesens i kisim ol ripot, ol piksa na stori husat i wok long helpim ol refuji i painim ol famili memba na hauslain bilong ol i bin lus long taim bilong pait long Kosovo.

nau ol investigesen grup bilong Yunaitet Nesens, FBI, ol humen raits grup na ol arapela atoriti i mekim ol wok painimaut long dispela samting. Nau ol grup ya i wok long redim ol ripot long sasim Presiden Milosevic long ol wo kraim o ol bikpela bagarap egensim humen rait em i mekim insait long pait na hevi long Kosovo.

Israel promis long stretim hevi long Wes Beng

Israel: Praim Minista bilong Israel, Ehud Barak i givim strongpela toktok long Yasser Arafat bilong Palestina olsem Israel bai kisim bek ol soldia bilong em long wanpela hap bilong Wesbeng, hap graun we tupela sait i wok long pait long en. Em i tok dispela samting bai i kamap taim ol i wokim ol toktok long kamapim gutpela sindaun long Midel Is.

Praim Minista Barak i wokim dispela toktok insait long wanpela bung we em i stap long en wantaim Presiden Bill Clinton bilong Amerika na ol Edministresen na Kongres memba. Em i tok i nogat samting long wet long en tasol gavman bilong em bai go het na stretim dispela samting wantaim neiba bilong em Palestina.

Long dispela wokabout bilong Praim Minista Barak i go long Amerika, em bin kisim tok promis long Amerika i givim moa helpim long sait bilong militeri, ol jet feita balus na strongim tu ol wok sekyuriti namel long tupela kantri. Amerika i sapotim ol wok bilong painim gutpela sindaun long Midel Is na wanpela taimtebol we Mista Barak i putim 15 mun long kamapim dispela namel long Israel, Palestina, Siria na Lebanon.

Long Gaza we nau atoriti bilong Palestina i karamapim, Mista Arafat i tok ol no nidim dispela 15 mun taimtebol. Em laikim bai ol pis akod o toktok bilong kamapim gutpela sindaun long Wes bengwe ol bin kamapim long Wye Riva, Amerika las yia long mun Oktoba namel long Israel na Palestina i mas karim kaikai kwiktam. Insait long en, ol bin tok long Israel i givim bek 13.1 pesen graun long Wes Beng. Narapela samting em laik bai ol i lukluk kwik long en em go hetim ol samting we i karamapim futja bilong Jerusalem na Palestina long kamap olsem wanpela stet em yet.



Trabel long Iran ... • Iran: Blut i kapsait hia taim ol raiot plis i paitim ol yunivesiti sumatin long Tehran, Kapital siti bilong kantri Iran long Pesien Galp. Antap long ol arapela senis we ol i laikim gavman long kamapim, ol sumatin i laikim moa demokrasi na pres fridom insait long kantri. Tupela wik i go pinis, gavman i bin pasim wanpela niuspepa kampani bikos em i wokim sampela toktok gavman i no amamas long en. Tu bihbainim dispela, gavman i putim moa kontrol long ol niuspepa na ol arapela midia insait long kantri. Ol sumatin long Tehran yunivesiti i bin karimaut ol protes mas na i gat ol ripot olsem ol arapela yunivesiti insait long kantri i bihainim ol. Na ol raiot plis na ol sapota bilong lotu Islam i no isi long traim stapim ol sumatin husat planti i kisim bagarap long tiages, ol plis na ol sekyuriti fos lain i papaitim ol na sampela moa tu i dai taim ol plis i sutim ol. Wankain trabel i bin kamap long Iran long 1997. - *Guardian Weekly niuspepa.*

Yunaitet Nesens no wanbel long bikpela mak namel long ris na puo

UIMO Putim wantaim mak long tripela ris famili long wol na bai yu lukim olsem em inap long mak bilong 600 milien pipel long ol puo kantri husat i nogat planti samting long wol, wanpela Yunaitet Nesens ripot i tok.

Ripot i tok dispela samting i no luk gut long wol piksa we i gat planti man i puo na liklik lain tasol i gat planti samting. Tripela ris famili we i gat nem long wol em namba wan em long mali milienia papa bilong Maikro Sof kompyuta kampani Bill Gates famili, namba

tu em Walton famili husat i papa bilong Wal-Mart empai na namba tri em Saltan bilong Brunei. Namel long tripela, ol i gat US\$135 bilien. Na dispela i no kaunim ol planti milien moa we i stap yet na ol wanwan man i papa long ol, UN ripot humen developmen ripot i tok.

Ted Turner, bilienia papa bilong biknem CNN telivisen stesen long Amerika i tok pasin long global wol o wol i bung na kam wantaim i wok long kamap kwiktam tasol luk-save long dispela i no kamap kwiktam.

Yunaitet Nesens i mekim singaut long ol atoriti i raitim gen ol lo we i karamapim ol ikonomi bilong wol long traim daunim pasin bilong sampela man tasol long wol i ris taim planti moa i nogat.

Ripot i tok insait long las pela foapela krismas, 200 top ris pipel long wol i dabelim ol samting bilong ol na i ovarim bilien mak tasol mak bilong ol dispela we i save stap long wanpela dola insait logn wanpela de i no senis na i stap long 1.3 bilien mak yet. Liklik lain ris pipel i i save yusim 86

pesen long ol samting taim klostu long 75 pesen long ol telipon lain, ol nupela teknoloji olsem Internet i stap long ol strongpela na ris kantri long Wes.

Kantri Kanada i stap namba wan long wol long gutpela kwaliti bilong laip we ol pipel bilong em i gat, Humen developmen ripot bilong UN i tok taim Siere Leone, wanpela kantri long Afrika we pait na hevi i stap long en i stap laspela long lista.

Long daunim ol dispela hevi we ol ris lain i kamap moa ris na

ol puo kantri i wok long go daun, UN i kamapim sampela rekomendesen. Wanpela em long foming wanpela intenesenel forum bilong ol bisnis, tred yunien, envaironmen na developmen grup long daunim Grup bilong Seven Industri. Kantri long wol i pulim moa pawa yet, long we ol mali nesenenel kampani i mas bihainim na kamapim wanpela intenesenel ligel senta bilong helpim ol puo kantri long na ol ken stap insait long global tred negosiesen.

Balus birua kilim 17 pipel

Fiji: Birua bilong wanpela liklik Air Fiji baius long las Sarere i bin kilim dai olgeta 17 pela pipel long en.

Dispela em nogut birua bilong balus we Fiji i bungim insait long aviesen histri bilong en.

Ol ripot i tokBalus i bin bungim bagarap taim em iwokim haf awa ron long Nasouri ples balus long Suva i go olsem long intenesenel bles balus long Nadi. Em bin pondau long bikpela bus long Namosi eria. Ol Biurea EaSefti lain bilong Australia wantaim ol lain bilong Fiji yet i karimaut ol wok painim long dispela birua nau. Ol helikopta i go long bus na maunten eria we birua i kamap long en na kisim ol bodi bilong ol daiman na bringim ol i go long Suva haus sik na bikpela aisbokis we ol i putim ol bodi long en.

Ol i tokaut long nem bilong ol daiman olsem eitpela lain i bilong Fiji, sikspela em ol Australia, wanpela bilong ol em miks Fiji na Australia, wanpela saina, wanpela Nu Silan na wanpela Siapan. Nem

bilong wanpela mama Australia husat i save wok long Quantas balus kampani wantaim liklik pikinini meri een em Sarah Gidney husat i gat 32 keismas na Alexia em liklik pikinini husat, i gat tupela kismas. Tupela mama i bin limbur lukim ol pren bilong ol long Fiji na ol i wok long go bek. Tripela lain Australia em ol Aid woka long Tonga na nem bilong ol em Clare Bleakley 44 na Ray Lloyd 42 na dispela hapkas man Australia na Fiji i save stap wantaim famili bilong em long Suva. Tupela i save wok wantaim AusAID lognTonga tasol ol bin go wokim wanpela kos long Suva na ol i laik go bek long Tonga na ol i painim birua na dai.

Sief Eksekutiv bilong Air Fiji Ken McDonald i tok taim nogut i bin kamapim birua. Tupela pailot em ol i gat gutpela save long wok bilong ol na ol bin sekim balus long narapela de tasol bipo long birua.

Em i tok Namosi eria em wanpela bikbus eria na em i stap long maunten hap.

Gavman les long toktok wantaim ol Aceh paitman

Indonesia: Gavman bilong Indonesia i tok em bai no inap long toktok wantaim ol rebel paitman bilong Aceh provins we i stap long wes Indonesia husat i laikim bai provins i bruk lusim kantri na kamap independen.

Hevi i wok long kamap bikpela long Aceh tasol ol ripot i tok Jastis Minista Muladi i sanap strong olsem gavman i no laik toktok wantaim ol dispela lain.

"I kam inap nau, mipela i nogat tingting long toktok wantaim ol rebel paitman grup bilong Aceh," Jakarta Post niuspepa i tok.

Mista Muladi i tok situesen bilong Aceh i no wankain olsem dispela bilong Is Timor bikos Aceh we i stap long noten hap bilong Sumatra Ailan i bin wanpela koloni bilong Holan na em i bin hap bilong Indonesia taim kantri i kisim independen long 1945. Potugel i

bin lukautim Is Timor inap long 1975 taim Indonesia i tekova. Mista Muladi i tok gavman bai salim wanpela grup long traian stapim ol hevi long Aceh. Hevi i bin go bikpela long Aceh long mun Me bilong dispela yia tair: amni i sutim dai 41 pipel. I kam inap nau, moa long 100 pipel we i gat long en ol ami na ol manmeri na pikinini i dai insait long ol trabel long Aceh. Na moa long 80,000 pipel i ronawe lusim ples bilong ol.

Ol rebel paitman bilong Aceh we ol i kolim ol yet Fri Aceh Muvmen i wok long pait long independen stat yet long 1976. Ol i kilim dai pinis 24 soldia long las mun, ol ripot i tok.

Ol i salim pinis 600 nevilain long eria bilong was long nambis eria bilogn Aceh long traian stapim ol lain husat i laik kisim ol samting bilong pait i go long provins.



Is Timor pipel redi long referendum vot ... • Maski sekyuriti i no gutpela na ol Indonesia ami wantaim ol sapota bilong ol i pretim ol, ol pipel bilong Is Timor husat i laikim independens i sanap strong yet olsem dispela piksa bilong Guardian Weekly niuspepa i soim. Ol Is Timor manmeri i sanap long lain bilong rejistaim o putim nem bilong ol long redi long vot bilong referendum neks mun. Moa trabel long sait bilong sekyuriti i kamap na Jenerel Seketeri bilong Yunaitet Nesens Kofi Annan i bin stapim taim bilong rejistresen long tupela wik. Bihainim ripot bilong ol lain i makim Yunaitet Nesens long graun long Is Timor, em bai glasim na skelim situesen na sekyuriti na lukim sapos vot bai i kamap long Ogas 8 o em bai skruim taim i go moa yet.

Ol planim bodi bilong Kennedy Junia, meri na susa long solwara


Ol famili memba bilong John F Kennedy Junia, meri bilong em Caroline na susa Lauren Bessette i bin bung na lukluk wantaim sori na krai long nevi sip taim wanpela bras ben i pilaim singsing lotu na ol i tromoim ol es (sip) long bodi bilong tripela husat i bin dai taim liklik praivet balus bilong John Junia i pondau long solwara bilong Marthas' Vineyard klostu long Massachusetts, Nu York las wik.

Ol US Kosgad lain husat wantaim ol plis, nevi na ol famili memba na ol arapela atoriti i bin wok hat tru long painim ol bodi na bihain klostu long wanpela wik, ol Kosgad lain na nevi ipainim ol dai bodi bilong tripela long las wik Fonde.

Ol ripot i tok Kennedy Junia i bin pailatim singel enjin Paipa Saratoga balus bilong em long Nu Jersey taim em i go daun long long ol reda masin, 27 kilomita longwe long Marthas Vineyard ples balus. Ol balus ripot i tok balus i bin go daun na i bin asua bilong John Junia bikos em i no wanpela eksperiens pailot tu. Ol ripot bilong ol dokta i tok tripela i bin dai kwiktaim tasol taim birua i kamap.

Nevisip i bin yusim robot kompyuta masin long glasim roda bilong solwara na painim bodi bilong tripela, 35 mita insait long solwara klostu long nambis bilong Marthas Vineyard.

Long dispela wik Mande, ol Kennedy famili na hauslain i bin bung na krai na tingim pikinini bilong ol long Massachusetts kompaun bilong ol. Ol bin wokim Misa Lotu long ol tu we ol bikman, ol famili memba, ol pren na hauslain bilong tupela famili i bin stap long en. Amerika i bin gat bikpela sori



• Fleg bilong Amerika i flai long hafmas long fran bilong Kennedy kompaun bilong soim rispek o luksave long dai bilong wanpela famili memba, John Junia, pikinini bilong leit Presiden John F Kennedy, las wiken. Fleg i bin stap olsem inap long nait na ol i daunim.

long dai bilong John Junia we ol i kolim em olsem yangpela man we i soim gutpela piksa long nesen.

Wanpela pren bilong Bessette famili i bin tok tupela John Junia na meri bilong em Caroline i bin gutpela poroman tru na ol bai tingim tupela na simpel laipstail we ol bin gat taim ol i stap laip. Tripela i bin dai taim ol i laik go long marit bilong kasen, Rory Kennedy, pikinini bilong Seneta edward Kennedy em

ankel bilong John Junia. Eria long solwara we ol i tromoi ol es (sip) bilong tripela em ol i putim tambu long en. Em i stap long hap nambis long kompanu bilong ol Kennedy hauslain long Hyannis Port, Massachusetts. Ol i wokim dispela pasin long planim bodi bilong tripela long solwara long bihainim laik bilong John Junia na papa bilong em husat i bin gat bikpela laik long solwara.

LAI PSTAIL

Birua i noken daunim mi

MASTA WAI i raitim

YUMI i mas gat strong na bilip long go het wantaim laip, maski birua na hevi i bungim laip bilong yumi.

Dispela em bikpela toktok bisop bilong Aitape long Wes Sepik provins, Bisop Austen Crapp i mekim long misa (lotu) bilong em tupela wik i go insait long ol ples i bin kism bagarap long bikpela birua bilong solwara long Julai las ya.

Bisop Austen Crapp i tok, maski birua i kam, hevi i daunim yumi, wari i kamap, tasol yumi olsem bilip manmeri i mas gat dispela bilip na strong insait long bel bilong yumi long daunim ol dispela hevi na wari na go het long stretim sindaun na laip bilong yumi i go het yet. Yumi mas wok strong yet long stretim ol haus, famili, ples, gaden na ol samting bilong yumi gen na go het long laip bilong yumi. I tru bai yumi tingim ol dispela hevi na bel bilong yumi bai bruk na aiwara bai i pundaun yet, tasol yumi no ken pundaun na tok, mi inap nau, olgeta samting bilong mi i bagarap pinis, mi nogat hap long go nau, mi mas dai wantaim ol famili bilong mi, mi no inap mekim wanpela samting moa. Ol dispela kain tingting bai tru tru i pinisim yumi sapos yumi larim dispela i kamap tru.

Long stori bilong buk baibel, yumi harim olsem taim Jisas i stap wantaim ol disaipel bilong em, ol i gat strong long mekim ol samting. Taim ol soldia i kilim Jisas, ol disaipel i pret bikos dispela strong bilong ol i pundaun na ol i go hait nabaut. Taim Jisas i kirap bek na go bungim ol, em i tokim ol disaipel olsem, yupela i noken pret. Yupela i gat wok bilong mekim. Yupela i mas go aut na autim gutnius long ol manmeri na mi bai salim Holi Spirit long strongim yupela.

Olsem na Jisas yet i soim dispela piksa olsem maski hevi na birua i kamap, noken givap na lusim wok bilong yupela. Yumi mas go het yet long mekim wok bilong yumi. Sapos yumi mekim olsem, yumi ken soim tru dispela kristen bilip bilong yumi.

Laip bilong yumi ol manmeri i nogat stop bilong em. Ating yumi ol manmeri i kamap bikos yumi mas mekim wok bilong kirapim komynuniti, helpim narapela, serim samting, singsing na pilai na amamas, kaikai na amamas, kamapim gutpela famili na go het long laip inap lapun i painim yumi na yumi go daun na ol nupela pikinini i kamap na kism ples gen. Maski wanpela hevi i bungim kaikai olsem bikpela san na kaikai i sot, yumi mas wok hat yet long painim sampela rot bilong kism kaikai. Bikos hevi bilong kaikai i noken bagarapim komynuniti, o pasin bilong singsing na lap na amamas, o pasin bilong toktok wantaim arapela na serim samting na kamapim gutpela komynuniti na famili. Sapos wanpela memba long famili i dai, dispela hevi i noken bagarapim gutpela sindaun bilong yumi long komynuniti na famili na we yumi i mas sindaun na singsing na lap na amamas wantaim narapela na serim ol samting i go i kam. Olsem na wanem hevi long wanem sait i noken bagarap narapela gutpela samting long laip bilong yumi.

Olsem Bisop Austen Crapp i tokim ol manmeri bilong Sisano, Arop na Warupu long Aitape long bikpela lotu bilong tingim ol famili na ol lain i bin lus long bikpela bagarap bilong solwara, laip i mas go het yet. Yumi no ken lukluk i go bek, yumi mas lukluk i go fowet.

I gat wanpela sain ol i raitim long ples lotu we Bisop Austen Crapp i sanap na autim toktok long en. Dispela hap toktok em olsem, Tenkyu God long Givim Nupela Laip. Olsem na yumi ken luksave olsem, maski olpela laip bilong aste i bungim hevi na aste i karim i go pinis, nupela laip bilong tumoro bai i kam na yumi mas redi long go fowet na bungim dispela nupela laip bai i kam long tumoro. Olpela laip em bilong aste. Nupela laip em nau yu lukim na tumoro bai kism i kam.

Papa bilong mi i bin lus long Epril 1998. Dispela taim liklik boi bilong mipela i stap long hai skul na tu mipela i nogat planti samting olsem mani na kago. Mi paul tru bai mipela i baim skul fi bilong liklik boi bilong mipela olsem wanem. Mi ting papa bilong mipela i lus na bai liklik boi bilong mipela bai i hat long skul fi. Mi lukluk raun long sait bilong famili bilong mi tasol mi no lukim wanpela rot bilong kism helpim i stap. Na mi yet i putim dispela hevi i kam bek long han bilong mi na mi tok, mi bikpela pikinini man long famili olsem na mi mas strong na baim skul fi bilong liklik manki bilong mipela. Nogut bai lapun mama i wari na tingim papa olsem papa i save stap na olgeta samting i save go stret. Olsem na tripela krismas mi yet i wok long baim skul fi bilong liklik manki ya i kam na neks ya bai em i pinisim gret 10 bilong em.

Nau wanpela bikpela laik bilong mi em long wokim gut haus bilong mi wantaim mama bilong mi na liklik susa na brata na meri pikinini bilong mi long ples. Yu save olsem yu mas i gat K10,000 o K15,000 long wokim wanpela bikpela haus bilong ol famili bilong yu long ples. Mi pilim olsem mi nogat dispela kain mani long pasbuk bilong mi. Tasol mi bai wokim dispela haus bilong famili bilong mi olsem wanem?. Mi no givap yet bikos dispela tingting i stap strong yet long het bilong mi na mi save tingim olgeta taim.

Mi bin lukim wanpela mama we man bilong em i dai na em i stap wantaim tupela pikinini boi bilong em. Long 1997 bikpela pikinini man i dai long ka eksiden na brukim tru lewa bilong dispela mama. Dispela mama i save stap oltaim wantaim wari wantaim liklik pikinini man bilong em. Tasol dispela i no stapim em long wokim gaden na painim kaikai. Dispela i no stapim em long raun lukim ol arapela famili bilong em na toktok amamas wantaim ol. Tingting bilong lapun meri i smat na klia yet long toktok na mekim samting, maski em i bungim dispela hevi long laip bilong em. Em i mas go het yet long laip inap lapun i bungim em na strong bilong em long mekim wok na amamas i pinis olgeta na em i ken dai isi tasol wantaim amamas.

Sapos yumi lukim laip bilong ol enimol olsem kau. Yumi save olsem kau i save karim wanpela pikinini tasol olsem yumi ol man long wanwan taim. Taim mama



• **Tupela brata Mathias koizi wantaim Maybe Kumbiai bilong Kobum Villes, Bundi, Madang i redim wanpela wel-pik ol i kilim long bus. Sapos bus bilong yupela i stap yet bai i gat planti ol wel-abus, pisin, bataflai na arapela samting tu istap insait long en.** Foto: Steven Gimbo

kau i karim wanpela pikinini, em i lukautim em wantaim susu i go em i bikpela liklik na raun long em yet, orait mama kau i lusim pikinini i raun long laik bilong em. Taim ol man i laik kilim mama kau, bai yumi lukim olsem pikinini kau o man bilong dispela kau meri bai straik na i laik brukim banis o kam ronim ol man. Em bai bamim het bilong em long pos bilong banis na traim brukim banis. Em i laik soim belhat bilong em long famili bilong em husat i stap long birua. Taim dispela mama kau i dai pinis na yumi ronim olgeta arapela kau i go nabaut, bai dispela pikinini bilong kau o man bilong dispela kau meri bai i go olgeta na i no inap tingim na kam bek long wokim birua o stap long sori na wari. Taim em i lukim birua i kamap, em i go aut na join wantaim ol arapela kau na ol i go painim ol ples bilong kaikai gras na dring wara.

Dispela em wanpela tok piksa mi mekim long kau. Tasol yumi ol man yumi-gat klia tingting winim ol enimol na yumi ken mekim samting i stret. Yumi save long nogut na gutpela. Yumi save long pilim, smelim, lukim, testim swit o sawa, pulim win na kru long het i save skelim gut olgeta samting pinis na

gimv oda long wanwan hap bilong bodi long mekim wok.

Yumi ol man i gat moa save na tingting winim ol enimol na yumi ken glasim gut, skelim gut na mekim samting long lukautim gut laip bilong yumi na ol famili bilong yumi wanwan.

Toktok bilong Bisop Austen Crapp i tok, maski ol famili na lain bilong yumi i lus long bagarap bilong bikpela solwara long Aitape, ol pasin bilong yumi i no ken lus. Ol gutpela pasin bilong sevim yumi yet na arapela i mas stap laip yet. Pasin tumbuna olsem kalsa i mas stap laip yet. Yumi mas paitim kundu, singsing na danis yet. Yumi mas sapim kanu na wokim haus gen na wokim gaden gen na go pulim pis long solwara gen. Laip yumi save bihainim na stap amamas long en i mas kam bek gen na yumi no ken pret o wari na ronawe na lusim ol dispela samting. Bikos ol dispela pasin bilong yumi bai kism yumi i go het na nupela laip bai kamap gut bihainim ol dispela pasin yumi holim yet wantaim yumi.

I tru planti papa na ol lapun i lus long solwara, tasol wanem save yumi i gat yet long sapim kanu, wokim haus, pasin tumbuna na

arapela moa, yumi mas kirapim gen na skulim ol yangpela pikinini bilong yumi bai dispela pasin i kirap strong na stap laip gen. Maski ol mama i lus long solwara, wanwan mama i stap i mas lainim ol yangpela meri long wokim gaden, wokim basket, kukim kaikai, lukautim haus na arapela wok bilong ol meri. Sapos wanpela o tupela viles lida o kaunsel i lus long birua, orait ol pipel husat laip nau i mas makim nupela lida gen. Putim olgeta samting i kam bek gen.

Long Papua Niugini, planti birua o bagarap i bin kamap pinis olsem maunten i paia long Matupit long Rabaul, maunten i paia long Manam long Madang provins, graun i bruk na karamapim ples na ol manmeri long Makam long Morobe provins, ais i pundaun na kukim olgeta kaikai long hailans, solwara i tait i kam na brukim ol haus na ples long Milen Be provins, wari i tait na i go brukim ol haus na ples na olgeta samting long Westen provins. Tasol taim ol dispela hevi i pinis, ol manmeri i go kirapim bek ples na stretim gen ol samting na laip bilong ol i go het gen long wok na sindaun bilong ol long ples na komynuniti bilong ol.

I no yu tasol

PETER MAIME i raitim

Laip em spesel

LAIP bilong ol pipel em bikpela samting.

Taim mama i karim wanpela nupela pikinini, em i save givim susu na lukautim em gut. Maski dispela pikinini i liklik, pat, sot o longpela.

Ol papa tu i save stap sambai long givim sapat long ol pikinini taim ol i gro i kam antap.

Taim ol pikinini i kamap bikpela, ol bai kisim ples bilong papa mama bilong ol. Ol meri bai go marit na kamapim nupela famili long ples bilong man bilong ol. Ol pikinini man bai kamapim famili na stap long ples bilong papa.

Olgeta manmeri i laikim laip bilong ol yet. Ol i save was long dispela laip bai birua na sik i no bungim ol. Dispela kain laik wanpela man o meri i gat long en, em olgeta manmeri i gat.

Taim ol man o meri i yangpela yet, ol i no laik bungim indai hariap. Ol i laik stap i go lapun pastaim na ol i ken indai.

Olgeta manmeri i gat rait long stap laip. Sapos olgeta man, meri o pikinini i gat rait long stap laip, orait olgeta manmeri tu i gat wok long respektem laip bilong narapela man o meri.

I no yu tasol, tingim narapela

Las mun, long Sarere mi bin raun long Gordens maket long Mosbi. Dispela taim em san i laik go daun na planti pipel i bin kam bung long dispela taim.

Ol mama i sindaun na salim buai. Sampela ol hailans i lainim ol tebol na salim ol simuk olsem Cambridge, Winfield, na Kool arere long banis bilong maket.

Ol lain husat i salim kaikai i stap long narapela banis bilong maket.

Wanpela bikpela grup i bin harim toktok long wanpela man i givim skul bilong lotu. Planti man, meri na pikinini i bin pulap long dispela taim.

Long dispela taim sampela sapak man tu i bin stap. Wanpela o tupela man i karim botol bia na dring long maket. Ol dispela man i luk olsem ol bilong hailans. I long taim, ol sapak man ya i kirapim pait namel long ol yet. Ol mama husat i salim buai i sanap na laik redi long ron.


Planti ol man i kam pulap na glasim ol spak man ya i pait. Bihain wanpela man i kam na stapim pait bilong ol.

I no long taim, wanpela bilong ol dispela spak man i go pait wantaim narapela spak man gen. Wanpela bilong tupela man ya i kisim blut. Bihain narapela brata i kamap na askim ol lain long maket long husat tru i givim blut long brata bilong em.

Dispela spakman i panim husat i paitim brata bilong em, tasol, em i no painim. Orait em i go insait long maket na bagarapim ol kaikai ol arapela manmeri i salim.

Taim dispela spak man i bagarapim ol kaikai ol manmeri i salim, em i kam autsait na malolo liklik. Bihain em i go insait na bagarapim ol samting long maket gen. Em i kam stap malolo na go gen namba tri taim.

Pasin bilong bekim bek



• Ol sampela bikman long Is Sepik provins i kisim win bihain long bikpela de wok ol i mekim long Wewak taun.

Long namba tri taim, wanpela man husat i salim kaikai i stap i belhat na ronim dispela spak man wantaim wanpela hap lek bilong tebol.

Bang! Em givim stret long dispela man husat i bagarapim maket. Man ya i pundaun krangi long kolta.

Dispela man wantaim lek bilong tebol i go ronim narapela man husat i poroman wantaim dispela spak man husat i pundaun. Dispela taim pait i go bikpela na ol man i ron i go i kam.

Ol PMV bas tu i painim rot long go aut bikos pait i go kamap long bas stop.

Mi tu i ronowe i gc pinis na mi no save wanem samting i bin kamap bihain long dispela taim.

Skelim pasin

Planti samting long lainim long kain pait i save kamap long pablik ples.

Maket i no ples bilong dring bia. Lo bilong kantri i tambuim ol dispela kain pasin.

Tru, i nogat wanpela man o meri i ken stapim narapela long dring bia, tasol taim ol man i dring ol i mas mekim samting long stretpela we. I gat rot ol i ken dring gut na respektem laip bilong narapela man. Taim ol man i spak, dispela i no min olsem bia i givim pawa o tok orait long wanpela man i ken

go na bagarapim maket bilong narapela man o meri.

Laip long siti i hat, na ol manmeri i save painim 10 toea o 20 toea long liklik samting ol i save salim long maket.

I tru, taim ol man i bikhet na bagarapim yumi, yumi laik bekim bek. Tasol yumi mas mekim long sampela gutpela we dispela man i ken luksave long ol rong em i bin mekim.

I no gutpela long ron wantaim hap lek bilong tebol na hamarim ol man olsem wanpela pik o dok.

Pasin bilong repektim laip bilong narapela i mas stap oltaim long laip bilong yumi.

Wanpela i lus na narapela i mas win

Sampela wik i go pinis, Mendi Muruks SP Kap ragbli lig tim i bin pilai wantaim Pot Mosbi Vipers long Mosbi. Ol Vipers i bin pilai gut tru na mekim ol Muruks i painim hat long skoa.

Bihain ol Muruks pilaias i laik kirapim pait wantaim ol Vipers. Long dispela taim olgeta samting i go nogut.

Ol sapatas bilong Muruks i go insait na paitim ol pilaias bilong Vipers. Planti pilaias bilong ol Vipers i kisim bagarap. Ripot i tok wanpela man Sauten Hailans tu i bin indai long dispela taim.

Long kain pilai olsem, wanpela tim i win na narapela tim bai lus. Taim wanpela tim i lus, ol sapatas i mas redi long kisim dispela lus na i noken belhat na kirapim trabel.

Ol sapatas i nogat wanpela rait long go insait long fil na paitim ol pilaias.

Ol sapatas tu i nogat rait long paitim sapatas bilong narapela tim. Sapos i gat respekt long laip bilong narapela man, ol i no inap long bagarapim ol pilaias bilong Vipers. Tu dispela Sauten Hailans man i no inap long dai.

Long Papua Niugini tude, i luk olsem planti manmeri i lusim respekt long laip bilong ol pipel.

Noken king long raskol pasin

Planti meri tu i save kisim bagarap long han bilong ol man nogut. Ol man i save bungim indai long han bilong ol narapela man.

Kain samting olsem i kamap, ol man i no save sori long ol rong ol i mekim.

Ol man nogut i save putim het bilong ol antap olsem king bilong mekim ol raskol pasin.

Dispela kain pasin i mas gutpela long ol, tasol i no gutpela long ol famili na lain bilong ol man o meri i kisim bagarap. Ol i save stap wantaim pen na belhat.

Olgeta man o meri i gat rait long stap fri long amamas wantaim laip

bilong ol. Ol narapela man i nogat rait long mekim birua.

Kamap pren bilong olgeta

Em i gutpela pasin long mekim pren wantaim narapela manmeri na stap bel gut wantaim ol.

Sapos nus bilong yu i laik go longpela, orait sotim wantaim smail bilong yu. Sapos maus i go antap, opim na soim waitpela tit bilong yu.


Belhat na bikhet bilong aste i no ken karim i kam long neks de. Dispela kros bilong aste i mas pinis wantaim tudak. Nupela san long moning mas kirap wantaim nupela laip.

Maket i no ples bilong dring bia

Yu pilim olsem yu wanpela bilong ol i save karim botol bia na dring long maket, yu mas lusim. Bia i no nupela samting, olgeta man long wol i save dring long en.

Sapos yu laik kirapim pait, lus tingting, yu no inap senim dispela graun wantaim pait bilong yu. Sapos yu no save amamas long ragbi gem, lus tingting. Ragbi fil i no pilai graun bilong trabel pait.

Laip em bikpela samting. Em i mas kisim olgeta ona na respekt long dispela graun.



Rot we pawa i lus

provins. Tiyosali Lapa i stap long ples Kauwo na em lukautim wanpela bikpela pik.

Em tingting planti long salim dispela pik na kilim bek pawa long narapela man, Konge Yawa. Em i go na salim dispela pik na kisim bek pawa i kam na putim long haus bilong en.

Wanpela taim em i go long bus long ples ol i kolim long Komueni na kilim kapul na karim i go long ples Pariya. Em i salim na em i kisim wanpela liklik pik.

Na long rot em lukim wanpela yanpela meri i kam na tokim em

olsem, "bos Yukowe na Tiyobali Lapa i tok yet long mi kam lukim susa Megomena salim kampul long ples Paria.

Na Megome i tok, "man yu painim wanem samting na yu ron i kam? Ol pik em mi gat long haus i stap.

Orait, tupela wokabout i go long rot na putimpawa long lek bilong meri Megome ya. Na tupela i holim pas na slip long haus.

Tasol dispela em no meri nating, nogat meri ya em i masalai meri ya. Em bin giamanim man

ya na lusim em long haus.

I go i go na man ya i painim meri ya, nogat.

Em i kirap rausim haus tu na nogat. Em i dikim graun to nogat na em krai na em i stretim wanpela diwai long lip bilong en ol i save kolim Koipo olsem dispela yu lukim i stap we Tibali Lapa i mekim long meri Megome tasol, nogat. Meri ya na pawa i lus olgeta.

**Mista J. Lengep K
Kauwo Viles
Pangia, SHP**



Nem: Jerry Taboi

Krismas: 19 (man)

Adres: P.O. Box 936, Yawasoro Block, Wewak, East Sepik.

Save laikim: Wok gaden, pilai soka, volibal, go lotu, raun wantaim ol poro na serim samting wantaim ol narapela.

Nem: Nenza Mine

Krismas: 20 (man)

Adres: P.O. Box 923, Togulo Division One, Kimbe, WNB.

Save laikim: Laik raitim ol pas long pren, raun long nambis na waswas long solwara na raun long Kimbe taun.

Nem: Jude Gawi

Krismas: 19 (man)

Adres: Jude Gawi, P.O. Box 809, C/o - Joe Dambai, Toba Motors, Wewak, ESP.

Save laikim: Raitim pas long ol prens, na senisim poto wantaim ol, stori na tok pilai wantaim ol wanwok na waswas long solwara.

Nem: Rocks Zeng

Krismas: 18 (man)

Adres: Kolulu Trading, P.O. Box 4, Wau, Morobe Province.

Save laikim: Pilai soka, sindaun wantaim pren, tok pilai na raun wantaim gel pren long PMV bas.

Nem: Arthur Obe

Krismas: 18 man

Adres: St Francis Church, P.O. Box 107, Wewak, ESP.

Save laikim: Harim gospol musik pilai gita, go lotu na serim ol samting wantaim ol brata na susa na painim gutpela poro bilong kamapim gutpela sindaun long bihain.

Nem: Taitus Nganing

Krismas: 23 (man)

Adres: Markham Farm, P.O. Box 82 Lae, Morobe Province.

Save laikim: Pilai gita, singim ol gospol singsing, go lotu na painim wanpela kristen penpren meri long maritim.

Nem: Isaiah Wiri

Krismas: 17 (man)

Adres: Hohola Number 4 Apostolic Church, P.O. Box 5488, Boroko, NCD.

Save laikim: Go long lotu, harim gospol musik, laikim ol narapela man na meri, helpim papa na mama na ritim pas long ol pren.

Nem: Willie Barnabas

Krismas: 21 (man)

Adres: Garu Plantation, P.O. Box 26, Kimbe, West New Britain.

Save laikim: Go lotu, ritim baibel, harim gospol musik, painim wanpela meri long maritim.

Nem: Munalia Francis

Krismas: 16 (man)

Adres: Holy Spirit High School, P.O. Box 750, Bogia, Madang Province.

Save laikim: Ritim buk, tok stori, mekim fani na harim musik.

Nem: Isaiah Tobias

Krismas: 20 (man)

Adres: C/o - P.O. Box 1166, Wewak, ESP.

Save laikim: Go long lotu, harim gospol musik, singsing gospol singsing, amamas long mekim pen pren wantaim brata susa long narapela provins na ritim na bekim pas bilong pen pren.

Nem: Vera Holi

Krismas: 18 (meri)

Adres: P.O. Box-894, Wewak, East Sepik Province.

Save laikim: Go long lotu, harim gospol musik, amamas long mekim pen pren wantaim narapela brata susa na senisim ol presen.



Mi gat tupela gelpren na mi wari

nogut gelpren i lusim mi na tu mi wari nogut narapela tisameri ya i ken gat bel.

LEARNER

Pren,

Yu putim yu yet long trabel tasol mipela i gat bilip olsem i no tuleit long yu i stretim yu yet long dispela kain hevi.

Taim mipela i glasim pas bilong yu, i luk olsem yu save wanem samting yu ken mekim long daunim hevi ya, tasol yu redi long en tu o nogat?

Pastaim tru, yu tok yu laikim stret gelpren bilong yu na yu laik maritim em. Na yu no gat laik long narapela tisa meri ya. Tasol yu amamas long slip wantaim dispela tisameri ya. Yu luksave tu olsem sapos meri ya i gat bel bai yu kisim taim ya. Famili na hauslain bilong em i ken fosim yu long maritim em.

Namba tu em yu luksave olsem maski meri ya i nogat bel, i gat sans olsem sapos gelpren bilong yu i harim nius bilong yu wantaim narapela meri ya, em bai lusim yu.

Yu tok yu bin gat Kristen edukesen tasol samting yu wokim wantaim tisameri ya i no

bihanim ol Kristen skul we yu bin kisim. Kristeniti i tambuim pasin bilong slip wantaim meri ausait long marit, moa yet sapos em i wantaim patna yu nogat laik long en na tu yu no laik long maritim.

Sapos yu tingting gut long situesen bilong yu, yu bai luksave olsem, maski yu painim amamas long slip wantaim patna, em i no pasin Kristen na long situesen ya gat nau long en, ol hevi bai kamap long yu na ol arapela, moa yet sapos pikinini i kamap.

Lukluk, tingim na glasim pastaim meri ya sapos em i slip pinis wantaim ol arapela man bikos long dispela taim, i gat pret long sik nogut HIV/AIDS we em ken givim long yu. Yu ting bai meri long ples bai i wetim yu pinisim gut laik bipo yu go bek long en? Yu lukim tu olsem taim yu mekim dispela kain pasin yu no wokim gut long en?

Sapos yu tok yu laikim tumas gelpren bilong yu long ples na yutupela i gat plen long marit olsem pasin Kristen i moabeta long yu brukim prensip wantaim narapela meri ya.

Dispela em gutpela pasin long

yu na tupela meri ya. Sapos yu wanbel wantaim dispela, bai yu wanbel tu olsem yu mas kontrolim yu yet na stapim pasin bilong slip wantaim narapela meri.

Mipela i ting em i gutpela sapos yu tok sori long gelpren bilong yu na dispela bai i opim rot long nupela na gutpela prensip wantai gelpren bilong yu. Long dispela prensip bai yutupela i gat luksave long wanpela arapela.

Tasol yu mas redi i stap long luksave olsem gelpren bilong yu ya i ken lusim yu o i ken les long maritim yu bikos pasin yu wokim i no gutpela.

Yu ken tok olsem ating mipela i givim yu ol strongpela toktok tasol sapos yu tok trulong marti plen wantaim gelpren bilong yu ya, yu mas wokim gutpela pasin, long yu yet na long sait bilong futja patna.

Olsem wanem, yu laikim laip we yu bai gat gutpela sindaun long en wantaim patna yu laikim na em i laikim yu o yu laik go het na amamasim yu yet wantaim patna husat yu nogat laik long en?

LAIPLAIN



Laiplain

Mi na gelpren bilong mi i bilong wanpela ples na mipela i plen long marit long neks ya. Tasol em i wok olsem tisa long ples na mi wok tisa tu long narapela hap.

Orait, wanpela tisameri long skul we mi wok long en i gat laik long mi. Em i save givim kaikai long mi. Mi save slip wantaim em tu bikos em i gat bikpela laik long mi. Ol bin makim em long maritim wanpela manki long ples bilong em yet tasol em (meri) no laik.

Mi no laik maritim dispela narapela meri ya bikos mi gat bikpela laik long gelpren bilong mi long ples husat olsem mi, i bin gat Kristen edukesen.

Tasol mi stap wantaim wari,



Rong Bilong Pasindia Sip

JULY 1999

For Passenger Bookings or Information
Contact Titus or Ita Ph: 472 2066 Fax: 472 5806, P. O. Box 1459, Lae, Morobe Province.

| Vessel | Voy No. | Sailing from Lae for: | Day | Date | Time |
|-----------------------------------------------------------------------|---------|------------------------------------|-----|----------|------|
| *Gejamsao >>>>>> Offers Daily Passenger & Parcel between Lae and Buki | | | | | |
| *Gejamsao >>>>>> Departs Lae @ 0900am and Arrives Buki at 11.30am | | | | | |
| *Gejamsao >>>>>> Departs Buki @ 12.30pm and Arrives at Lae at 3.00pm | | | | | |
| Nagada | 433 C | Lae to Alotau/Special/fully booked | Fri | 02-07-99 | 12NN |
| Return voyage, Alot/Doga/Wgela/Vogel/Tufi/Lae. open for Passengers | | | | | |
| *Mamose Exp.616 B | | Fin/Lab/Fin/Lae | Fri | 02-07-99 | 5pm |
| *Mamose Exp.616 D | | Oro Bay | Sat | 03-07-99 | 8pm |
| *Mamose Exp.617 N | | Fin/Wasu/Madang/Wewak | Mon | 05-07-99 | 9am |
| *Rita | 478 N | Kimbe/Rabaul/Kimbe/Lae | Mon | 05-07-99 | 3pm |
| Maneba | 516 N | Finsch/Wasu/ (Mag) | Tue | 06-07-99 | 4pm |
| Nagada | 433 D | Tufi/Vogel/WCoast/Dog/Alotau/Lae | Wed | 07-07-99 | 9pm |
| Umboi | 574 N | Lorengau (Lae) | Wed | 07-07-99 | 4pm |
| *Rita | 478 B | Fin/Lab/Fin/Lae | Fri | 09-07-99 | 5pm |
| *Rita | 478 D | Oro Bay/Lae | Sat | 10-02-99 | 8pm |
| *Rita | 479 N | Fin/Wasu/Madang/Wewak | Mon | 12-07-99 | 9am |
| *Mamose Exp.818 N | | Kimbe/Rabaul/Kimbe/Lae | Mon | 12-07-99 | 3pm |
| Nagada | 433 B | Fin/Lab/Lae | Wed | 14-07-99 | 4pm |
| Manebe | 517 N | Lorengau (Lae) | Wed | 14-07-99 | 4pm |
| Nagada | 433 N | Fin/Sio/Wasu/GAL/Bill/Madang | Fri | 16-07-99 | 12nn |
| *Mamose Exp.616 B | | Fin/Lab/Fin/Lae | Fri | 16-07-99 | 5pm |
| *Mamose Exp.618 D | | Oro Bay | Sat | 17-07-99 | 8pm |
| *Mamose Exp.618 N | | Fin/Wasu/Madang/Wewak | Mon | 19-07-99 | 9am |
| *Rita | 480 N | Kimbe/Rabaul/Kimbe/Lae | Mon | 19-07-99 | 3pm |
| Manebe | 518 N | Finsch/Wasu/ (Mag) | Tue | 20-07-99 | 4pm |
| Umboi | 576 N | Lorengau (Lae) | Wed | 21-07-99 | 4pm |
| *Rita | 480 B | Fin/Lab/Fin/Lae | Fri | 28-07-99 | 5pm |
| *Rita | 480 D | Oro Bay/Lae | Sat | 24-07-99 | 8pm |
| *Rita | 481 N | Fin/Wasu/Madang/Wewak | Mon | 26-07-99 | 9am |
| *Mamose Exp.620 N | | Kimbe/Rabaul/Kimbe/Lae | Mon | 26-07-99 | 3pm |
| Umboi | 571 N | Finsch/Wasu/ (Mag) | Tue | 27-07-99 | 4pm |
| Nagada | 435 A | Fin/Lab/Lae | Wed | 28-07-99 | 4pm |
| Nagada | 435 N | Fin/Sio/Wasu/GAL/Bill/Madang | Fri | 30-07-99 | 12nn |
| *Mamose Exp.620 B | | Fin/Lab/Fin/Lae | Fri | 30-07-99 | 5pm |
| *Mamose Exp.620 D | | Oro Bay | Sat | 31-07-99 | 8pm |

Ron Bilong Kago Sip

JULY 1999

For Cargo Bookings Information:
Contact Philip or Yadi Ph: 472 2066 Fax: 472 5806, P.O. Box 1459, Lae, Morobe Province.

| Vessel | Voy No. | Sailing from Lae for:- | Day | Date | Time |
|----------------------------------------------|---------|-------------------------------|-----|----------|------|
| MAIN PORTS: | | | | | |
| Umboi | 574 N | Lorengau | Wed | 07-07-99 | 4pm |
| Wewak | 354 N | Madang/Wewak/Vanimo | Fri | 09-07-99 | 10pm |
| Kuder | 224 A | Madang | Tue | 13-07-99 | 6pm |
| Wewak | 254 A | Madang | Tue | 06-07-99 | 6pm |
| Manebe | 517 N | Lorengau (Lae) | Wed | 14-07-99 | 4pm |
| Kuder | 224 N | Madang/Wewak/Vanimo | Fri | 16-07-99 | 10pm |
| Wewak | 355 A | Madang | Tue | 20-07-99 | 6pm |
| Umboi | 575 N | Lorengau (Lae) | Wed | 21-07-99 | 4pm |
| Wewak | 355 N | Madang/Wewak/Vanimo | Fri | 25-07-99 | 10pm |
| Kuder | 225 A | Madang | Tue | 27-07-99 | 6pm |
| Manebe | 519 N | Lorengau (WCoast, Lae) Dang. | Wed | 28-07-99 | 4pm |
| Kuder | 225 N | Madang/Wewak/Vanimo | Fri | 30-07-99 | 10pm |
| Small Ports | | | | | |
| Manebe | 516 N | Finch/Wasu/ (Mag) | Tue | 06-07-99 | 4pm |
| Nagada | 433 D | Tufi/Vogel/WCoast/Dogura(Lae) | Wed | 07-07-99 | 9pm |
| Umboi | 575 N | Aitape | Mon | 12-07-99 | 4pm |
| Nagada | 433 B | Fin/Lab/Lae | Wed | 14-07-99 | 4pm |
| Finschaffen-Cargo goes on this Voyage | | | | | |
| Nagada | 433 N | Fin/Sio/Wasu/GAL/Bill/Madang | Fri | 16-07-99 | 12NN |
| Wasu Cargo goes on this Voyage | | | | | |
| Manebe | 518 N | Pinsch/Wasu/ (Mag) | Tue | 20-07-99 | 4pm |
| Nagada | 434 N | Lab/Fin/Was. Dangerous | Thu | 22-07-99 | 4pm |
| Umboi | 577 N | Finsch/Wasu/ (Mag) | Tue | 27-07-99 | 4pm |
| Nagada | 435 A | Fin/Lab/Lae | Wed | 28-07-99 | 4pm |
| Nagada | 435 N | Fin/Sio/Wasu/GAL/Bill/Madang | Fri | 30-07-99 | 12NN |

Ol enimel i helpim trenspot

Sampela yia i go pinis yumi bin harim planti toktok long ol enimel i helpim ol pipel long mekim wok.

Kain ol enimel olsem kau, bikbel (Bafalo) na Hos.

Tasol nau dispela pasin bilong yusim enimel long helpim mekim wok i lus pinis.

Tingim kau na bikbel i ken helpim yu long tanim graun long gaden kabis, kaukau o pinat bilong yu. Ol tu i ken helpim yu long krungutim graun i go daun na stretim rot bilong ka, taim tot i bagarap. Narapela samting ol i ken helpim yu long karim kago bilong yu i go long longwe ples.

Yu noken hatwok tumas. Painim wanpela dispela ol enimel na bai ol wok bilong yu i kama isi tru.

Ol didiman opis long hap bilong yu i ken helpim yu painim wapela dispela enimel.

Taim yu laik painim wanpela dispela enimel bilong helpim yu, yu mas tingim dispela ol samting. Enimel i mas bikpela gut, skel bilong em i olsem 700 paun na i mas nogat sik.

Enimel tu i mas i gat gutpela pasin olsem bai isi long yu long wok wantaim em.

I gutpela long yu kisim enimel husat i save long wok wantaim ol pipel.

Rot bilong lainim kau long mekim wok i olsem.

Pastaim tru taim yu kisim dispela kau yu mas pasim em long as bilong wanpela diwai inap samting olsem wan o tu aua long wan wan de. Wokim olsem inap tu o tripela taim long wanpela dei. Yu mas mekim olsem inap long 14 de olgeta.

Taim kau i pas i stap long diwai yu mas givim em wara na kaikai. Dispela bai i helpim em long save long yu hariap.


Taim yu givim wara na kaikai yu mas toktok tu long em. Stori long em long wok bilong yu, o sampela samting. Kolim nem bilong em na toktok wantaim em.

Sapos yu i gat sampela narapela kau i save long wok em bai i helpim dispela nupela kau long lainim samting hariap.


Long narapela 14 de, lainim kau bilong yu long karim yok. (Yok em i dispela hap plang i save hangamap long nek bilong kau na pulim karis)

Yu ken pasim kau bilong yu wantaim narapela kau husat i save pinis long karim yok. Putim yok long nek bilong tupela pinis orait hukim wanpela hevipela diwai na mekim tupela i pulim dispela diwai.


Larim tupela i wok samting olsem wan aua pinis orait lusim



• Brukim graun



• Karim graun



• Strongim graun

tupela gen na pasim tupela kau bilong yu long as bilong diwai na givim kaikai na wara long tupela wantaim.

Tupela i malolo pinis orait putim yok gen long nek bilong tupela na mekim tupela i wok gen. Mekim olsem i go inap samting olsem 7-pela de pinis bai yu lukim nupela kau bilong yu i senis.

Narapela rot bilong lainim nupela kau bilong yu em long putim yok long nek bilong en na narapela kau na hukim wanpela hevipela diwai long tupela. Nau larim tupela i sanap na hevi bilong diwai bai i pulim tupela. Taim tupela i luksave olsem, bai tupela i traim long pulim isi isi dispela diwai insait long tripela o foapela de.

Sampela samting yu mas


save taim yu kisim wanpela nupela kau.

Yu mas givim nem long em, na yu mas oltaim kolim em long nem bilong em. Noken bikmaus long em. Noken paitim em.

Taim yu lainim em long mekim wok, noken lainim em long wanpela de na lusim em long sample de na traim lainim em gen long narapela de. Yu mas lainim em long olgeta de i go inap em i kisim gut skul bilong yu.

Yu mas oltaim wok wantaim ol long sotpela taim. Wan aua na aninit long wan aua em inap. Noken go moa long wan aua, yu mas isi long enimel bilong yu.

Sapos kau bilong yu i slip malolo, noken paitim em o tanim tel bilong em. Yu mas paitim arete bilong tel bilong em o pasim nus bilong em.



• Ol Wok man bilong Vanimo Woks dipatmen i stretim rot long Wes Tawa. Ren bagarapim dispela rot. Foto: Joe Kanekane.

KANAGE

"Em nau, narapela wik bilong mi ken"



YU HUSAIT KAMPARA-PIM WALL!

EM MI NA PAPA, YA!

!?!
!!



Wanpela taim kanage igo tis long Diani kominiti skul na tu em deputi tisa bilong dispela skul. Olgeta taim long fotnait bilong em, em save spak long Kundiaawa taun, long wiken taim em hamas wantaim ol meri Yuwai igo igo na olgeta taim. Sande apinun em save kisim ka long taun na save kam long skul long Diani. Meri bilong kanage kirap na askim kanage long fotnait pei bilong em we. Tisa kanage kirap na tokim meri bilong em olsem, misis noken wari olgeta moni mi putim long pas buk. Meri bilong kanage kirap na tokim man bilong em olsem yu rait man stret na mi maritim yu. Taim meri em tokim dispela rait man long kanage em ino slip long nait em wok long tanim long bet igo tulait. Long moning taim tisa kanage igo waswas na kam long haus na askim meri bilong em. Kaikai bilong mi we, misis kirap na tokim tisa kanage olsem, Sori there's no food for you so go to Yuwai market and eat Yuwai ambai. Tisa Kanage kirap na tokim meri bilong em olsem taim yu kolim Yuwai ambai mi save pulap nating tru. Olsem na pe bilong yu save putim pas buk long Yuwai maket ah. Kain bilong yu ya tok stret yah. Meri bilong em kirap na tokim kanage tisa olsem yu yah lapun tasol wip yet. Kanage tokim meri bilong em olsem ino olsem ol yangpela na kirapim populesen, kisim win tasol.

Miidai Bala Hauya
Yobai Rox, Simbu

Kanage na lapun mama bilong em baim wanpela liklik papi dok. Dok ya liklik tumas na em krai long mama bilong em. Lapun mama bilong kanage sori long em na givim susu bilong em yet. Em mekim olsem igo na papi kamap bikpela. Wanpela taim kanage na dok bilong em igo long nambis. Long dispela hap ol manmeri waswas istap na sampela silip long san. Kanage lukim wanpela yangpela meri silip istap long san na tokim dok bilong em long go susu. Wantu dok givim sikisti na putim tit long wan sait susu bilong meri ya. Yangpela meri ya singaut long helpin na ol manmeri laik kilim dok ya tasol em ron igo bek long kanage na tupela ronowe igo long haus bilong tupela. Long moning ol lain bilong meri kisim kanage na dog bilong em igo long vilis kot. Majistret askim kanage long tokim kot long wanem samting em bin mekim. Kanage bekim na tok, yupela askim kana-kana em nem bilong dok ya. Mi igat tingting olsem yupela. Sapos yupela laik, putim kana igo long kalabus o baim kompensasin igo long meri. Tasol, yupel mas save em ino gat moni o pik na tu mi no save lukim wanpela dok igo kalabus. Sapos yupela tingting long kilim, em, kilim mitupela wantaim bikos mi tupela dringim wanpela susu na em olsem brata bilong mi. Kanage wantaim dok bilong em (Kana) winim kot.

Joshua Yandom Waguma
Mendi SHP

Kanage emi blong Bialla, Emi wok olsem Stevedoring, wanpela bikship bilong karim ol diwai ikam Bialla bilong karim ol logs, na kanage wantaim narapela poro wokman ol wok long loadim sip. Sarere avinun na wanpela saila i kam askim kanage "Hey friend" How far is it from here to the mission? Bikos saila i laik go long lotu, kanage ino save gut long english kanage i kirap bekim "hey friend only" 10 toea = 20 toea. Saila i tingting, emi tok long baim ol kaikai. Saila em tok gen "hey friend" how far is it from here to the mission? Kanage i bekim gen, mi tok only 10 toea 20 toea. Saila i kirap na lukluk long kanage igo antap na go daun. Na emi tok "how old a you? Kanage i bekim, only 50 toea. Saila i paul long kanage

olgeta. Em saila ilusim kanage, na kanage i kirap na tok "hey friend" you know tasol to fly with the sea, na yu no save to baim kaikai in this larid. Taim kanage i tanim, ol wokman poro i kilim lap long em stret. Kanage tok yu ting mi longlong blong yu mi skul long old testamen, nau tasol yu skul long new testamen na yu laik tromoi english blong yu? Yupela bai sot long english. Olgeta poro bilong em i kilim skin long lap.

Joe Avel
Sinochem Pty Ltd, Bialla

Kanage em bilong Arowe na em wanpela pastor long West New Britain Provins. Wanpela Sarere em i wok long redim ol toktok na long autim long Sande em i stretim ol toktok we ol kankain samting bilong graun i wok long bagarapim laip bilong man long dispela taim em nau kanage tingim wanpela aidea, "bai em i soim long ol kongrigesen bilong em, em i tok " bai mi pasim blakpela laplap insait na waitpela arasait. Taim mi givim toktok long ol bai mi soim o l olsem piksa blong pasin nogut long dispela taim. Sande moning Kanage waswas pinis na bilas nau long go lotu. Em i lus tingting tru long putim blakpela laplap insait na putim waitpela laplap tasol. "Em yet toktok long em yet " tete nau bai mi pairapim ol manmeri insait long haus lotu." Taim em istap long haus lotu na taim bilong em long autim tok or em kirap ridim wanpela baibel ves pinis na tokim ol manmeri bilong em, "Yupela bihainim pasim nogut bilong dispela graun. Insait bilong yupela bai kamap olsem dispela blakpela laplap, semtaim em apim waitpela laplap long soim blakpela laplap. Ol manmeri i laik lukluk i go long lukim blakpela laplap nogat ol i lukim blakpela pekato blong pasta Kanage i hangamap. Olgeta lukim olsem na daunim het na kaikai tit istap. Em nau kanage tokim ol. "Lukim ol i sem pinis na daunim het, ol i save olsem insait blong ol i blak olsem dispela blakpela laplap" samting tru em i bisi tru long toktok na ino save wanem samting ol i lukim na daunim het, Kanage lukim ol i daunim het yet, na tokim ol" yupela lus tingting long dispela pasin na lukluk i kam long bikman antap bai rausim bilak insait long yupela. Em nau olgeta lukluk i go ken long kanage stap na em tokim ol sapos yupela bihainim stretpela rot bai insait blong yupela bai kamap olsem waitpela laplap, semtaim em apim waitpela laplap na ol i lukim ken pekato bilong em na olgeta daunim het bilong ol gen. Tasol tambu bilong em wanpela ino daunim het, em i lukluk strong long kanage. Long traime mekim kanage lukluk i kam long em bai wokim long ai bai em i ken lukim wanem samting i hangamap, ino gutpela long tok klia olsem, yu lukim o nogat? Bikos ol meri tu i pulap. Em nau kanage tingting, olgeta ol i save olsem ol i sem pinis na daunim het na tambu man ya mas gutpela stretpela man olsem na ino daunim het. Kanage lukluk i kam long tambu bilong em nau. Tambu bilong em i tromoi laplap i go daun na tokim ol" Yupela ino laik tokim mi long taim samtaim meri bilong em apim het na singaut" Yu tu, yu no laik lukluk gut, mekim na olgeta man-

meri pikinini na pig dok i lukim pinis. Kanage isi tasol pasim buk na lus long dispela hap na go wel long bus. Meri bilong em kros na tek op i go long haus.

Raymond Mark
Kimbe

Paps kanage em wanpela mangi Tobaras bilong Kokopo area bilong East New Britain. Em maritim wanpela meri Vavine wantok bilong em yet na tupela igat wanpela junia bilong tupela. Junia bilong tupela igat 9-pela krismas. Paps kanage em marit man na igat pikinini pinis tasol em save ekting yang na sait step go paul wantaim wanpela yangpela meri long narapela haus lain long sem ples long sampela nait. Em save hait gut tru long misis bilong em wantaim boi bilong em na em save mekim dispela kain sait step wok bilong em. Em save mekim dispela kain sailent move isi tasol olsem ol blakpela pusi save move long nait. Long wanpela taim, dispela gelpren salim tok long kanage mas go painim em long 10-kilok biknait. Paps kanage tingim dispela date bilong em na em hariapim san mas go apinun hariap na go 10-kilok nait bai em go. Paps kanage wet igo nait i pundaun nau taim klostu 10-kilok night nau em tokim misis bilong em wantaim small boy bilong em olsem. Orait tupela, Em nait pinis nau, taim bilong silip, yutupela go insait silip nau. Misis bilong em harim tok na go silip tasol liklik boi bilong em ai ino silip yet olsem na em les long go silip. Kanage wet na lukim taim i wok long go klostu aburisim 10-kilok na em tingim olsem, em bai aburisim date bilong em na em hariap tru pulim han bilong liklik boi bilong em na go tromoi em antap long bed na tokim em, yu silip, taim bilong ol mangi long silip ipinis na yu mekim wonem na sindaun istap, yu silip nau. Paps kanage sindaun giaman long ridim buk igo na lukim olsem misis bilong em silip idai pinis pulim win na em lukim liklik boi bilong em giaman pasim ai na em, isi tasol opim dua na take op igo yet liklik boi bilong em kirap bihainim em igo. Paps kanage go pinis sanap long haus bilong gelpren bilong em na nok long dua bilong meri istap na junia bilong em go lukim olsem na em go sanap arere long haus na lukim paps bilong em wok long nok. Paps kanage nok igo na meri bin wet igo 10-kilok pinis na em ting kanage ino inap go olsem na em ino bisi. Em silip idai tru na ino harim paps kanage nok long dua bilong em. Paps kanage belhat nogut tru na em foldim han bilong em na paitim dua strong tru na dua klostu bruk na papa bilong meri i harim bikpela pairap na em ting olsem ol raskol kam brukim haus na em bikmaus na singaut, yu wonem raskol laik kam brukim haus bilong mi long traipela nait tru? Liklik boi bilong kanage isi tasol sanap long arere na bekim, em ino raskol, em mi wantaim papa tasol ia... Papa bilong meri bekim, yu wonem mangi wantaim husait dispela papa bilong yu? Yutupela wet, mi kisim hap bus naip bilong mi pastaim. Paps kanage harim olsem, em kirap nogut tru long junia bilong em na em go daun pasim maus bilong boi bilong em na karim em igo long haus bilong ol, em ino isi, isi long beltim liklik boi bilong em, em beltim em igo

na em hap idai. Misis bilong kanage harim liklik boi karai na kam aut na askim em, junia yu mekim wanem na paps paitim yu long biknait tru. Junia givim full stori tru long wanem samting bin kamap namel long em wantaim paps kanage. Misis harim pinis full stori, em go ausait kisim trapela hap diwai na go bek long haus na putim diwai stret long het bilong paps kanage na diwai brukim tripela hap olgeta na em kauntim ol sta go pinis na em tokim misis bilong em, lewa tru em yu ia, em orait, em ino het bilong man, yu brukim diwai long ston ia.


Ted Luther Maya
Rabaul ENBP

Kanage em manples bilong 100 maun-tain bilong Erap Morobe Provins. Kanage pestaim bilong em long karap long sip na i kam istap long Kimbe. Long Kimbe Kanage wok long stat painim wok nambaut, wokim igo nogat na em igo wok long wanpela asples Kimbe long kokonas bilong en, yu save kanage em hapman bilong wok na em kilim skin stret long wok istap. Tasol sore tru wanpela samting tasol em, em ino man bilong go antap long kokonas na dring wara long en, planti taim em i save bagarap stret na lukluk igo antap tasol i save hat long em. Wokim igo na long wanpela taim em sindaun long aninit long wanpela as bilong kokonas na i wok long salim tingting na wokim kankain driman wokim igo na ai i silip olgeta na i silip idai. Em silip idai istap ya we! Wanpela drai kokonas i pundaun antap stret long het kela bilong en. Ololoi! Kanage kirap nogut wantaim traipela long-long stret. Mama bilong longlong kisim kanage na em ron spit olsem simok balus bilong Erap insait long lain kokonas. Em i ron olsem wel pik o welman stret, taim em i ron na bamim ol diwai nambaut tingting bilong en i wok long klia na em belhat nogut tru na em askim em yet. "Wanem samting mekim na mi ron olsem?" Na em i tok long em yet, "Ha! mi pikinini man tu ya!" Em nau tingting i klia na kanage laik autim belhat bilong en long dispela hat tok. Em nau em lukluk raun igo na em lukim wanpela sotpela kokonas inap long em go antap tasol tulet hangre kilim em wansait pinis na em ino gat strong, tasol kanage laik autim belhat bilong em stret na pinisim laik bilong en long dring kulau. Em nau kanage kaikai tit stret na go antap long kokonas ya igo antap isi isi. Ololoi kurakum tu ino isi long em long antap. Turangu kanage painim hat long rausim kulau na tu i hat long ikam daun long graun. Wokim wokim igo nogat em holim pangal bilong kokonas hangamap olsem bilak bokis bilong Kimbe na i kam daun pundaun long graun na silip hap idai.

Steven Esonuc
Wopa Soul, Kavieng NIP

Paps kanage i tokim pikinini bilong em bai tupela igo painim kindam long wara long bik moning, emi nau bikpela moning nau na tupela iredi long go. Na papa kanage i tokim pikinini. Yu wet na mi bai go putim trausis, kanage ibin lus tingting long liklik trausis insait. Tupela istat long painim ol kindam long wara. Na pikinini i wok holim planti kindam na givim long paps kanage, tasol papa ino bin holim wanpela kindam liklik. Tupela i kamap long wara i raun tasol na tupela i sindaun na holim kindam. Tasol paps kanage ino bin holim wanpela liklik. Son kanage tasol i holim. Orait taim son kanage i laik holim kindam tasol kindam ironowe igo stret long paps kanage. Taim pikinini i lukluk igo emi lukim olsem paps ino sindaun gut em ino werim pens, na son kanage i singaut paps! Yu lukim kindam i ron tu igo o nogat. Na paps i singaut, em nau, tripela ankel blong yu, holim pinis. Tasol kanage no save emi sindaun nogut. Pikinini tokim paps ol ankel ikam istap wantaim long yu na ol wokim na yu no holim wanpela long wanem yu pasim ol insait tumas yu larim na oli kam lukluk liklik em bai oli holim pasim kindam wantaim yu. Na papa kanage i lukluk igo daun na emi lukim olsem emi bin wokim bikpela rong long ai bilong pikinini bilong em. Kanage i bin bel hat tru tasol em bai wokim wanem.

Joe Avel
Sinochem, Bialla



COCOA BOARD OF PAPUA NEW GUINEA

P.O.Box 532, RABAUL,
PAPUA NEW GUINEA

TOKSAVE PAS

**DISPEA PAS I GO LONG: OLGETA KAKAO GROA NA PRODUSA
I KAM LONG: SIAMAN BILONG KAKAO BOT BILONG PAPUA NIUGINI**

Dia ol kakao groa na produsa,

Mi amamas long toksave gen long yupela olsem Gavana bilong Benk bilong Papua Niugini, Mista Morea Vele i givim tokorait long yumi kirapim Kakao Groas na Produsas Sevings na Lons Sosaiti. Yumi olgeta i luksave olsem nau olsem dispela Sosaiti i makim bikpela samting long wok bilong kakao bisnis insait long kantri.

Dispela Sosaiti bai helpim kakao bisnis insait long kantri long planti rot. Long taim kakao bisnis i kamap bikpela, bai yumi ol liklik groa na produsa tu bai kisim moa mani na ol arapela samting. Kantri tu bai kisim mani i kam insait na bai i gat wok na ol arapela helpim.

Mi askim olgeta kakao groa long kamap memba bilong Sosaiti na strongim wok bilong en. Dispela Sosaiti i opim rot bilong ol liklik kakao groa na produsa long helpim ol yet na wok bung wantaim long strongim kakao bisnis.

Bikpela de bilong opim dispela Sosaiti em long Sarere Julai 31, 1999 long Kokopo. Na Gavana bilong Benk bilong Papua Niugini, Morea Vele yet bai opim.

Ol kakao groa long is Nu Briten na ol provins i stap klostu, i welkam long kam lukim dispela bikpela de. Na husat ol bisnisan i kam raun long is Nu Briten tu long Julai 31 1999, i welkam long kam.

Bihain long ol i opim dispela Sosaiti, bai mipela i givimaut ol eplikesen fom. Yu ken kisim ol fom long het opis bilong Kakao Bot long Kokopo na tu long ol opis bilong Kakao Bot long provins bilong yu. Sapos i no gat opis bilong Kakao Bot, orait yu ken kisim ol dispela fom long opis bilong CCEA. Yu ken salim pas i kam tu long dispela adres long kisim ol fom;

**Chief Executive Officer
Cocoa Board of Papua New Guinea
P.O.Box 532, RABAUL
East New Britain Province
Phone: 982 9083
Fax: 982 8712**

Olgeta eplikesen fom i gat liklik buk we i toksave long wok bilong Sosaiti na ol lo i bosim wok bilong givim dinau i go long ol memba.

Mi laik askim gen olgeta liklik kakao groa na produsa long kamap memba bilong dispela nupela Sosaiti. Yumi olgeta i bung wantaim ol Bot Memba, Manesmen na ol wokman bilong Kakao Bot bilong Papua Niugini long tok amamas na strongim wok bilong dispela nupela Sosaiti nau na long bihaintaim tu.

Mi pren bilong yupela,

SAM TULO, OBE
Chairman, Cocoa Board of Papua New Guinea

Wanem taim bai mipela kisim mani bilong woa?

Dia Edita,
Mi wanpela man i stap insait long planti tausen manmeri we mipela i bin baim pinis K20 long Redrees Asia Pacific War Victims Association na mipela i wok long wet i stap yet.

Dispela K20 i olsem rejistresin mani mak na mipela i bin baim long yia 1997 long mun Jun. Na dispela em i longpela taim tumas na i luk i go longpela taim nau na mi laik askim Asosiesin long wanem taim bai mipela i kisim dispela mani bilong woa viktim?

Long lukluk bilong mi, mi lukim olsem planti ol lapun husat i bin pait long woa na tu

ol bin baim dispela fi mani i wok long dai na mi sori tru long ol. Dispela ol lapun i wok long dai na husat bai kisim dispela mani we trangu ol i bin hat long en.

Long 20 Me niuspepa, siaman bilong Asosiesin, Gabriel Laku i laik go long Ostrelia long bungim ol arapela kantri lain long kisim toktok bilong PNG. Na tu Gavman bilong PNG i no bin pasim wanpela tok wantaim Gavman bilong Japan long givim namba bilong mani long baim dispela kopensesin. Dispela olgeta samting mipela olgeta i save long en.

Nau mi wari tru, long wanem mipela ol

grasrut long ples i paul pinis na tu luk stupit long ai bilong ol bik manmeri bilong mipela. Sapos gavman bilong yumi na Asosiesin i pasim tok wantaim Japan kamap wantaim wanpela tok orait na mipela i baim dispela fi man,em bai mipela i ken hop long kisim mani hariap.

Em tasol na sapos yu husat i laik sapotim o egensim, em yu ken rait i go long Wantok niuspepa na bai mi ken lukim.

Farmer Mel Madang

Pasin raskol i bikpela long Finshafen

Dia Edita,
Mi wanpela mangi long Finsafen na mi bin lukim planti pasin nogut we ol plis bilong mipela long Finshafen i mekim na mi laik autim long pablik.

Long lukluk bilong, mi lukim olsem ol plisman bilong finshafen i save poroman gut tru wantaim ol raskol man na helpim ol mekim dispela pasin nogut bilong ol.

Planti taim ol raskol save kamapim sampela kain pasin nogut na taim ol pipel i ringim ol plis, ol plis save tok ol i bisi o givim narapela giaman tok. Mi save ting olsem ol plis i save wokim plen wantaim ol raskol na taim dispela samting i kamap ol i no inap kamap hariap long dispela ples long holim ol raskol.

Long dispela kain pasin tasol na raskol pasin long Finshafen i wok long kamap bikpela moa. Bikos long ol plisman yet i no mekim wok bilong ol long stapim bikhet pasin, nogat, ol i wok long strongim dispela raskol pasin long kamap bikpela insait long komyuniti bilong mipela.

Manki Fins Finsafen

PNG kisim bikpela sem long South Pasifik Gems

Dia Edita,
Mi wanpela manki bilong PNG na mi bilong Not Solomons tasol nau mi stap long Hagen. Mi laik bekim toktok bilong tupela man i save go pas long ol spot manmeri bilong yumi we o i save makim kantri bilong yumi PNG.

Long Jun 17,1999 niuspepa, tupela bosman bilong spot long kantri, Sir John Dawanicura na Andrew Kumbakor, tupela i tok olsem noken makim risait bilong SP Gems. Long bekim dispela toktok bilong tupela, mi laik tok mipela mas makim PNG wantaim narapela kantri long Pacific rijin, bikos em i bikpela kantri bna em i namba wan long Saut Pasifik Ailan.

PNG em i gat moa pipel na winim tru Nauru na Samoa. Nauru i gat 10,000 manmeri samting, tasol ol i winim planti gol na sapos ol Tuvalu, Cook Ailan na Niue i lus long SP Gem em i orait yumi noken toktok bikos ol liklik kantri

tru. Na yutupela i nogat eskus long mekim dispela kain toktok.

Yupela save westim bikpela mani bilong kantri na yupela save go lus. Yutupela i no ken giaman na tok olsem gavman i no save helpim sapotim mipela long spot. Yupela i givim bikpela sem long mipela olgeta spot manmeri na pipel long kantri.

Mi mekim dispela toktok, bikos mi bilip na laik PNG i mas kamap namba wan long ol SP gems na long rijin bilong yumi. PNG i kamap nambawan Pasifik olsem Amerika i save kamap nambawan long ol Olimpik gem, bikos Amerika em wanpela pawa kantri.

Em tasol na yu husat i sapotim o egensim, em yu ken rait i go long Wantok niuspepa na bai mi ken lukim.

Shadrech Pororu Hagen

Plis mas patrol long Maprik haiwe

Dia Edita,
Mi wanpela manki bilong Ambunti distrik na mi gat bikpela bel hevi long wanpela bikhet pasin i bin kamap long rot namel long Maprik na Buruwi.

Long dispela hol ap o birua i kamap long rot na sampela bikman bilong sios na komyuniti tu i bin kisim bagarap na dispela em pasin nogut tru long lukluk bilong mi. Planti samting i bin i go lus long han bilong ol raskol lain. Ol raskol i stilim moa long 15 tausen mak mani bilong ol samting i go lus long dispela birua. Sampela bilong ol dispela lain bai kisim we long senisim ol dispela samting.

Ol plisman long Maprik i stap we na ol plisman long Wewak tu ol i save mekim wanem kain samting na i no save patrol long haiwe long lukluk long dispela kain bikhet pasin.

Dispela hol ap em i bikpela tumas na ol plis i kisim ripot tasol ol i no mekim wanpela samting.

Olsem na mi laik putim wanpela askim bilong mi i go long minista bilong

plis fos long lukluk long en na taim kamapim sampela rot bilong daunim na stapim ol dispela kain bikhet pasin long ol haiwe bilong mipela long kantri. Dispela i rot bilong mipela ol lain long ples long igo ikam long salim liklik bisnis na baim ol samting long taun na bringim i kam long helpim sindaun bilong mipela long ples.

Mi save wari olsem, taim ol stilman i stilim samting na kisim i go bek long ples na haus bilong ol, ol save tok wanem long ol papamama, meri pikini na wanlain bilong ol long wanem kain tok stret.

Na tu mi laik askim memba bilong Wosera Gawi long inap lukluk long dispela hevi bilong mipela na helpim ol lain bilong Ambunti husat ol i lusim ol samting long dispela birua?

Mi bai amamas sapos sampela luk-save i kamap long pas bilong mi.

Geibau Gamba Ambunti

Sekyuriti kampani i nogat gutpela polisi

Dia Edita,
Mi wanpela mangi miks Madang na Hailens na nau mi wok wantaim ol PNG Armguard long Lae. Na mi wok wantaim ol long sampela taim i go pinis na mi pilim sampela samting i no stret long lukluk bilong mi long polisi bilong kampani na mi autim sampela bilong ol dispela samting. Polisi bilong i no stret, em i luk olsem wanpela kon kampani.

Dispela kain samting olsem; Wok i go inap long 8 o 9 kilok long nait, kisim pe long 8 o 9 kilok nait long pe de, nogat pinis pe na referens bihain long wan yia, nogat gutpela ka or unit long kisim ol wokman i go ikam, nogat gutpela oporesin rum, kisim hap pe tasol long fotnait na narapela hap long Mande o Tunde, nogat gutpela lukaut o menijmen, na taim yu wanpela wokman i gat hevi, kam i no inap long helpim yu, ka bilong kampani ol bos save paulim long mekim ol wok bilong ol yet long laik bilong ol yet na tu long mekim pasin nogut.

Dispela em ol wari bilong mi lukluk bilong mi long taim mi wok wantaim ol Armguard Sekyuriti long Lae.

Na sapos yu husat i laik sapotim o egensim em yu ken rait i go long Wantok niuspepa na bai mi ken lukim.

Bagupe James Lae

Hagen asples i bagarapim siti

Dia Edita,
Mi wanpela man long lowa Nebilyer na mi laik sapotim pas bilong brata ya, Krax Ase Tutuka bilong Henganofi. Pas bilong em i bin kamap long Wantok niuspepa long Jun 10, 1999. Long het tok bilong pas bilong em, em i tok olsem "Ol asples pipel i bagarapim Hagen siti". Na askim ol long kisim buai i go long Kalakai maket we ol save salim buai long en na noken salim long dua bilong ol opis, beng na ol stoa na mekim pipia na bagarapim siti long ol rabis. Brata bilong mi, yu tok tru olgeta na mi sapotim yu long dispela komens bilong yu. Tasol wanpela hap toktok yu mekim na mi no amamas long en.

Tasol mi sapotim yu long olgeta toktok bilong yu na mi laik askim ol lain save salim ol buai long dua bilong ol stoa, beng na ol

opis long stapim na i go salim stret long Kalakai maket ples na maski long wokim pipia long siti bilong yumi. Olsem wanem yupela laik pinisim olgeta insait long ol stoa, beng na ol opis o yupela laik mekim wanem.

Hagen siti em namba 3 siti bilong PNG na yupela i mas yusim het bilong yupela salim samting long maket ples stret. Ol pik na dok i save mekim dispela bikhet pasin long mekim nating tasol yumi man na yumi mas yusim ol ai na het bilong mipela long lukim samting na het bilong mipela long tingting na mekim ol samting o wok.


Brata taim yu tok asples mi ting yu tok long mi tu husat i bilong bus long Nebilyer. I gat planti ol distrik insait long Hagen siti em bai gutpela sapos yu kolim nem bilong ol lain stret. Taim yu tok asples yu karamapim mipela olgeta pipel bilong Hagen olgeta.

Mi bilong bus na save rispektim siti bilong mipela na tu mi save sem salim samting long pablik ples bilong olgeta manmeri, wait manmeri, na ol save manmeri i save wok long dispela ol ples.

Plis mi tok gen long husat i save salim buai long dispela ol. Iples plis harim tok na go salim long buai maket stret na no ken salim long ai bilong ol opis, stoa na beng. Na tu long pulim ol manmeri long troimoi ol pipia long ai bilong ol dispela ples insait long siti bilong yumi.

Husat laik sapotim o egensim, em yu ken rait i go long Wantok niuspepa na bai mi ken lukim.

Tano Wati Hagen



| WB | LW | TW | SONG | ARTIST |
|----|----|-------|-----------------------|------------------|
| 2 | 2 | 1 | Luksave Pinis | Lista |
| 1 | 1 | 2 | Acting Papua | K-Dumen |
| 7 | 3 | 3 | Daddy | Escort Band |
| 4 | 4 | 4 | Longwei Long Mama | Itambu |
| 9 | 5 | 5 | Heartbreak | Tricm |
| 3 | 6 | 6 | Kandre Meri Waswas | Gembog Band |
| 8 | 7 | 7 | Longpela Rot | Lista |
| 18 | 11 | 8 | Numbre | Gembog Band |
| 11 | 8 | 9 | Souths Medley | K-Dumen |
| 0 | 16 | 10 | Sore Tasol Long Mi | Junior Kopex |
| 0 | 18 | 11 | Long Taim Bifo | Itambu |
| 19 | 12 | 12 | Simati | Noel Asi |
| 10 | 13 | 13 | Size 28 Raggae | Midstreet |
| 14 | 14 | 14(5) | Suspect | Connections Band |
| 15 | 15 | 15 | Brendy | Bluemates |
| 6 | 10 | 16 | 16 x 4 | Connections Band |
| 16 | 17 | 17 | Blu Ais Blong Sentani | Kamezz Band |
| 5 | 9 | 18 | Martha | Yangillis |
| 0 | 0 | 19 | Agi Veugara | Avurigo |
| 17 | 19 | 20 | Wanfela Girl | Demas Saul |

| | | |
|-------------|-------------|------------|
| N: | Agi Veugara | Avurigo |
| OUT: | Oh Tingling | Demas Saul |

PNG FM PTY. LTD.
Trading as
NAU FM
and
YUMI FM
P.O. Box 774,
Port Moresby
Papua New Guinea
Ph: (675) 320 1996
Fax: (675) 320 1995

Taun Kaunsel i no lukautim Wewak taun maket

Mi laik autim liklik komplek bilong mi long Wewak taun maket. Em ol Taun Kaunsel i lukautim o ol pipel i lukautim? Waia banis bilong en brukbruk, haus i olpela, nogat gutpela bet na ples bilong ol mama long kam sindaun putim kaikai na salim.

Na tu nogat gutpela pablik toilet klostu long maket na ol manmeri i kam long maket i yusim liklik bus klostu long toilet na taim win bio smel isave bagarapim maket ples stret.

Long taim bilong ren, ol mama trangu save kam sindaun long

graun malumalum na salim ol kaikai bilong ol na dispela pasin i no gutpela tumas long lukluk bilong pablik. Na tu sapos ren i kamdaun bikpela, ren wara i save ron i go insait long maket ples na ples save luk olsem tais stret.

Mi no save long ol bik manmeri bilong mipela long Wewak taun i save igat ai bilong lukim dispela samting o ol i no save raun long taun na lukluk kam daun long maket?

Mi laik askim ol lain bikman bilong Wewak taun Kaunsel long lukluk long samting na traim long

wokim samting long stretim lukluk bilong tais maket i go long taun maket bilong yumi.

Bikos maket ples em gaden bilong yumi ol lain save i stap long taun na mipela i no laik bai gaden bilong mipela i smel nogut ol gem nogut i kalap long ol kaikai bilong yumi.

Yu husat i laik egensim o sapatim, em yu ken rait i go long Wantok niuspela na bai me ken lukim.

Bo43 Bakanjo Wewak

Sekim ol wokman bilong Wewak storm water drainage

Mi laik autim ol tingting na wari bilong mi long ol pasin we mi lukim i no stret long dispela projek we ol man i holim dispela ol bikpela posisen ol i laik painim we long wokim pasin hait na kisim tenda kontrak i go long wanpela kampani bilong Hagen. Long hait bilong ol em bihain bai dispela kampani bai paulim ol.

Bilong wanem na wok lukaut bilong dispela opis i senisim sab-misin na putim nupela figa o namba i go long Nesenol Eksekutiv Kaunsel (NEC).

Mi yet pilim olsem, praim ministra

i mas salim Odita i kam long sekim olgeta ripot buk na kotim ol. Maski long rausim ol long opis.

Mipela ol pipel long Wewak i no amamas long wet longpela taim moa long dispela projek.

Em i luk olsem nau em i klostu 8 na hap yia ago na mipela i wok long wetim dispela projek long kamap.

Mi hop bai planti ol pipel long Sepik bai lukim dispela wari na sapatim tingting bilong mi.

John Kriosaki Wewak

Poteto prais mas go antap

Mi wanpela mangi long ples na mi save planim poteto na save salim o ol buyer i save kam na baim long mipela long ples.

Tasol planti taim ol buyer i save kam baim long liklik mani tasol na go salim long bikpela mani long taun na siti. Ol save kam baim long 40t o 50t long wanpela kilo na mi yet i no save amamas long dispela prais bilong ol.

Olsem na mi askim ol buyer long putim narapela 50t antap long olpela prais, long wanem ol prais wanwan poteto ol save salim long K1.00 na yupela ol buyer save kisim bikpela win mani na mipela, yupela save givim mipela liklik mani tasol na em i no stret. Em tasol na yu husat i laik sapatim o egensim em yu ken rait i go long Wantok niuspepa na bai mi ken lukim.

Robert Alu Walume Imbongu

Ol meri long Lae siti i save stailim tumas

Mi wanpela Sepik na mi stap nau long Lae siti. Mi laik autim liklik wari na luksave bilong mi long Wantok niuspepa long wanem samting mi save lukim ol meri save mekim long ai bilong mi, mi pilim i no stret.

Planti mi save lukim ol meri save i go long stoa na baim ol pens o anda wea bilong mipela ol man. Mi save ting ol i baim bilong ol man o boi pren bilong tasol samting tru

em nogat, em ol i baim bilong ol yet. Planti taim mi save lukim na mi pilim em i no gutpela tumas. Olsem wanem yupela ol meri i save pilim sem tu o nogat. Nau ol meri save luk olsem ol man na bai yu paul long lukim ol long we. Ol i no save pasim laplap o putim blaus na sket, nogat tru. Plantaim ol bai putim trausis na siot, putim stokmen but na ol hai kat su na raun olsem yumi ol man tasol.

Planti taim mi save lukim ol meri i mekim olsem long baim ol pens bilong mipela ol man na werim na nau mi autim.

Na tu mi laik tokim ol meri olsem mipela ol man i no save baim pens, bra na petikot samting bilong yupela ol meri na werim. Yupela i mas sem long dispela kain pasin na stop long baim ol pens bilong ol man na werim.

Long dispela kain i save

kamapim birua long sampela na tu ol i no gutpela bilong lukautim kain lo bilong lukautim ples bilong yumi long nambis.

Sapos yu husat i laik egensim o sapatim, em yu ken rait i go long Wantok niuspepa na bai mi ken lukim.

Samson Bob Lae

Lae sekyuriti i no strong

Mi wanpela mangi Sepik tasol nau mi i stap long Lae siti. Mi i stap klostu 10 yia nau mi i no save amamas long lukim wankain pasin i kamap long olgeta taim. Na mi laik autim i go long ol bos na pablik long lukim na tingim.

Ol siti kaunsel i save putim wanpela lo olsem long ino ken kaikai buai o salim buai na simuk long taun.

Taim ol siti kaunsel i putim dis-

pela lo, em i save i stap wanpela o sampela wik tasol na stop gen. Bel hevi bilong mi i olsem, ol bosman i mas lukluk gut long ol sekyuriti pastaim na kisim ol long lukautim dispela lo.

Long lukluk bilong mi, mi lukim olsem ol sekyuriti nau ol i kisim ol na ol i wok nau i wankain lain tasol husat i save bagarapim siti long pasin bilong kaikai na salim buai long taun na bagarapim long

kainkain pasin nogut.

I luk olsem olgeta yia, ol bosman i save kisim ol wankain man hailens long mekim dispela wok na nogat gutpela wok save kamap long siti bilong mipela.

Traim na kisim ol lain long asples na long nambis na bai ol wok bilong lukautim ples na siti bilong yumi i ken kamap gut.

Ol dispela ol man hailens ol i no save long lukautim ples nogat tru,

ol save tasol long bagarapim ples na tu ol i no gutpela bilong lukautim kain lo bilong lukautim ples bilong yumi long nambis.

Sapos yu husat i laik egensim o sapatim, em yu ken rait i go long Wantok niuspepa na bai mi ken lukim.

Alex Winjan Lae city

Ol PMV bas i no ken spit tumas

Mi wanpela manki Sauten hailens long hap bilong Magarima, tasol nau mi wok stap long Hagen. Mi i stap olsem 9-pela krismas na mi lukim planti eksiden o birua em ol PMV draiva i save kisim klostu klostu.

Long lukluk bilong mi mi save lukim olsem ol PMV draiva i save ras long ol pasindia na planti taim ol i save painim birua long ron hariap.


Olsem na mi autim dispela wari bilong mi i go long ol PMV bas draiva long luksave long en. Plis ol gutpela PMV bas draiva inap yupela sloim spid bilong yupela na ron isi? Long dispela we bai

yupela abrasim planti birua long rot na ol arapela ol birua.

Yupela i mas bihainim ol trifrik rul na no ken kisim ova long mak bilong pasindia na mas spid long mak bilong ron bilong ol PMV. Bikos hamas ol pasindia i stap long ka bilong yu em, laip bilong ol i stap long han bilong yu. Tingim dispela ol laip na traim isi liklik long ronim bas.

Em tasol liklik bel hevi bilong mi na sapos yu husat i laik sapatim o egensim, em yu ken rait i go long Wantok niuspepa na bai mi lukim.

Dominic Igila Mt. Hagen



• Wanpela meri sumatin long yunivesiti i vot long wanpela de voting long NCD. Foto: Ivan Bayagau

Chuave Distrik i no kisim wanpela sevis

Mi wanpela kaunsel memba insait long Is Elimbari insait long Chuave distrik.

Mi laik autim tingting na wari bilong mi i go long memba bilong mipela, Yauwe Riyong.

Mipela ol pipel bilong yu insait long Is na Wes Elimbari, Nambayufa, na Chuave, mipela i stap yet long tumbuna pasin yet.

Taim mipela i votim yu olsem memba bilong Chuave long makim mipela long palamen na yet mipela i no lukim wanpela sevis i kam long Chuave distrik. Na sapos yu igat stronpela tingting long toktok poliks long nesenol level orait inap yu sensim tingting bilong yu long givim sevis i go long helpim Infrastasa Developmen insait long distrik bilong yu.

Arapela samting tu em olsem, dispela RDF mani bilong distrik em mani bilong ol pipela bilong Chuave na yu inap brukim gut dispela mani namel ol tripela hap bilong distrik na givim i go ol Lokal Level Gavman.

Em tasol na sapos yu husat i laik sapatim o egensim em yu ken rait i go long Wantok niuspepa na bai mi ken lukim.

Benson Teine Is Elimbari

Sapos yu laik salim ol pas bilong yu i kam long dispela nuispepa, Salim i kam long dispela adres:
**THE EDITOR
WANTOK NEWSPAPER
PO BOX 1982, BOROKO. NCD.**

Sevisim gut Airlink balus

Mi wanpela manki sandaun tasol nau mi stap long Madang. Mi laik autim liklik bel hevi bilong i go long Airlink kampani i save ronim dispela ol balus.

Long lukluk bilong mi, mi lukim olsem dispela balus i wok long bagarap na kilim planti manmeri bilong yumi long kantri. Long dispela yia tasol na tupela balus bilong Airlink kampani i bin bungim bikpela hevi na kilim planti man-

meri bilong yumi long kantri.

Nambawan em i bin bungim birua long Kaindrian long hap bilong Kimbe na kilim 10-pela pasindia wantaim pailot. Wanpela bilong ol idai em kasin brata bilong mi.

Na ino longtaim i go pinis bihain tasol long 4pela mun, balus bilong Airlink ken i bungim narapela birua gen long Goroka na kilim indai 16-pela manmeri wantaim pailot.

Insait tasol long dispela yia Airlink balus i kilim indai 28 manmeri pinis bilong yumi long kantri.

Inap long gavman wantaim dispela balus kampani i ken lukluk long dispela na askim kampani long sevisim gut balus bilong ol bipo long ronim o baim gutpela nupela balus. Bikos dispela balus i wok long kilim indai planti pipel long kain ol birua olsem.

I gutpela sapos dispela balus

mas stop nau long ron inap ol enjinia bilong ol i ken stretim gut orait ol i ken ron gen.

Mi yet i no amamas na ino wanpela long dispela olsem na mi autim dispela belhevi bilong mi.

Sapos yu husat i laik egensim o sapatim em yu ken rait i go long Wantok niuspepa na bai mi lukim.

Ben Kai Madang

WANTOK

Askim long klasifaid ads: Miri Aiori Ext. 214, John Iagata Ext. 218

KLASIFAIID

PABLIK NOTIS

Dispela toksave i go aut long olgeta manmeri, olsem Nesenel Eksekutiv Kaunsil (gavman) i tok orait long kamapim wanpela Nesenel Sensas (kaunim pipel) long yia 2000 na bai kamap olsem wanpela bikpela samting tru bilong kantri.

Long redim dispela samting, ol wok manmeri bilong Nesenel Stetistikol Opis bai ronim woksop long olgeta provins long trenim ol opisa bilong Lokel Level Gavman. Ol opisa bilong LLG bai gen go na trenim ol viles rekota long kisim ol infomesin na redi long 2000 sensas.

Dispela opresin bai kamap long taun na long ol ples long bus.

Ol bai yusim ol dispela samting long kisim ol infomesin;

- i. Sensas Yunit Rejista Apdet Fom na Mep Apdet.
- ii. Rurel Haushol Het Listin Fom
- iii. Urban Listin Fom
- iv. Sosel na Ekonomik Kondisin Stadi Fom
- v. Haushol Rekot Kad.

Taim ol i pinisim nambawan raun bilong trenim ol provinsal opisa, namba tu hap bilong trening bai stat we ol LLG opisa bai trenim ol lain ol bai wok wantaim ol. Taim namba tu hap bilong trening i pinis, opresin bilong stretim nem bilong ol pipel long ol rurel eria bai stat.

Urban o taun listin:

Opresin long ol bikpela senta long kantri wantaim Urban Listin bai stat bihain long namba wan hap bilong trening bikos planti bilong ol taun senta em ol NSO opisa yet bai lukautim.

Nambawan raun bilong trening i stat pinis long ol dispela rijin na provins long 12-16 Julai 1999.

Sauten Rijin - Milne Be Provins
Hailans Rijin - Westen Hailans Provins
Momase Rijin - Is Sepik Provins
Islands Rijin - Wes Nu Briten Provins

Namba tu raun bilong trening bai kamap long ol dispela rijin na provins long 19-23 Julai 1999.

Sauten Rijin - Oro Provins
Hailans Rijin - Simbu Provins
Momase Rijin - Wes Sepik Provins
Islands Rijin - Is Nu Briten Provins

Ol narapela provins bai kam bihain.

Mipela i apil i go long pablik long olgeta provins long sapatim dispela wok bikos helpim bilong yupela bai mekim 2000 Nesenel Sensas long PNG i kamap gut.



Nick Suvulo
National Statistician



John Kalamoroh
2000 Census Director

TOKSAVE LONG CAC SAPOS PRAIS I ANTAP TUMAS LONG CAC

Consumer Affairs Council i askim ol pablik long toksave sapos ol prais bilong ol samting long stoa i antap tumas abrusim mak ol i ting prais bilong dispela samting i mas i stap long en.

Yu ken toksave long ol dispela telefon na fex namba;

Port Moresby

Telefon: 323 1344
Fex: 325 3078

Lae

Telefon: 472 6188
Fex: 472 6122

Mt. Hagen

Telefon: 542 3001
Fex: 542 1307

PABLIK TOKSAVE

Nesenel Stetistisen bilong Papua Niugini Mista Nick Suvulo na 2000 Sensis bai ekta, John Kalamoroh i bung wantaim na mekim dispela toktok long wok bung wantaim bilong redim wok long karimaut Nesenel Sensis long yia 2000.

Nesenel Palamen i bin kamapim nupela sensis long Provinsal na Lokel Level Gavmen long yia 1995. Long dispela taim i kam inap nau, ol provinsal dipatmen i wok long putim insait long kamap bilong dispela nupela Lo o Rifom. Na Nesenel Stetistik Opis i stap tu olsem wanpela hap bilong mekim dispela bikpela wok.

Wanpela hap insait dispela bikpela Lo bilong Provinsal Rifom i sut i go long Provinsal Data Sistem. Ol i askim Nesenel stetistik opis long kamap wantaim sampela we bilong kisim ol painimaut (Data). Dispela kain rot olsem ol Fom na Askim na bekim kwesten. Taim ol i bin kamap wantaim dispela ol we o rot pinis ol i bin traim aut long ol ples ol; Milne Be, Enga, Is Nu Briten, Westen Hailans, na Nu Ailen. Taim ol i bin yusim, ol i painimaut olsem dispela em i gutpela rot o we bilong kisim ol tok klia o data long wok painimaut insait long ol provinsal na lokel level gavman.

Nesenel Eksekutiv Kaunsil i bin bung long Epril 14 na kamap wantaim orait olsem bai i gat Nesenel Sensis long yia 2000. Dispela em i bikpela wok na long mekim gutpela wok kamap, ol i askim olgeta provinsal na Lokel level gavmen long olgeta hap bilong kantri long redim na givim i go long ol Nesenel Stetistik Opis long redi long Sensis bai kamap long yia 2000.

Ol wok manmeri bilong Nesenel Stetistik Opis bai raun long wanwan provins long holim 1 wik woksop na trenim wanwan LLG man o meri long kisim ol data o wok painimaut yusim ol dispela step:

1. Census Unit Register Update Form na Map Update;

Dispela pepa o fom ol bai yusim long kamapim nupela sensis ples o haus lain i bin kamap long yia 1990. Ol bai yusim dispela olpela sensis ples long kamap wantaim nupela sensis ples we i sut i go long lis bilong sensis ples.

2. Rural Household Head Listing Form;

Dispela pepa bai i gat nem bilong wanwan i stap insait long wanwan haus. Dispela bai helpim ol long save long namba bilong manmeri na pikinini i stap insait wanwan haus long ples.

3. Social Economic Condition Study;

Dispela pepa o Fom bai helpim ol long save long wanem ol sevis i stap klostu long ol pipel na tu ol sevis ol save kisim long ples o hauslain bilong ol yet. Dispela ripot em i gutpela bilong luksave bilong ol Provinsal Data Base Sistem.

4. Household Record Card;

Dispela Fom o kat pepa em bilong putim nem bilong wanwan manmeri na pikinini i stap insait long wanwan haus wantaim de mama i karim. Na tu rot o rilesinsip bilong wan wan wantaim papa bilong haus.

Legality/ Secrecy;

Nesenel Stetistik opis em wanpela bodi o ejen long kamapim na karimaut ol wok painimaut insait long kantri. Displela pawa, em Nesenel Stetistik Opis i kisim long Stetiskal Sevis Lo long 1980 na stat mekim wok long 1981.


Ol lain husat i joinim dispela grup bai i sainim wanpela tok promis long stap aninit long dispela Lo bilong i no inap karimaut tok na wok painimaut bilong ol i go outsait long NSO na tu long outsait long ol provinsal opis.

Bik bos bilong Nesenel Stetistik Opis na man i go pas long 2000 Sensis i tok save long jenerel pablik long PNG long helpim ol Wok manmeri bilong em long helpim ol long ol wok painimaut bilong ol taim ol i kam na askim yupela long ples.

Dispela ol tok klia o toksave yupela bai givim ol i bikpela samting tru long helpim ol NSO long mekim ol plen bilong 2000 Sensis.



Nick Suvulo
National Statistician



John Kalamoroh
2000 Census Director

• West klab bai wok hat long traim winim Pot Mosbi ragbi lig taitel na go insait long resis bilong Cambridge kap.



Pot Mosbi lig bungim fainel

PRL RAGBI RIPOT

LIONEL YOGOMIN i raitim

BIHAIN long longpela salens bilong Pot Mosbi ragbi lig resis i kam, dispela wiken bai ol tim gat sans long fainel i traim fainel salens egensim nara-pela.

Ol tim husat i gat sans long traim ol fainel bai wok hat nau long rausim dispela taitel long han bilong difening sempion bilong las yia, NiuFord Royals.

Maina primia Downer Souths i gat bilip long autim dispela taitel tasol taim bilong fainel i no save wankain long ol arapela gem bikos olgeta tim i save wok hat na redi long kilim skin.

Bihain long dispela fainel bilong Mosbi lig i pinis, tim husat i winim taitel i bai makim Pot Mosbi long pilai insait long bikipela resis bilong Cambridge Kap.

Long skelim ol klap husat bai pait long winim dispela sans;

Souths - Ol i gat gupela tim tru wantaim gupela menesmen na gupela sponsa bilong Downer Construction kampani. Ol i gat gupela eksperiens man Tony Kila husat em olpela PNG Kumuls hap bek na em i stap kosa bilong Souths nau. Em i gat strongpela menesmen na gupela balens tim.

West - Wanpela strongpela long bipo. Em i klostu lusim Mosbi lig tasol ol bikman i kam bungim ol pilaia wantaim na kirapim klap gen. Skipa bilong klap Tuksy Karu i mas wok hat nau long redim gut tim bilong em bai ol i ken mekim pret long ol arapela tim.

Royals - Ol em olpela sempion bilong las yia we ol i bin winim Mosbi lig taitel. Ol bai pait strong gen wantaim planti bikipela senis we i kamap long klap dispela yia. Ol i no feveret long holim bek taitel tasol ol i gat yet ol las yia pilaia bilong ol wantaim sampela yangpela.

Ol arapela klap olsem Brothers, Waliya, Defence na Hawks tu bai wok hat long smelim dispela taitel na ol bai redim gut ol pilaia bilong ol long bungim dispela bikipela salens.

Nesanel Bowl salens i go long Madang

JAMES Barnes PNG Ltd Jenerel Menesa, John Jeffery i tok aut aste long sponsasip bilong 'Globe Invitation Mixed Triples' kompetisen long Madang long dispela wik Sarere na Sande.

Dispela Globe Invitation Mixed Triple i makim kam bek bilong Madang Kantri Klab Bowl long stap long resis bilong ol klab insait long PNG Bowling Asosiesen.

Presiden bilong PNG Bowling Asosiesen, Paddy Fagan i tok go bek bilong bowling sempionsip long Madang em planti lain i bin wetim longpela taim. Em i tok James Barnes PNG Ltd wantaim sponsasip long dispela resis long wiken i mekim moa gupela.

Dispela Globe Invitation Mixed Triple bai kamap long olgeta yia long nesanel bowling kalenda.

James Barnes husat i sponsarim dispela resis, tu i soim laik long givim sapot long bihain taim.

Dispela sponsasip em wanpela we long tok tenkyu long ol pipel long komyuniti, "kam join na mekim PNG i kamap nambawan," Mista Jeffery i tok.

"Mipela i gat bilip olsem planti interes bai kam long olgeta bowling klab long PNG, Presiden bilong Madang Kantri Klab Bowl," Paul Materson i tok. "Madang em wanpela gupela ples long ol kain gem olsem na Madang Bowling Green, klostu long Madang Kantri Klab i mekim samting i go moa gupela. Mista Materson i tok, "Mipela tu i kisim bikipela interes taim Madang Kantri Klab i rijista wantaim PNG Bowling Asosiesen long dispela yia."

VAT

VALUE ADDED TAX

INFO 25

ATTENTION ALL COFFEE SELLERS

IT HAS COME TO THE ATTENTION OF THE IRC THAT SOME COFFEE BUYERS ARE CHARGING COFFEE SELLERS 10% VAT WHEN THEY BUY COFFEE FROM THEM, REDUCING THE PRICE THEY PAY BY 10%.

THIS IS WRONG AND REPRESENTS FRAUD BY THE BUYERS. BUYERS WHO DO THIS ARE SUBJECT TO FINES OF K15,000.

COFFEE SELLERS ARE ADVISED THAT BUYERS MAY NOT CHARGE THEM VAT ON THE COFFEE BOUGHT BY THEM.

TOKSAVE OL MAN SALIM KOPI

SAMPELA TOKWIN IKAM LONG IRC OLSEM OL MAN BAIM KOPI I SAVE SASIM 10% VAT LONG OL MAN SALIM KOPI, NA DISPELA PASIN I SAVE DAUNIM PRAIS BILONG BAIM KOPI LONG 10%.

DISPELA EM I PASIN NOGUT LONG SAIT LONG OL MAN I SAVE BAIM KOPI. HUSAT MAN BILONG BAIM KOPI I WOKIM DISPELA PASIN BAI BAIM K15,000 KOT FINE.

TOKSAVE IGO LONG OL MAN BILONG SALIM KOPI OLSEM OL MAN BAIM KOPI I NOKEN SASIM 10% VAT LONG KOPI OL BAIM LONG OL.



FOR MORE INFORMATION, CONTACT:
INTERNAL REVENUE COMMISSION,
P. O. BOX 777, PORT MORESBY,
PHONE: 322 6655, FAX: 321 7962

AUTHORISED BY: DAVID SODE COMMISSIONER GENERAL INTERNAL REVENUE COMMISSION



Wiken Spot Dro

LAE COCA COLA - CORPORATE TOUCH COMPETITION

Saturday's Games: 31st July, 99. (Note: Games that were to have been played 24th July)

| | | | |
|------------|----|-----------------------------------------|----------------------------|
| 1.00pm | F1 | Belltek Chemicals vs ITD Rebuilds | Dennis Seeto/John Taylor |
| | F2 | NG Tablebirds vs Huon Litho Press | Johannes/Valentine |
| 1.40pm | F1 | Gamoga & Co vs Water Board | Pipi Haro/Lenord Tara Mora |
| | F2 | Associated Mills vs Ela Motors - Toyota | Johannes/Eddie Mikez |
| 2.20pm | F1 | PNG Motors Ford vs PNG Motors/Mazda | Richard Seeto/Baru |
| | F2 | PNGBC Market vs Huon Litho Prints | Lenod Tara Mora/Valentine |
| 3.00pm | F1 | Dept Works 1 vs Ela Motors - Yamaha | Richard Seeto/Baru |
| | F2 | PNGBC Lending vs Bowmans | Ovia |
| Stationery | | Pipi Haro/Bayu Gigi | |
| 3.40pm | F1 | Lae City Council vs Dept Works 2 | Johannes/William Kakamara |
| | F2 | NCI Cans vs Supa Valu | Dennis Seeto/Eddie Mikez |
| 4.20pm | F1 | BSP Up Town vs Boroko Motors | Pipi Haro/William Kakamara |
| | F2 | Toba Parts vs NCI Crowns | Bayu Gigi/Dennis Seeto |

KOIRI RUGBY LEAGUE DRAW - SOGERI

Round: 2/8 17 - Date: Sunday 2nd August, 1999.

Venue: Iarowari (Sogeri)

| | | |
|-------------|---|--------------------|
| 11.00 | B | Owls vs Kongos |
| 11.30 | B | Panthers vs Bears |
| 12.00 | B | Pukpuks vs Tigers |
| 01.00 | B | Warriors vs Choice |
| Bye: Lakers | | |
| 02.00 | A | Owls vs Kongos |
| 02.30 | A | Panthers vs Bears |
| 03.00 | A | Tigers vs Pukpuks |
| 04.00 | A | Warriors vs Choice |
| Bye: Lakers | | |

Note: Warriors/Pukpuks A grade results for last weekend is yet to declare winner.

KRL RESULTS

As Sunday 25/7/99. Round 2/7 (16)

A Grade

| | |
|-----------------------------|--|
| Kongos nil - Bears nil | |
| Owls 20 f/i Panthers nil | |
| Lakers 10 defeated Choice 6 | |
| Warriors - Pukpuks | |
| B Grade | |
| Kongos nil - Bears nil | |
| Owls 10 f/i Panthers nil | |
| Choice 20 f/i Lakers nil | |
| Pukpuks 19 f/i Warriors nil | |

POINTS TABLE

| Club | P | W | D | L | F | A | Pts |
|----------------|----|----|----|-----|-----|-----|-----|
| A Grade | | | | | | | |
| Choice | 15 | 11 | 1 | 3 | 224 | 149 | 23 |
| Pukpuks | 13 | 10 | 1 | 2 | 221 | 120 | 21 |
| Lakers | 15 | 9 | 1 | 5 | 213 | 95 | 19 |
| Warriors | 14 | 9 | 1 | 4 | 162 | 116 | 19 |
| Tigers | 14 | 6 | 3 | 5 | 167 | 168 | 15 |
| Panthers | 15 | 5 | 10 | 130 | 190 | 10 | |
| Kongos | 13 | 3 | 10 | 90 | 122 | 6 | |
| Owls | 14 | 3 | 11 | 176 | 227 | 6 | |
| Bears | 13 | | 13 | 16 | 231 | 0 | |
| B Grade | | | | | | | |
| Lakers | 15 | 12 | 2 | 1 | 176 | 77 | 26 |
| Pukpuks | 15 | 8 | 3 | 4 | 174 | 39 | 19 |
| Choice | 15 | 9 | 6 | 149 | 76 | 18 | |
| Owls | 15 | 7 | 2 | 6 | 108 | 85 | 16 |
| Panthers | 14 | 7 | 1 | 6 | 84 | 101 | 15 |
| Warriors | 15 | 6 | 9 | 88 | 102 | 12 | |
| Tigers | 14 | 3 | 2 | 9 | 102 | 131 | 8 |
| Bears | 14 | 2 | 12 | 88 | 155 | 4 | |
| Kongos | 14 | | 14 | 9 | 143 | 0 | |

OKKAINHENS BASKETBALL COMPETITION

WEEKEND SPORTS DRAW

VENUE: HOHOLA OVAL

02-08-99

| | | |
|---------|--------------------------------|--------------|
| 01.10pm | Raiders vs Sharks | B Police. A |
| 01.20pm | Tapaya Sists vs Pana Sists | B Wendy. R |
| 01.30pm | Kongo Sists vs Kaki Sists | B Joyce. D |
| 01.40pm | Usu United vs Apaso Sists | B Richard. A |
| 01.50pm | Souths Hella vs Kanage Sists | B Police. A |
| 01.60pm | Kesosa Sists vs Nami Sists | B Richard. A |
| 02.00pm | Negifi Sists vs Pricilla Sists | B Joyce. D |
| 02.00pm | Lae B/Crackers vs Knights | B Wendy. R |

| | | |
|---------|----------------------------|--------------|
| 02.14pm | Raiders vs Uriano Sists | A Richard. A |
| 02.28pm | Tapaya Sists vs Pana Sists | A Wendy. R |
| 02.42pm | Kongo Sists vs Kaki Sists | A Police. A |

| | | |
|---------|--------------------------------|--------------|
| 02.56pm | Usu United vs Apaso Sists | A Joyce. D |
| 03.10pm | South Hella vs Kanage Sists | A Richard. A |
| 03.24pm | Kesosa Sists vs Nami Sists | A Police. A |
| 03.38pm | Negifi Sists vs Pricilla Sists | A Richard. A |
| 03.52pm | Lae B/Crackers vs Knight | A Joyce. D |

OKKAINHENS RUGBY LEAGUE DRAW

02-08-99 - Round (6) Weekend Sports Draw

Venue Hohola Oval

| | | |
|-----------|------------------------|---------------|
| 08.00am | Raiders vs Gunangi F. | B Peter Suk |
| 08.30am | Nights vs Sianes | B Robert Peti |
| 09.00am | Nambi Bro vs Bears | B Bobby Ato |
| 09.30am | Megusa vs Kesosa | B Stanley. D |
| 10.00am | Tapaya vs Comix | B Livingstone |
| 10.30am | Usu United vs Sharks | B Gibsen Ku |
| 11.00am | Raiders vs Gunangi. F | A Deepao |
| 12.00noon | Nights vs Sianes | A Bobby Ato |
| 13.00pm | Nami Brothers vs Bears | A Francis. A |
| 14.00pm | Megusa vs Kesosa | A Mksy. M |
| 15.00pm | Tapaya vs Comix | A Gibsen Ku |
| 16.00pm | Usu United vs Sharks | A Livingstone |

PORT MORESBY RUGBY FOOTBALL LEAGUE

POINTS TABLE AND MATCH RESULTS

ROUND 16 - DATE: 25 JULY, 1999.

| CLUB | P | W | D | L | F | A | PTS | CC |
|----------------|----|----|---|----|-----|-----|-----|----|
| A GRADE | | | | | | | | |
| Souths | 16 | 12 | 0 | 4 | 360 | 267 | 24 | 96 |
| West | 16 | 11 | 0 | 5 | 397 | 345 | 22 | 88 |
| Royals | 16 | 9 | 2 | 5 | 328 | 329 | 20 | 80 |
| Brothers | 16 | 8 | 2 | 5 | 315 | 274 | 18 | 72 |
| Waliya | 16 | 8 | 2 | 6 | 398 | 385 | 18 | 72 |
| Defence | 16 | 8 | 1 | 7 | 341 | 329 | 17 | 68 |
| Hawks | 16 | 8 | 1 | 7 | 351 | 283 | 17 | 68 |
| P/Panthers | 16 | 6 | 4 | 6 | 300 | 339 | 16 | 64 |
| Post Puma | 16 | 6 | 4 | 5 | 286 | 261 | 16 | 64 |
| Magani | 16 | 7 | 1 | 8 | 356 | 311 | 15 | 60 |
| Tarangau | 16 | 6 | 1 | 9 | 289 | 365 | 13 | 52 |
| Kone Tigers | 16 | 6 | 1 | 8 | 317 | 335 | 12 | 48 |
| D/Warriors | 16 | 3 | 3 | 10 | 289 | 359 | 9 | 36 |
| G/United | 16 | 3 | 1 | 12 | 291 | 336 | 7 | 28 |

MATCH RESULTS - ROUND 16

| |
|----------------------------------|
| Defence 40 beat Gerehu United 16 |
| Brothers 25 beat Tarangau 24 |
| Post Puma 14 beat Kone Tigers 12 |
| Waliya 32 beat Dobo Warriors 22 |
| Royals 26 beat Magani 24 |
| Hawks 22 beat Paga Panthers 16 |
| Souths 22 beat West 10 |

COMPETITION POINTS TABLE AND MATCH RESULTS - B GRADE

| CLUB | P | W | D | L | F | A | PTS | CC |
|-------------|----|----|---|----|-----|-----|-----|----|
| Defence | 16 | 13 | 2 | 1 | 291 | 169 | 28 | 84 |
| Waliya | 16 | 10 | 2 | 4 | 235 | 176 | 22 | 66 |
| West | 16 | 11 | 0 | 5 | 256 | 198 | 22 | 66 |
| Souths | 16 | 9 | 1 | 6 | 251 | 227 | 19 | 57 |
| Brothers | 16 | 9 | 0 | 7 | 239 | 169 | 18 | 54 |
| Hawks | 16 | 9 | 0 | 7 | 246 | 194 | 18 | 54 |
| Magani | 16 | 8 | 2 | 6 | 206 | 181 | 18 | 54 |
| Post Puma | 16 | 9 | 1 | 6 | 246 | 217 | 17 | 51 |
| Kone Tigers | 16 | 6 | 3 | 7 | 246 | 212 | 15 | 45 |
| Royals | 16 | 5 | 1 | 10 | 244 | 220 | 11 | 33 |
| Tarangau | 16 | 4 | 1 | 11 | 149 | 241 | 9 | 27 |
| P/Panthers | 16 | 3 | 2 | 13 | 193 | 259 | 6 | 18 |
| G/United | 16 | 2 | 1 | 13 | 118 | 329 | 5 | 16 |

MATCH RESULTS - ROUND 16

| |
|----------------------------------|
| Brothers 20 beat Tarangau 1 |
| Souths 30 beat West 12 |
| Royals 14 beat Magani 6 |
| Defence 20 beat Gerehu United 0 |
| Waliya 26 beat Dobo Warriors 18 |
| Hawks 31 beat Paga Panthers 8 |
| Post Puma 18 beat Kone Tigers 14 |

* Points deducted for fielding unregistered players against Dobo Warriors. Appeal lodged by Dobo Warriors Mr Christopher Enara was informed about the appeal and status of your player registered.

COMPETITION POINTS TABLE AND MATCH RESULTS - C GRADE

| CLUB | P | W | D | L | F | A | PTS | CC |
|-------------|----|----|---|----|-----|-----|-----|----|
| Defence | 16 | 13 | 1 | 2 | 345 | 125 | 27 | 54 |
| P/Panthers | 16 | 11 | 1 | 4 | 206 | 178 | 23 | 46 |
| D/Warriors | 16 | 11 | 0 | 5 | 208 | 153 | 22 | 44 |
| Kone Tigers | 16 | 11 | 0 | 5 | 217 | 171 | 22 | 44 |
| Souths | 16 | 11 | 0 | 5 | 187 | 162 | 22 | 44 |
| Hawks | 16 | 10 | 1 | 5 | 215 | 137 | 21 | 42 |
| Magani | 16 | 9 | 1 | 6 | 190 | 199 | 19 | 38 |
| West | 16 | 8 | 1 | 7 | 222 | 147 | 17 | 34 |
| Royals | 16 | 5 | 2 | 9 | 134 | 169 | 12 | 24 |
| G/United | 16 | 5 | 0 | 11 | 224 | 186 | 10 | 20 |
| Waliya | 16 | 5 | 0 | 11 | 152 | 197 | 10 | 20 |
| Post Puma | 16 | 4 | 1 | 11 | 80 | 182 | 9 | 18 |
| Brothers | 16 | 4 | 0 | 12 | 90 | 154 | 8 | 16 |

MATCH RESULTS

| |
|---------------------------------|
| Defence 14 beat Gerehu United 2 |
| Souths 15 beat West 8 |

| |
|---------------------------------|
| Tarangau 0 forfeit Brothers 9 |
| Dobo Warriors 12 beat Waliya 2 |
| Paga Panthers 12 beat Hawks 8 |
| Kone Tigers 18 beat Post Puma 6 |
| Magani 10 draw Royal 10 |

* Both team did not show up

CLUB CHAMPIONSHIP 1999

| CLUB | A | B | C | TOTAL |
|-------------|----|----|----|-------|
| Defence | 68 | 84 | 54 | 206 |
| South | 96 | 57 | 44 | 197 |
| West | 88 | 66 | 34 | 188 |
| Hawks | 68 | 54 | 42 | 164 |
| Waliya | 72 | 66 | 20 | 158 |
| Magani | 60 | 54 | 38 | 152 |
| Brothers | 72 | 54 | 16 | 142 |
| Kone Tigers | 48 | 45 | 44 | 137 |
| Royals | 80 | 33 | 24 | 137 |
| Post Puma | 64 | 18 | 48 | 128 |
| D/Warriors | 36 | 42 | 44 | 122 |
| Tarangau | 52 | 27 | 0 | 79 |
| G/United | 28 | 15 | 20 | 63 |

MINOR SEMI FINALS - LLOYD ROBSON OVAL

Saturday, July 31, 1999

| | | |
|----------|------------------------------|--------------|
| 0900 U17 | Badili Vocational vs Defence | H. Haiverava |
| 0930 C | Kone Tigers vs Souths | A. Soikava |
| 1100 B | Hawks vs Magani | J. Kaupa |
| 0100 B | Souths vs Brothers | P. Kora |
| 1500 A | West vs Royals | S. Pareho |

Sunday, August 1, 1999

| | | |
|--------|----------------------|---------------|
| 0900 C | Hawks vs Magani | H. Sipa |
| 1030 C | Panthers vs Warriors | U. Hute |
| 1200 B | Waliya vs West | S. Peter |
| 0130 A | Brothers vs Waliya | M. Tolingling |
| 0330 A | Defence vs Hawks | N. Kuman |

JUNIOR RUGBY LEAGUE - PRL OVAL 2

Saturday, July 31, 1999.

| | |
|----------|------------------------------|
| 0900 U13 | Sharks vs Storms |
| 0950 U13 | B/Reds vs F/Wuzzy |
| 1030 U13 | H/Rosary vs Bulldogs |
| 1115 U15 | St Theresa Para vs Waga Rats |
| 1150 U15 | B/Reds vs F/Wuzzy |
| 1230 U15 | Sharks vs Warriors |
| 1335 U15 | Evadahana vs K/Storms |
| 1430 U15 | H/Dem Waliyas vs K/Bulldogs |
| 1530 U15 | Sevese Morea vs Iobuna Kouba |

Sunday, July 31, 1999.

| | |
|----------|----------------------------|
| 0900 U15 | St Theresa Para vs W/Rats |
| 0950 U17 | Bypass vs K/Warriors |
| 1040 U17 | B/Sharks vs M/Lions |
| 1130 U17 | Boroko Sec vs K/Storms |
| 1225 U17 | Evadahana vs Laloki Green |
| 1315 U17 | H/Dem Waliyas vs Iarowari |
| 1405 U17 | St Theresa Para vs W/Rats |
| 1500 U19 | B/Roos vs Pom Nat. Defence |
| 1550 U19 | Badili Vocational vs Pims |

Sunday, August 1, 1999.

| | |
|----------|-------------------------------|
| 0900 U19 | Cardois vs Morata Lions |
| 1000 U19 | Evadahana vs Maranatha |
| 1100 U19 | H/Dem Waliyas vs K/Vocational |
| 1200 U19 | Iarowari vs IDCE |
| 1300 U19 | K/Warriors vs B/Sharks |

LAERUGBY LEAGUE DRAW

SENIORS ROUND 14 (FINAL ROUND)

JUNIORS ROUND 12

Saturday, July 31, 1999.

| | |
|-------------------------|----------------------------|
| Outside Ground | |
| 09.00am | U17 M/Tigers vs Panthers |
| 10.00am | U17 Brothers vs Defence |
| Inside Ground | |
| 09.00am | U17 Royals vs Magani |
| 10.00am | U17 Tarangau vs LB Spiders |
| 11.00am | B Royals vs Magani |
| 12.20pm | B M/Tigers vs Panthers |
| 01.40pm | B Brothers vs Defence |
| 04.00pm | A Royals vs Magani |
| Sunday, August 1, 1999. | |
| Outside Ground | |
| 09.00am | U19 Royals vs Magani |
| 10.00am | U19 M/Tigers vs Panthers |
| Inside Ground | |
| 09.00am | U19 Tarangau vs LB Spiders |
| 10.00am | U19 Brothers vs Defence |
| 11.00am | B Tarangau vs LB Spiders |
| 12.20pm | A M/Tigers vs Panthers |
| 01.55pm | A Tarangau vs LB Spiders |
| 03.30pm | A Brothers vs Defence |

Gate Fees Adults K1.00 Children 50t

PORT MORESBY HOCKEY DRAW

Sunday, August 1, 1999.

Sir John Guise Stadium

| | |
|----------|----------------------------|
| Ground 1 | |
| 09.30 | WAR Sunam vs Bismarck |
| 10.50 | MAR Air Niugini vs Sunam |
| 12.10 | WA PNGBC vs Rockets |
| 13.30 | MA Air Niugini vs Bismarck |
| 14.50 | MA Sunam vs United |

| | | |
|----------|-----|----------------------|
| 16.10 | WA | Courts vs Zoggole |
| Ground 2 | | |
| 01.00 | WA | Sunam vs United |
| 12.10 | WAR | Air Niugini vs PNGBC |
| 13.30 | MAR | Bismarck vs Rockets |
| 14.50 | WAR | Rockets vs United |
| 16.10 | MA | Courts vs PNGBC |




On bye: Bismarck (WA), Rockets (MA), United (MAR)

LAECITY HOCKEY DRAW

Sunday, August 1, 1999.

| | |
|----------|--------------------------|
| Ground 1 | |
| 01.00 | Lekani vs Coronation (W) |
| 02.10 | Iruba vs Atzera (W) |
| 03.20 | Lagoon vs Defence (M) |
| 04.30 | Rapatona vs Iruba |

WANTOK SPOT



MADANG SOKA RIPOT

Transgogol makim soka skwat

BEN TAUMAI i raitim

TRENSGOGOL Spot Asosiesen i makim pinis 20 man na i stap pinis long trening skwat long pilai long Madang Distrik Soka sempionsip long neks mun.

Dispela 20 man skwat em ol i makim long 23 klab husat in bin salens long sab-distrik tonamen long las mun long Barum Komyuniti Skul.

Dispela tonamen em Memba bilong Madang, Jacob Wama, Jant timba kampani na Transgogol Lokel Gavman i sponsaim.

Sekreteri bilong Transgogol Spot Asosiesen, Joe Sume Kim i tok, ol i makim skwat bilong ol long pilai long Madang Distrik Tonamen. Bihain long dispela distrik tonamen, ol bes pilai bai ol i selektim na bai makim Madang distrik long Kantri Sait Tonamen.

Transgogol Spot Asosiesen em wanpela olupela na gutpela spot ogenaisesen long Madang.

Long dispela 20 pilai long skwat, foapela bai ol i dropim na fainel 36 man bai mekim tupela tim, Gogol 1 na Gogol 2.

Ol lain i stap long Gogol 1 em, Stanley S, Mug Malat, Ali A, Melchior Sokrim (Niso), Bill Sabug, Immsan Satau, Wis Arus, Bau Mema, Oblix Satau, Don Kuelinad, Kelly Bisique, Dubu Tubul (Berin), Dumar, Taimar, Kevin K, Oscar, Ban, Billy, Charles (Kokun) na Nasi (Kein).

Gogol 2 em, Keisom, Nabo, Kila, Fuksie (Kein), Kaur, Derix, Keror Y, Teddy T, Mainau Gunai, Sulux (Lagogen), Denny Sume, Malex Moyon, Ray Yagas, Demer Pelei, Steven Mauna, Kenny Koser, Maikul Tewateriba, Solu Kaisom, Ray Tuau na Mosco Walol (Barum).

Dispela Madang Distrik Tonameni sapos long kamap long kwins bet de wiken tasol ol i surikim i go long sampela taim bihain long neks mun.

Siaman bilong Provinsal Spot Asosiesen, Peter Angassa i no kisiim yet nem bilong ol tim husat bai pilai long tonamen. Sampela bilong ol distriks em i no kism nem bilong ol tim em Bogia, Raikos na Sumkar.

Madang distrik tu i no mekim sampela toktok na Mista Angassa i wet yet long Distrik Edministreta, George Chapok long go lukim em.

Long Midel Ramu bai nogat hevi bikos ol i gat gutpela spot asosiesen na Memba bilong ol Tommy Tomscoll bai givim han.

Angassa i tok "Olgeta progem menesa long ol distrik bai lukautim ol pilai na opisals long tonamen bikos Provinsal Spot Kaunsil i nogat mani. Olgeta mani em ol i givim i go long ol distrik."

Olgeta distrik i mas bringim K1,750 na dispela mani em bilong lukautim ol long haus slip, trenspot, kaikai na nominesen fi. Nominesen fi em K250 long wanwan tim husat bai stap long tonamen.

Angassa i laik bai ol progem menesa mas mekim wok bilong ol long salim nem bilong ol tim i go long em, bai em i panim ples bilong slip. Em tu i laikim bai ol i salim nominesen fi, K250.

"Ol i mas mekim hariap na mekim wok isi bikos mi no laik long kalap i go i kam long las minit," Angassa i tok.

Goroka Lahanis



Mendi Muruks?



PETER MAIME i raitim

MINJ ragbi lig graun bai lukim sampela paia i kirap taim tupela top tim, Goroka Lahanis na Mendi Muruks i bung long Sande.

Wanem tim i win long dispela gen bai go insait long gren fainel wantaim Rabaul Gurias long neks wik.

Em las sans bilong Goroka Lahanis na Mendi Muruks. Husat i lus bai tok gut bai long 1999 na traime gen long yia 2000.

Dispela gem bai gutpela tru long lukim bikos tupela tim bai pinisim olgeta stail long winim dispela pleminiri fainel.

Planti sapotas bilong tupela tim bai go long lukim gem, na wantaim ol lain long Waghi yet, pilai graun long Minj bai kapa-sait long ol manmeri.

Goroka Lahanis na Mendi Muruks em

sempion tim bilong bipo. Goroka Lahanis em namba wan tim autsait long Mosbi long winim SP Kap taitel long Pot Mosbi Vipers long 1993.

Goroka Lahanis em maina prima bilong 1999. Em i no pilai gut long las wiken egenisim Rabaul Gurias long Lae na lus long 22-20.

Long Sande, Goroka Lahanis i save olsem ol i mas winim dispela gem long abrusim sem. Sapos ol i lus long Mendi Muruks, em bai nogut bikos ol i bin pilai gut tru long dispela yia.

Goroka Lahanis sapos ol i laik win mas sapim su bilong ol gut. Ol i bin lusim planti poin long gol kik klostu long gol pos long las wiken.

Kosa Joppa Gomia i save long dispela hevi long sait bilong kikim gol na bai painim wanpela man long mekim gut dispela wok.

Ol lain husat bai go pas long winim gem bilong Goroka Lahanis em, Fatty Buka, Uti Divilake, John Markham Jeff Aizue, Ivan Masoka na Joseph McConnor.

Mendi Muruks i smelim gren fainel pinis na ol i putim ai long winim SP Kap. Ol i gat han mak pinis long dispela kap, na i gat tingting long karim SP Kap i go gen long Sauten Hailans.

Mendi Muruks i bin pilai gut tru na winim Waghi Tumbel 18-13 long Goroka las wiken na bai mekim wankain samting long Minj long Sande.

Kosa bilong Mendi Muruks, Peter Nane bai askim kepten bilong tim, Ruben Ruing long winim dispela gem.

Ruing bai kisiim sapot i kam long Anton Mal, Timon Mosebuya, Bobby Mangope, Samuel Pinpin, David Ako na Petrus Thomas.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.